


иққи томлик
асарлаар
түплаши

II том




УзССР
47652
Н 1956
г. Ташкент

ЎзССР ДАВЛАТ БАДИЙ
АДАБИЁТ НАШРИЁТИ
ТОШКЕНТ—1960

Нашга тайёрловчи
ҒУЛОМ КАРИМОВ

ХАЖВИЁТ







C A T I R A L A P

[ТАНОБЧИЛАР]

Бўлди таажжуб қизиқ ҳангомалар,
Арз этайин эмди ёзиб номалар,

Адл қулогила эшит ҳолими,
Зулм қилур, баски, менга золиме.

Үн ики ойда келадур бир таноб,
Ўзгалара роҳату менга азоб.

Султон Али Хўжа, Ҳакимжон² икав,
Бири хотун, бириси бўлди куяв.

Иккаласи бўлди чунон иттифоқ,
Гўё хаёл айлаки, (қилмай нифоқ),

Ош есалар ўртада сарсон илик,
Хўжа — чироғ ёғи, Ҳакимжон — пилик.

Бир-бирисига солишурулар ўрун,
Эрта-ю кеч ўпушиб оғиз-бурун.

Саллалари бошларида оқ сават,
Кўрлача тагда ҳама вақт уч қават

Бирлари мўлтонинамо, ҳийлагар.
Бирларидур кундапиҳу гавдаҳар

Оғизлари мақтаниб ўнбеш қариш,
Майда сухан, эзма (чурук), занчалиш.

Қайсики қишлоққа тушар отидин,
Элни йиғиб, воқиғ этар зотидин.

Дерки: «Күзунга ҳали кал жұжаман,
Махтуми аuezамлик үзим хұжаман.

Бизга бобо ҳазрати Шохлиғ мазор,
Мухлисімиз мардуми аҳли диәр.

Хам яна Эрхубби бұлодур тағо,
Аммамизинг эрларидур Нурато³.

Биби Убайдада бұладур холамиз,
Гоҳ келур әрди кичик боламиз.

Хизр отамларға буродар әрүр,
Чимлиғ азизлар менға додар әрүр.

Гарчики мен олиму шайхи замон,
Қирқингиза әмди берай бир қозон.

Манки танобингға чиқибман келиб,
Хизматими яхши қилинглар билиб.

Үт қўюбон қўйдурадурғон үзим,
Ҳокимингу ўлдурадурғон үзим.

Хоҳ танобингни ду чаңдон қиласай,
Хоҳ карам бирла бошингни силай».

Хўжа сўэини мунга бермай қарор,
Мардуми саҳрайн бўлур бекарор.

Дерки Ҳакимжони —«Аё оқсоқол,
Бизни топибсан магарамким үсол?»

«Ҳозир этиб тўрт нафар мардикор,
Тўғри қил олдимға қилибон қатор.

Арқоними еринга судраб чиқай,
Баччаталоқ қишлоқиларни (урай),

Бир бурайин мўйлабимни чиқиб,
Торт танобини жазоси сиқиб!

Яхшилиғинги фуқаро билмагай,
Холи булар күзга бизи илмагай.

Икки танобини қилай ўн таноб,
Юртингизи күйдуруб айлай хароб.

Хоҳ ўлинг, хоҳ қолинг, баччағар»,
Дебки, узантуга аёғин тирад.

Бир-бирига қишлоқ эли боқишиб,
Гоҳ уён, гоҳ буён чопишиб,

Жамъ бўлиб айлаюбон маслаҳат:
— «Дўғмаға,— дер,— бир нима бериб жўнат».⁴

Ақча қўлида ики-уч мўйсафид
Дерки:— «Бу назрингизу, бизлар мурид».

Зулм билан эллигу юзни олур,
Боз танобини дучандон солур.

Тоғи булар яхшию, бизлар ёмони,
Эл тамизидин ҳазар эт, алъамон!⁵

* * *

Ўзга яна ғусса будурким, дейин,
Шунчаки бир қисса булардин кейин:

Қўшти Жалолхон⁶ деган ўғлини манга,
Деди — «Руқум ўргатасиз сиз анга»,

Юклади ўғлини менга, мухтасар,
Бу дағи ортиқча (менга дардисар)...

Сўзни, Муқнмий, керак этмак тамом,
Маззаси қолмас узун ўлса калом.

[МАСКОВЧИ БОЙ ТАЪРИФИДА]

Ҳикоят қилай, турфа даврон экан,
Ҳалойиқ ҳама маҳву ҳайрон экан,

Чиқиб янги масковчидин бойлар,⁷
Синар ўтмайин баъзиси ойлар,

Хусусанки эшони Ҳодихўжам,⁸
Йўқ оғзида қарзини ваҳмида нам.

Керак берса Масковга бир лак, қани.
Битиб ваъдан пул, (ўзи мўлтани),

Дер эрмишки, ўрусга нисфин берай,
Келар йилга ярмига муҳлат сўрай.

Қачон бўлмаган гап қабул айласин,
Муқаррар дегайким, печать бойласин.⁹

Мунинг устига қарзидур Андижон
Ким, ўз халқидин — барчадии бу ёмон.

Бу ҳам қирқ минг сўм эмиш, деди қарз,
Ўтуб ваъдаси берсалар вақти фарз.

Нетармиз, дебон қистамас эл пулин,
— Берурмен,— деса,— сўмига ўн тийин.¹⁰

Чунончи хўжам, Подшохўжани¹¹
Чу Маскав юборган билан мол қани?

Фабрикантлар ваъдага молини
Беришмай,— деди, йиглаб ахволини.

Бориб мол учун, мол ололмай келиш
Ёмон, аҳли тужжорга мушкул иш.

Олиб сулсини ақчасин хўжайин,
Бериб мол конторга қилди тайин,

Олай деса, конторда йўқ бир пақир,
Деса: олмайин, ул заколат куйир.

Бу савдо билан бошида кечқурун,
Борур кўче ё орқадин, ё бурун.

Қочиб кетди маччойилар¹² аксари.
Бориб шулки юртига таъкидлари:

—«Сароеки, ў бошадаш, зинҳор,
Даронжо марав мемури, эй табор»

Сарой эгаси камбағал Бобожон
Кўрар тожике йўқ, бўлур тоза қон.

Очилгач келиб эртаси ҳужраси,
Қилур жанг жанжол ҳар эртаси:

—«Қўттармакка юқ деб, малай сақласам,
Ўзига дегай, ишлатурлар акам».

Үрисга ижора қўйиб зовутин,
Борур эрди ишлиқ бўлиб, чиқти кун.

Чиқиб қочди бир-бир ҳама мардикор,
Купес қолди бу сирга ҳайрону зор.

Топиб мардикорини—«Сейчас юринг,
Пожалиста,— дер эрди,— эмди туриңг».

Деди:— ҳар куни берсанг ўн сўм ҳам,
Борилмайди, қўй зовутини, хўжам».

Дубора яна борди бир ишга шул,
Сўкиб «нет,— деди,— келма дуррак, пошёл»!

Хўқанд ичра эссиизгина ҳавлилар,
Келиб икки минг ақчата сотдилар.

Олур эрди уч-тўрт мингга, қаранг
Нетар, бўлса, қарзига ўлгунча танг?

Ўзи оқшом ҳавлисида, ҳар кими
Кўрар келди эшон, қочар одами.

Агар борсалар қайси ҳаммомга
Чиқар ходимийлар қочиб томга.

Сабаб сўрди ҳаммомчи қочқонидин,
Дедиларки:— Биз кечтук эҳсонидин»...

Бериб арза маъмурга: Эй ҳокимим,
— Деди,— бор тўққиз юз олтмиш сўмим»,

Олиб буйруқ отиға Хайруллахон¹³,
Шариатга қамту ўтурган замон,

Келиб қолди ўзига ногаҳ қасам¹⁴,
Сариҳ бўлди ёлғонлиги муттаҳам.

Қизини олиб гўркави шўрлик,
Тушурлик тушиб, бўлмади жўрлик,

Келиб тошқидин ичкари кирмади,

· · · · ·

Деди оҳ уриб:—«Бўлса эр ҳоли бу»,
Фигонидин эл ичра тушди ғулу.

— «Дариғоки, бахтим қаро бўлмаса,
Сенга тушмас эрдим, худо урмаса».

Чиқиб ичларида ниҳон қотишиб,
Базўр қўйди ҳамсоялар босишиб,

Вале растада савлатин кўрсангиз
Ким, арзийди шайхи замон билсангиз.

От устида мардум қилурлар гумон,
Мударрислари «Бег»ни, деб Тош эшон.

Амома бошида, сафид жомалар.
Хаёл айлагайски алломалар.

Қилиб муҳтасар, сўзни қилдим тамом,
Малоловар ўлғай чўзилган калом¹⁵.

[САЙЛОВ]

Қачон ким бўлди ҳаким амри бирлан ибтидо сайлов,
Амалдор аҳли бошиға бўлиб келди бало сайлов.

Тераклар баргидек титраб, жамии қози — мингбоши
Дегойларким: «юзини тескари қил, эй худо, сайлов».

Сочиб қарзи-қувола, пул кўтариб, истаюб мансаб,
Бўйлмай кўп кишини синдируб, қилди гадо сайлов¹³.

Агар минг хатми қуръон этсалар, қўйлар сўюб арзир,
Үлумдин қолди қолганлар, бўлиб эрди вабо сайлов.

Олурға пора элликбошилар мингбоши — қозидин,
Ижобат бўлди — бўлди айлар эрдилар дуо сайлов.

Талоши жоҳ айлаб, от чопиб, олмай даме ором,
Мусулмонларнинг рангин айлади чун каҳрабо сайлов.

Муқимий, оғриди бошлар халойиқ гуфту-гўйидин.
Шаҳар тинчиб қолурди бўлсачи эмди адо сайлов.

[АХТАРИНГ]

Подшоҳ йўқлатсалар ногаҳ, гадо деб ахтаринг,
Тутманг ҳаргиз номими, бахти қаро, деб ахтаринг¹⁷.

Кимса билмайдур мани, ному насаб қилсанг баён,
Лола янглиғ доғи ғамга мубтало, деб ахтаринг.

Лайли топғил, десалар, Мажнуни саргардонини (нг),
Қўзларининг ёшидур ранги ҳино, деб ахтаринг.

Истаган чоғда топай деб, бўлса кўнгилда хаёл,
Қоматидур бори меҳнатдин дуто, деб ахтаринг.

Ҳажр водисида кезгай доимоким хўблар,
Хоки пойидур кўзига тўтиё, деб ахтаринг.

Бир шакарлаб, зулмпарвар ҳасратидан, дўстлар,
Умрлар умри чароги безиё, деб ахтаринг.

Даҳр зулмидин сиришки тинмай оқиб айланур.
Чарх жавридин бошида осиё, деб ахтаринг.

Толии шум, вожгун бахту ғизоси дарду ғам,
Нотавон мўри заифдин бенаво, деб ахтаринг.

Ер васлиға етолмай қолмиш улкунким Муқим,
Ушбу боисдин ўлумиға ризо, деб ахтаринг.

〔ХАПАЛАК ҚИШЛОГИ ТҮГРИСИДА〕

(Махмур ғазалига мұхаммас)

Күрди сандек шаҳи одилни на инсу на малак,
Арранинг зулмидин эмин ҳама бөғу чакалак,
Янги ой күзинга хасмінгни отурға камалак,
Эй жаҳондори зафар кавкабай даври фалак,
Эшигинг қиссаи қишлоғи хароби Ҳапалак¹⁸.

Гаждуму офию бий, ўтласа чаррандалари,
Бир гала мұру малах, бўрию даррандалари,
Ўлдуур чакса мабодо кана, газандалари,
Турфа қишлоқ, жин урган ани паррандалари
Товуғи — игначию, ўрдагу ғози — капалак.

Чуғзи вайрона тешик, уйлари сўрохи камар,
Фижи-биж тулкию кирпигикону эчкиэмар,
Ўтга қўшнига чиқиб, бир кечаси йўлда тунар,
Тепата чиқса киши, ундаю мунда кўринар:
Бир кала, икки кала, уч олочиқ тўрт каталак.

Чопишиур янтоғ ўтун марлу зан иссиқда куюб,
Ер загора нонини, топса отин қанд қўюб.
Жази йўқ шўрва каду ейдуган ошида суюб,
Ажирақ илдизини майда келиларда туюб,
Қайнатиб, кунда ичиб, отини дерлар сумалак.

Отлари логару қоқиу харобиу хариш,
Раҳм қилмай минаdur, икки қадам жавр миниш,
Очилур оғзи десангизда вузу ғўсл қилиш
Чўл, йўқ қатраи сув, катта-кичик, ёзу қиш.
Қўлинин қумга ювиб (ортига) суртар тувалак.

Күрпача тагда қомиш, бошларида болиш увот,
Нару мода аралаш, билмас алар айбу уёт,
Соқову гунг сұғи, йўқтур имомида савол,
Масжиди ертўла, бир эски қоронғу зулумот,
Кўр қилур кўзга уруб кирса киши кўршапалак

Кўчти халқи ёпиниб қўҳна, увода тўнини,
Чархдин ўткаришиб оҳу фифону унини,
Солмасун душмана ҳам бошига келган кунини,
Кечак ногаҳ эшитиб шуҳрати тилло пулни,
Ҳапалак қўрқишидин учти мисоли капалак.

Бўлса ул хисрави жам жоҳ карамдин не ажаб,
Фуқаро ҳолидин огоҳ, карамдин не ажаб,
Ҳам Муқимин сўраса, гоҳ карамдин не ажаб,
Кечса Махмурин учун шоҳ карамдин не ажаб.
Ҳапалак юртиға тушган пул агарчи лак-лак.

[ДАРИГО МУЛКИМИЗ...]

Дариго мулкимизнинг соҳиби аҳли шарор ўлмиш,
Шариат ҳукми қозилар қўлида пур ғубор ўлмиш.
Ба жойи амри маъруф, кори мункар ошкор ўлмиш,
Ҳакиму, олиму, соҳиб фасоҳат хори зор ўлмиш.
Бу кунда кимки имонин сотар ул эътибор ўлмиш.

Замона аҳлини бир хайли бордур ҳайф инсонлик,
Шул инсофи билан ул айлагай даъво мусулмонли,
Бирорга ҳийлаю макр айлаюр, афъоли шайтонлик,
Бўлур хурсанд ўз қилғон ишига буйла нодонлик.

Бериг қиз кекса бойга фахрила хешу табор ўлмиш.

Ҳама модар зинолар ҳамнишини қозиюл ислом,
Расолар бўлдилар тортиб ўзин ҳар гўшада гумном,
Туну кун фисқнинг йўлиға нодон қўйдилар иқдом,
Бунингдек қўрқаман, дўстларки, бадтар бўлмағай айём.

Нечун ким маслаҳатдони замон аҳли қимор ўлмиш.

Ҳазор афсуским, илм аҳлиға бир зарра иззат йўқ,
Ғанийларда саҳоватдин асар, хайр ила ҳиммат йўқ,
Ҳирадманд аҳли донишларда ҳам қадр ила қиймат йўқ,
Фақр аҳлиға мардумларда эҳсону мурувват йўқ.
Бахилу кўр каби эл кўнгли ҳам торику тор ўлмиш.

Бўза, ҳамру, муссалас бўзагардан тарк бўлмайдур,
Ҳалойиқлар ҳужум айлаб эшигидин узулмайдур,
Ҳумининг катта одамзодлар келгунча бузмайдур,
Ҳалойиқ... ўзгани манзур қилмайдур,

Маҳалли фисқи мардумлар қадам жойи мазор
 ўлмиш.

Кетардим бош олиб гар бўлса эрди, рўзгузорим йўқ,
Нетай безоди тўша йўлга юрмакка мадорим йўқ,
Туарга қолмади тоқат, кўнгулда ихтиёrim йўқ,
Ўзингдин ўзга, ёраб, раҳбари лайлу наҳорим йўқ.
Ҳидоят айлагайму деб Муқиминг интизор ўлмиш.

[ДАР МАЗАМАТИ ЗАМОНА]

Дариғоким, ажайиб турфа бир охир замон бўлди,
Ики қўл то ёқода юрмасанг ишлар ёмон бўлди.

Уруб бир неча ерни босмачилар зор қақшатди,
Ки аксар бевау бечоралар бехонимон бўлди.

Тушуб хат: «берсун оқча мунча,— деб,— гар бермаса
кўрсун»
Не бўлди Нур Муҳаммад аълам ул ҳам ончинон бўлди.

Мавосою мадоро йўлини кўзлаб чиқишганлар,
Тирик қолди аларнинг шарру зулмидин омон бўлди.

Ҳама зир-зир сиуб, оқшом чиқолмай уйдин эшикга,
Саломат кўз очиб тонг отса турмоғлиғ гумон бўлди.


Йиғилди ҳар тарафдин зўр зан, хунрез ўғрилар.
Алардин нечаси бадбахтларни пирсиён бўлди.

Яқин бир ойғача пулдорлар аҳволи ҳар оқшом
Киши билмас етар жойи даруни коҳдан бўлди.

Отиб тонг ухлашолмай дуздлар ваҳми билан ҳаргиз,
Семиз бойлар озиб, ғам бирла чўпу устухон бўлди.

Қаю мажлисга борсанг, босмачилардин гапургайлар,
Бўлак сўз ҳеч сиғмай ёлғуз ўзи достон бўлди...

Муқимий шаҳарға шундоғ киши мириасас бўлса,
Худойим хоҳласа ўғрилар энди бенишон бўлди,



[ХАЖВИ ВИКТОР БОЙ]

Қисса бози дафтарга олгон экан Виктор бой,
Бойлар бойи бойларга кордон экан Виктор бой,
Маълум, машҳур Хўқандга шайтон экан Виктор бой,
Кантуралар ичинда ёмон экан Виктор бой,
Темир сандиқ дегани ёлғон экан Виктор бой.

Ҳиссат харис давонлар хушомадгў нечаси(?)
Машваратни(нг) бобила борур эрди кечаси,
Молу, матоъ ҳимматлик санга берди ончаси,
— Ман хонаи пухта,— деб олдинг жаҳон оқчаси,
Санга берган одамлар нодан экан Виктор бой.

Ман мунъим,— деб юрганлар, давру даврон сурганлар,
Фаросатни(нг) йўлида оқил ман, деб юрганлар,
Минг лак сўмни берганлар, йиғлаб келиб юрганлар,

• • • • • Андижонлик бечора меҳмон экан Виктор бой.

Билмасларни билдурудинг, сутхўр кўнглин тиндурудинг,
Макру ҳийла ишлатиб, қўноқ қилиб қўндурудинг,
Кўп бойларни синдурудинг, сутхўр кўнглин тиндурудинг,
Йўқ жойлардин ундуруўб, сандиқ пулга тўлдирдинг,
Бир курашда йиқитган полвон экан Виктор бой¹⁹.

[ХАЖВИ ВИКТОР]

Фалокат шум бадрагсан касофат тавамон Виктор.
Сиёқи кундаи дўзах, жаҳаннам ошиён Виктор,
Мусулмонлар ҳақига кўзладинг жавру зиён Виктор,
Синиб қилдинг ўзингдек кўп кишиларни ҳазон Виктор.
Буларни ҳам жазоси дер эди дорул-амон Виктор.

Зиёфат айламоғликлар, талаш юз минг такаллуф-ла,
Юрурди хизматингда пиру ёш юз минг такаллуф-ла,
Чиқордилар йўлингга неча юз минг такаллуф-ла,
Паёп-пай тортишибон нон-ош юз минг бой такаллуф-ла,
Эшиткач боришингни хосса бойи Андижон Виктор.

Кидиргон бирла омборида чумчуқларга дон чиқмай,
Қачон бергай гадога бир тийин руҳи равон чиқмай,
Баногаҳ авлиёйи бир тарафдин келса нон чиқмай,
Отига охуридин ерга бир кафлин сомон чиқмай,
Бўлур эрдинг кафи дасти муazzаз мөҳмон Виктор

Қўриб даъволарингни билмас эрдилар юрокингдин,
Ҳамиша судрар эрдилар кириб эгри учокингдин,
Карим охун, Қосим даллол пир ушлаб этокингдин,
Бурун, албатта, огоҳ бо ҳабар воқиф кечокингдин,
Хаёл айлардилар инсофлик шайхи замон Виктор.

Келиб оҳиста кантурга дедиларким мавосодин,
Сотиб нақт ақча қилди баъзи одам мулку ашъёсин,
Емай, ичмақи берди икки қўллаб ҳалқ дунёсин,
Бу рангда кўзладилар ўзларин торожу яғмосин,
Иложи бўлса еб кет бир тийинни ҳам берма жон
Виктор[“].

[ВОҚИАИ ВИКТОР]

Эшит, турфа сўзлар ҳикоят қилай.
Ҳикоят агарчи, шикоят қилай.

Жаноби ўшал Ҳоди Хўжа эшон,
Олур ўзларин ағниён замон.

Хаёлида Хўқонда дийдур: «қани,
Ўзумдан бўлак хўжай саййид, ғани?»

Бериб оқча Викторга ўн етти минг,
Ўтар қон билан ичларидан йиринг.

Қилиб махфи элдин пулин қистағай:
— Санго манда жон ошноси,— дегай,

Чунончи бу йил Андижон одами
Ҳаён айлади сандин ўн минг ками.

Олиб баски етти ярим пахтани,
Ўн икки яримға итарди сани.

Ба ваъда ипак олибон санга ман,
Баҳосида берган эдим тан ба таън.

Бўлакларни бир сўмиға ўн бақар,
Берилганда ҳам шулки ҳаққинг кетар.

Келиб туштилар бойлари Андижон
Афандимни ҳавлисида меҳмон.

Мұқаррарки, ҳожим санға учрагай,
Алар оқчаси важқидин сүзлагай.

Келиб бүш ағашдиға сен зияхор,
Бутун бермағил пулларин зинхор.

Беріб күндурай бир сүмиға ярим,
Чароким ўзимни туғушконларим.

Бири холабаччам, бириси акам,
Кичиги укам, мүйсағиди дадам.

Хатим күзга суртуб қилишгай тумор,
Қабул айлагай манда деб, ихтиёр.

Дегайлар: ишим бор кетай, борму май?
Емон диққат ўлдым буқун оз ичай.

Құтарилса шояд күнгилдин ғубор,
Вале кимсаға қылмағил ошкор.

Бирор ичканым билса яхши әмас,
Ичарманда бұлсанг кишига демас.

Күнгуллар тилаб санға дерман сирим,
Дегайлар мени барча мардум: пириң.

Шариатда майки, билурман ҳаром,
Киши билмагай деб, будур илтижом.

Қилиб ичкилик ду-баду ёширин,
Кетар өңде ҳавлисига кечқурун.

Дегайлар Қарим охунум меңмон,
Борур бу кеча одаминг бир зомон.

Самовар қўйсун, деб олиб кетиб,
Эшик, тешику, дарчани беркитиб...

Бир оқшом эди: «бор!» деди бормади,
Бери қылди Охун бошин ёрмади:

Тўлиб ўпкаси йиғлабон зор-зор,
Деди: «Мунча охир дединг,— бор-бор.

Эшикингда қўйсанг агар от боқай,
Ўлумга буюрсанг бўшимла чопай,

Бориб қай кеча бўлди корим тамом,
Томоғимдан ўтмас ҳануз ҳам таом...

Жавобимни берғил, агар бор десанг,
Юрай ёки қўй бормагил, бор десанг».

Эшиккач Охун ушбу ҳангомани,
Олиб бошга қотти кулиб жомани.

Ўтиб буйла пинҳон қизиқ можаро,
Урусларга бўлди магар бир бало:

Бу ҳам синди ногоҳ Лахтин сабил,
Бериштиму билмаки бир-бирға тил.

Инғилди тамоми пули борлар,
Қилиб жонлариға бу ғам корлар.

Демаңг ушбу сўзларни сиз ўтрук,
Ўтуэ икки ойға олишти суруқ.

Хабар дўғма берди пулдор келиб,
Олур эски вексилни янги қилиб.

Бўшон бист ҳазор оқчаға бегумон.
Ўн иккига вексилни янгилогон;

Сакиз мингиға ўзга маҳфи бориб,
Бўлак янгилақ келди чарчаб-ҳориб.

Бу ишга жамии тижоратчилар,
Дедиларки, девона — Мажнун магар.

Бу аснода топди Мусажон шикаст.
Қилиб гарди накбат юзиға нишаст.

Пули бор эди минг сўм мунда ҳам,
Урусадин ёмон мунча чекди алам.

Ушал оқшоми уйқуси келмади,
Ниҳон дарду сўзи киши билмади.

Деди учраб ўтканда Мовлон ака:
«Сиза илтимосим бу ким: жон ака;

Олиб берсангиз оқчами олти минг,
Боринг беш юзини ўзингиз олинг!»

Деди: «бойки андин пул олмоқ қийин,
Бусотида анқо эрур бир тийин.

Агар етса эди унарга кўзим,
Олур эдим аввал пулимни ўзим».

Йўлиқти бу ўтиб, келиб Рудник,
Дебон: «ну, давай идрас» олиб илик.

Муса жонга «ақчанг,— деди,— қанча бор?»
Деди: «бир минг уч юз на олти ҳазор»

Бу сўз ҳам, дейин, қолмағай то ниҳон,
Келиб Косими суйидин Андижон.

Дедиким: «қани уч мингимни беринг,
Ва гарна шариат десангиз юришг!»

Ики мингчани олди, бир минггини,
Тушиб ўртасига оғою ини;

Отанг яхши деб елкасига қоқиб,
Халос эттилар отка зўрлаб тоқиб.

Бу ҳам борки, ўғли эди читфуруш,
Дўконини беркитди, деб, «қилди куш»

Хўқанд олдуриб келдиким мол олиб.
Берай йиғламай бориб, ўлтур солиб;

Киши бермади ваъдага молини,
Кафил нусрат олди жуҳуд шолини.

Қилиб меҳмон нону чойи билан,
Жўннатти яҳудини бойи билан.

Ўтиб сўми бир минг. ёқиб жонни ҳам,
Ололмай баҳолаб, олинди гилам.

Окосини ўғлин яна дам бадам,
Юбормоқчи Масковга — йўқ бир дирам...

Путин олти тийиндин қарор айлади,
Бўлуш оқчасини шумор айлади.

Гулоба бериб узди қиймат баҳо,
Олиб сурдилар кўэга айлаб дуо.

Келиб кимникум оқчаси бор эди,
Униш бир сўм ўлгунча душвор эди.

Агарчанд нахри зиёд ўлса ҳам,
Ғанимат кўриб олдилар бешу кам.

Агар қистаса қарэлар ақча йўқ,
Ва лекин бу янглиғ тороқо-туруқ;

Сонур ўзларин Хўжа Аҳрори вақт,
Пиёда жиловида иқболу бахт.

Сарой — ўрдаси, наздида хон эди,
Ики ёнида юрса икки юзи

Агар хайрдин сўзласа ҳар киши,
Ураким, синар ўттуз икки тиши.

Гадо қўлида кўрса ногоҳ нон,
Дегай:—«берган одам эмас мусулмон!»

Қиласай ман ҳам эмди сўзимни тамом,
Малол овар ўлғай чўэйлган калом.²¹

[ДАР ШИКОЯТИ ЛАХТИН]

Мусулмонлар ҳақига күзладинг жавру зиён, Лахтин,
Буларнинг ҳам жазоси дер эди: дорул-амон Лахтин,

Карим охун, Қосим даллол пир ушлаб этагингдин.
Хаёл айлардилар инсофлиғ шайхи замон Лахтин.

Керак пулдорларни мунча ҳам қақшатмасанг эрди,
Бўлар иш бўлди эмди эл пулиға тоза тон, Лахтин.

Емай ичмайки, берди икки қўллаб ҳалқ дунёсин,
Иложи бўлса, еб кет, бир тийин ҳам берма, жон Лахтин.

Темир сайдуқ дебон хўб мұтамад билган кишиларга.
Кетар ҳаққинг агар бергандা бир қопдин самон, Лахтин.

Қўйинг, пул қистаманг, гар жон саломат бўлса топилгай,
Мабодо тонмагай деб қўрқаман жоҳил ёмон Лахтин.

Бирор куйди, бирорлар синди, мунга мұнча куймаклик.
Муқимий, қўй на ҳожатдур демоғлиқ: «ину он Лахтин»²²

[ВОҚНАИ КҮР АШУРБОЙ ҲОЖИ]

Ажаб халқ әканмиз, ажаб рұзғор,
Қизиқ ҳодиса, турфа лайлу наҳор,

Ашурбойдин әшитинг қиссае,
Аё әй бу Фарғонада номдор.

Қоровул уйидин ярим оқшоми,
Баногоҳ бўлди фифон ошкор.

Маҳалла бу ҳангомадин уйғониб,
Әшигига келди сағириу кибор,

Қоровул, стариши-ю, мингбошилар,
Чопиб келдилар, деб: начук кор-зор?

Босиб кирдилар бу начук дод деб,
Қоровулнинг уйига, беихтиёр...

Күрубедедилар: бой әкан, қочириңг,
Ашур күр ўзи ҳам бўлуб беқарор.

Қўюб томга бир бузуқ норвон,
Қўлидии гутуб кўрни, қилди дучор.

Ики-үч погона чиқиб, шошилиб,
Йиқилди, синиб шоти, ул мурдавор...

Иториб кетидин пишанглар билан,
Азоб ила томга қилишди сувор.

Қочар эрди томда саросима кўр,
Чапу ростиға музтару беқарор.

Халожо эди, туйникидин ани —
Кетиб боши бирлан ўшал нобакор.

Туруб ҳовлиниң соҳиби ногиҳон,
Чирогила нақзи вузуга чиқор,

Халожода пиш-пиш қилур бир нима
Деди: не балодурсан, оғозинг чиқор!

— Секинроқ гапир, мен Ашурбой.. — деди.
Қочиб ўлтурибман, сенга интизор!

Бу сўзда халойиқ, ғулув айлашиб,
Тутиб чиқдилар этгали сангсор.

Қоровулни, хотин, қизи бойни
Гаронишга келтирдилар ҳар чаҳор.

Кириб илгарироқ кордон қошиға,
Сиримни очиб қилма, деб шармсор.

Қўлингга тушуб феъли шайтон билан,
Деди: товба қилдим ҳазорон-ҳазор.

Приступга маълум қилмоқ учун,
Олиб кирдилар тўғри айлаб қатор.

Деди: нега бостинг бирорининг қизин
Бобо ҳожи бўлсанг, купес — молдор.

— Урушиб эди эру хотин бўлар,
Яроштиргали қилган эрдим гўзор.

Үрис, тўра олдида мункир келиб,
Деди: туҳмат айлар олуғга ниқор.

Шариатга айлаб ҳавола, деди:
Бу даъвога тейишли қозиға бор.

Ҳақорат қилинган кишилар қолиб,
Топиб бой сўзи бунда зўр эътибор.

Қачон камбағалларнинг сўзи ўтар,
Агар бўлса ақчанг, сўзинг зулфиқор.

Ниҳони сочиб симу зар сув каби,
Босилди мاشаққат билан бу ғубор...

Халойиқфа қилмас эди ихтилот,
Агар табъида бўлса номусу ор.

Муқимий сенга ушбу сўз не керак,
Бўлак ҳар кими кору аъмоли бор.

Ва лекин эшикконга танбих бўлуб,
Қолур сафҳаи даҳрда ёдгор.²³

[ТҮЙ]

Эшиитинг бир ҳикоя Иқондин,
Түй ночор қилди ёлғондин.

Хўжайин берди Тошкентдин тил.
«Тўй қилар бўлсанг, қўй ўзингга кафил.

Ўғлини,— дедики,— қилманг тўй,
Балки от тезагини қилманг бўй.

Не керак сизга тўй қилмоқлиқ
Керилиб обрўй қилмоқлиқ.

Гар десангиз мени қозон қурманг.

Ман ризомас кишига нон берсанг,
Ё товуқ сақласангу дон берсанг,

Туйнугингдин агарда чиқса тутун,
Мунда бер дастмояларни бутун.

Бўлса уммидингиз агар биздин,
Манфаат кўрмасин бирав сиздин».

Ушбу мазмунда қоқди сим хўжайин
Шод бўлуб эр, хотин деди: «Ўлайин!»

Соф ният сувики лойланса,
Не ажаб хайр эшиги бойланса.

Кичигу катта, хўрд ила реза,
Қилдилар бир-бирига истеза.

Уй ичи — ўрнига ўюн-кулгу,
Юлушиб юз йиғи-сиғи, қайғу.

Ташқарида қимирлаган эркак,
Бир-бироғига аччиғу жиртак.

Тўйга ўз тухмидин хотун демади,
Аччиғидин отаси ош емади.

Тўй-тамошо азога айланди,
Бил ахир турди, куйдию ёнди.

Қўй олиб сўйди арриғ уч сўмга,
Урди гўшт ила ёғини хумга.

Уч кишини маҳалладан сўшом
Чарлади, келди олдириб илдом.

Отларини дейин,— десанг,— ким-ким?
Сартораш, Кўр ҳожи, Сайд Қосим,

Ўртага қўйди калласини чиқариб,
«Кўргузинг маслаҳат»,— деди қиёзариб.

Бирор ундоғ деди, бирор мундоғ,
Элда айтур чунончи ким тўмтоғ.

Машварат айлашиб ҳоришдилар,
Неча ерга ўчоқ қозишидилар.

Оқибат маслаҳат бу ерга қарор
Топтиким, чиқдилар секин бозор.

Каллага еткудек биринч ила ёғ
Келдилар олишиб учиди оёғ.

Ис чиқармаедин ошни дамладилар,
Анга лойиқ тўқузни ғамладилар.

Ўчоқ устида гар йўталса бирав,
Ер эди елкасига етти қўсав.

Бири қаттиқ чиқарса овозин,
Билмасин құшни, деб тутиб оғзин.

Құшнилар ҳам солурлар әрди қулоқ,
Асарин топмас әрди дегу табоқ.

Дейдиган одамин тутиб номин
Деди: есин келиб ошу нонин.

Етти одамни үз маҳглласидин,
Қорни түқ, янги түн, басалласидин,

Деди шовқунламай имо уйидин,
Мұндидин, ундин, юқоридин, қүйидин,

Кирдилар түйга қўл ювиб, дегани:
—«Ҳайра мақдам», деб ўтқазиб ҳамани,

«Тўй муборак», дейишти пешу пас,
Деди — Мундоғ деманг, бу тўй эрмас!

Яхшилар — қилди тўй — деманг зинҳор,
Хўб бўлмас эшитса хешу табор.

Билсалар бойлар — аҳли расталарим,
Ичларида қийин кейин юрарим.

Нима кўп менда — ёру ошно кўп,
Бой кўп, шайху хўжа, мулло кўп.

Етса ногаҳ қулоқлариға бу гап
Обрўйим кетиб қолур-да тугаб,

Мен бир одамнинг одамию малай»..
Занчалиш, эзма ҳам чўзулди талай.

Тўйга кирган ӯшал беш-үн одам,
Деди:— «Хўп гап замонада шу ҳам».

Солди алқисса эски дастурхон,
Қўйди сойил каби неча хил нон.

Бириси юмшоғу бири қотган,
Бири иссиқ, бири мөғор отган;

Еңг учида қүюлди тұққиз нон,
Кулчалар тошки, синдирур дандон,

Сузди ош бир ликавда уч кишидин,
Кетти ошни күриб ҳама ҳушидин.

Ош мисоли табақда күэ ёши,
Курмаки күп, гурунчидин тоши;

Бир оғиз әмди олдилар янги,
Чиқди лаппак табақ уза чанги.

Фотиҳа жаҳл ила ўқишли туруб,
Келдилар түйдин уйға оч кекуруб.

— «Икки юз сүм бұлурми, деб, ширавор?»
Бұлғани шул түйининг охири кор.

Борҳо айтур эрди түйларда,
Әру дүстига күча-күйларда:

— «Қирқ чорак гурунч олай дейман.
Яна түйимга етмагай дейман.

Хотирим жам түғрисидин унум.
Камлигим бир сүқум билан ўтуnum.

Бошласам түй агар қозонни қуруб,
Үтказинг ўзингиз бошида туруб».

Йўқ бириси-да бу деганларидин,
Түққузы ошларин еганларидин,

Күча дарвоза түй куни занжир.
Түкти мискин, гадо йўлига қир,

«Хатми қуръон» қүюлди түйининг оти,
Бўлса шундоғ бўлурмиди ўёти?!

[ВЕКСИЛ]

(Завқий ғазалига мухаммас)

Мастур қолмағайким: сүзининг йўғони чиқди,
Олтиариқлари ҳам вексилни кени чиқди.
Заводни битказолмай Эшонни жони чиқди,
Афсус, эй халойиқ, ишлар ёмони чиқди,
Охир замона маълум бўлди, нишони чиқди.

Ҳар ишки халқимизға ҳокимлар этса фармон,
Қилмай иложи йўқтур душвору хоҳи осон,
Нуқра-кумушларидин бойлар хижил, пушаймон,
Юз дод қилмасунму бечораи мусулмон,
Ҳар тангада миридин яққол зиёни чиқди.

Банд ўлди олди-сотди, фуқароларингни бил, деб,
Пуллар жаримасини қилсанг экан, биҳил, деб.
Бозору бай очолмай қишлоғу шаҳр сил, деб
Арз этдилар халойиқ ҳокимга: ҳукм қил, деб,
Қирқ кунда уч миридин буйруқ дегони чиқди.

Диққат ҳама соталмай, ё бир нима олурға,
Қассоб етди ўзни гўшт ўрнига тилурға,
Солган қулоқларини эл гап недур билурға,
Бозор аҳли, ҳайрон савдо-сотиқ қилурға,
Сўйи самога йиғлаб косиб фифони чиқди.

Халқеки камбағалдур гўёки ғалтак ўлди.
Үлганни устига ҳам бир неча калтак ўлди,
Бу воқиа, Муқимий, ҳар ерда дастак ўлди,
Пул-дабба, нарҳ-қиймат устига пўстак ўлди,
Пўстак (белига) боғлаб Завқий баёни чиқди.

Үрди чүт сарғиға тәй, үтганды,
Түзгача жами ўттуз уч танга.

Ушбұ құзлар, Муқим, эмас ёлғон,
Құни-құшниси шоқиду бурғон.

Мұхтасар бүлди топти сүз анжом
Аддуо, вассалому исма тамом.

[ХАЖВИ ХАЛИФАИ МИНГ ТЕПА]

Махзани холи даҳан, тил мори гӯё баччағар,
Заҳри қотил суҳбати монанди дунё баччағар.

Дангаса, номардлик майдонида сарпо улуғ,
Муттаҳамлик дафтариң бошида тӯғро баччағар.

Ис чиқарған ерда ҳозир мисли шайтон ҳамтабақ,
Қанча сўксанг шунча шилқим; турфа суллоҳ баччағар.

Ботини чўян қозон, қайнар ичиди реву ранг.
Зоҳири бир сўфи сурат, қўлда ассо баччағар.

Ётқузиб тилсанг баногаҳ қорнидин чиқмас алиф,
Салласин кўрган киши дер:— «Катта мулло баччағар».

Ҳалқада мундин бўлак болонишин йўқ, охири
Қилмағай деб қўрқаман ҳазратга даъво баччағар.

Неча муддат йўқ эди, ул қайданам ҳозир бўлиб,
Ош аруса ҳангираб, кўп қилди савғо баччағар.

Шунча қўйнинг пўрдоғу пўстунбасин ўғирлади,
Тозалаб мингтепасига қилди савғо баччағар.

Сурмалар тортиб қачон кўрсанг кўзига, доимо
Ўзга бергай, қўлида ойина, оро, баччағар.

Билмам одам шаклида юрган уммисибъёнмукин,²⁵
Отини тутсанг агар ерда пайдо баччағар.

Бир пучак пул хайр ногоҳ бир гадо қилса тама
Истаган янглиғ вужудин андиң анқо⁴³, баччағар.

Меварад ҳаржо шикамро маҳз пур карлан, дигар
Нест парвойи ғами имрўзу фардо, баччағар.⁴⁴

Кир ювиб мағзобасин кўпугини олиб йиғиб,
Рўзада қўйғай отин қандин нишолло, баччағар.

Илгари филжумла номусу ҳаёси бор эди,
Қайси кун ҳаждинки келди, бўлди расво баччағар

Борса ҳар ерда уруб беҳуда ёлғон лофу қоф
Дерки: «Султон берди менга етти тилло», баччағар.

Гар асо тутса қўлиға сиз ани айб айламанг,
Воқианким, кўзи очиқ, ботин атмо баччағар.

Қилмас эрдим ҳажв, ноchor айладимким ўқишиб,
Аҳли донишга бўлур деб дафъи савдо баччағар.

Ҳеч кимни баччағар деб бўлмагай, то бу тирик,
Мундин ўзга баччағар йўқ, ўзи танҳо баччағар.

Эй Муқимий, сендин озоре биравга етмасин,
Душманинг ҳам бўлса ҳаргиз дема асло баччағар.⁴⁵

[ТУРФА НОДОН БАЧЧАГАР]

Күрмадим оламда сандек турфа нодон баччағар,
Суратингни кўрган одам дерки, шайтон баччағар.

Бу қадар расволиғингдин эътиборинг йўқ сани(нг),
Бу сабабдин сотасан ўзингни арzon баччағар.

Гоҳ тўқимни олиб қорнингга, айлаб акслик,
Бе низом эшакка ўхшаш бекуюшқон баччағар

Доимо йиртиқ кийим бирла юурсан кўчада,
Янги киймайсан эгнингга ҳаргиз иштон баччағар.

Сан билан қилғон кини суҳбат, қулоғи кар бўлур.
Доимо ҳар ерда бўлсанг лофу ёлғон баччағар.

Билмайин сўз айтасен ҳар ким юзиға чоптируб,
Беҳаёю, беадаб, оғзи паришон баччағар.

[ДАР МАЗАМАТИ ҚУРБАҚА]

Пирларинг ҳаққида кўп қилманг фифон қурбақалар,
Дам туринг, битти қулоқлар лаҳза, жон қурбақалар.²⁷

Бошқа вақти майли ғавғо қилсангиз, хомӯш ўлунг,
Шаҳардин келган эдилар меҳмон, қурбақалар.

Бош чиқориб ҳавздин ҳардам надур фарёдингиз,
Еки бу масжид деб. айтурсиз аzon, қурбақалар.

Ҳеч ҳавзу, ҳеч кул қурбақасиға ўхшамас,
Барча калладору фарбеҳ паҳлавон қурбақалар.

Хоҳ-ноҳоҳ Минг теппа деб, ўйлаб қилурсиз зикри жаҳр,
Ҳовз давринда ҳама маству пиён қурбақалар.

Не учун домла имомдин қўрқмассизлар, агар,
Бир сиёсат бирла бўлдингиз ниҳон қурбақалар.

Илгари эркан Ойим қишлоқ, Муқимий, эмди хайф,
Баччагар оқ дўппилик қорни йўғон қурбақалар.²⁸

[А В Л И Е]

Бошларида шапка гоҳе, гоҳ дастор авлиё,
Қўлларида субҳаю бўйнида зиннор авлиё.

«Тавба» дениг охир замона чиқса бу янглиғ чибок,
Ҳар (хотинга) ошиқу ҳар (қизга) хуштор авлиё...

Шул эрур кашфу каромотики бўйлаб субҳу шом,
Чиқса ҳар ердин бир ис ҳозир хабардор авлиё.

Доимо бепарда сўз ҳалқ ичра айтур беибо,
Бўлмагай деб қўрқаман ногоҳ сангсор авлиё.

Тоза илкини ювиб, ейдур ҳалол англаб гумон,
Учраса ҳар ердаким макруҳу мурдор авлиё.

Гар муқаллид бўлса пўстун бирла тоқат қилмасанғ
Муз қизиқликлар, ёгар тақлидидин қор авлиё.

(Гавдасидин) йўқ бўлак оғирлиги дунёда ҳеч,
Охират сори сафар қилса, сабукбор авлиё...

Филҳақиқат бўлма ғафлатдин бадандеша, Муқим,
Баски шуҳрат топти расволикда бисъёр авлиё.

[ЧОЙФУРУШ]

Қилған жувон бўлиб, битта хуштор, чойфуруш
Қўрсанг қачонки мурдакови бор чойфуруш.

Белбоғ сотилди, бир неча кун хўжайин қилиб,
Аммо бир кун муюшда дўкондор чойфуруш.

Ким сўрса нарҳ иккиси бирдин баҳо қўйиб,
Қилғай гаранг келса ҳаридор чойфуруш.

Пойлаб емакка бир нон олиб бир-биравини,
Тиқ этса ғалладонга ҳабардор чойфуруш.

Беизни хўжайин тийнини қилса сарф агар
Тушкай дўконга қулф баякбор, чойфуруш,

Кундуз ҳавоси ер билан осмонга сиғмаган
Лек ақшом... ёмон хор чойфуруш...

Нисбат қилурға арзимагай ҳажв ҳам ўшал,
Кетсун, қўй эмди, садқаи ашъор чойфуруш.

[У Р У Е]

Бошлади мардум аро шүриши маҳшар уруғ,
Айлади чун рўдапо халқни музтар уруғ.²⁹

Нонини бултур еган, пойлаган эрди алар,
Ҳайф куйиб ақчаси қилди чу ахгар уруғ.

Зарда қилиб жонивор, бўйлаки хор қилдилар,
Қолмаса номдин асар, бўлмаса хуштор уруғ.

Ҳикмати парвардигор, банда таажжуб қолур,
Бўлди чу хоки сиёҳ зарга баробар уруғ.

Кимтаки ўтказсалар, ваъдага олтанига
Насъяга ҳам олмайин, эртаси қайтар уруғ.

Учраса гоҳ бир таниш, қўлини маҳкам тутиб,
Қўймайин аҳволига, ҳасратин айтар уруғ.

Кўрди ўтар ошно, дерки, деса: «камнамо»,
Бўлди бошимга бало, бор эди камтар уруғ.

Қайдаки дарвешлар қўйға олур фотиҳа,
Дебки, дуо қил сотиш бўлса мұяссар уруғ.

Қозилар иқболиға тухмнинг жанжоли кўп,
Битса агар муфтилар фатвойи маҳзар уруғ.

Хирмани сармоясин боди зарапга бериб,
Бир неча бойваччани қилди қаландар уруғ.

Сўзни, Муқим, мухтасар ўлмоғи яхши, вале
Қанчаки оз, айласам шаънига дафтар уруғ.

[ТАР МЕВАЛАР]

Оҳ не кунким есанг, тайёр экан тар мевалар,
Қадри чандон йўқ экан—бисъёр экан тар мевалар,³⁰
Хоби роҳатбахши жисми зор экан тар мевалар,
Ушбу йил Фарғонамизда хор экан тар мевалар.
Боғлиқ одамга ёмон душвор экан тар мевалар.

Юртлар мингбошилари [ҳам] келдилар ёниб — тутаб,
Нозу неъмат журмини Хўқанд уёзидин тилаб,
Мухтасар айлаб тамоми муддаосин — мунтахаб
Қилди деҳқон арз ҳокимға, дедиким яхшилаб
Сотмағил, фармойиши жондор экан тар мевалар.

Зомуча чиққан назарлардин тушиб беихтиёр,
Бир тийин берсанг этаклатмуш эдилар бешумор,
Хеч арzon қолмас эркан қиммат этмай рўэгор,
Бодиринггу олуча ҳалқ ичра топти эътибор,
Ўзгаси то ҳандалак бекор экан тар мевалар.

—«Олма, ўрукни киши бозора олиб келмасун,
Чунки иллатлик, еганларга балоси тегмасун,
Бир мусулмон, от тутиб, шафтоли чилги демасун,—
Рус ҳукуматдонлари манъ этди,— мардум емасун,
Есалар, офат тегиб ўлор экан тар мевалар».

Боғонлар ҳам бўлурми боғифа кирсанг тажанд,
Миннатидин умрлар кирган чекар эрди газанд,
Дарҳақиқатким бузуқ ниятлари бўлмай писанд,
Чилги, шафтолу—кепак бирлан, чигитга икки чанд,
Сотқучи қишлоқ юриб, аттор экан, тар мевалар.

Құрани пайқалға деңқон ҳам темурлардин қурууб,
Кимки ўтса илкидин олур әди итдек ҳуруб,
Феъли бадларни ажаб бүлди жазосини күруб.
Сой, ариғларга сават бирлан палиска оғдариб.
Пишганидин бўғулиб безор экан тар мевалар.

Ошкоро боғда зардолу тералмай ҳайфким,
Бир қошиқдонда биравга келтуралмай ҳайфким.
Тош-тарозулар қабоқлардин қуралмай ҳайфким.
Шаҳрга бир дона саҳродин киralмай ҳайфким,
Муртади ҳар растаю бозор экан тар мевалар.

Сифлапарвар чарх еткурди фалакка нолишим,
Қалтираб, титраб бўлунган эрди тобистан, қишим,
Ғарқ пишган кўкча қовун, тегмагай аммо тишим,
Ёз ҳам неъмат билан, шундоқ гузарлар чўлким,
Чорсу, чорсу дер экан, гар бор экан тар мевалар.

Турфа иссиғим ҳаволар тобиши нори жаҳим.
Ҳар нафас айлаб ҳароратлар фузун ўтлуғ насим,
Ташналиғдин ҳўл табиат хоҳлади қайтиб дамим,
Ваъдалар қилди келар йил айлайин рўзи Муқим,
Едириш мендин, бу йил қарэдор экан, тар
мевалар.

[ХОЖИ ҚАДОҚЧИ]

Домиға түшмаган кам турфа тузоқчи Ҳожим,
Бермайди қылса нася судраб, чатоқчи Ҳожим.
Енгил ҳазилни билмас, нозу фироқчи Ҳожим,
Күрганда сўфи кундуз, оқшом қароқчи Ҳожим.
Минганда ўзин олғай эшшак, улоқчи Ҳожим.

Бечора камбағалсан, филжумла тарз косиб,
Чиқмайди чўнтағингдан урганда бир сўм осиб,
Ҳар ким билиб йўлини юрса, изини босиб,
Илкингга қўндурууб куш, ул сенга номуносиб,
Боқиб ўзингга иш қил, касбинг қадоқчи, Ҳожим.

Ҳар ерда кўрса шубҳа, билгай ҳололу тоҳир,
Ботинда бухлу кина, ҳар кимга дўсти зоҳир.
Оч қолса каллапазлар шўрбоси борса ҳозир,
Бу билмаган ҳунар йўқ, ҳар қайси касба моҳир,
Ҳоли темирчи уста, ҳоли сувоқчи Ҳожим.

Ҳалқ айди, келди чакки, дўконга келганингда,
Келмас эдинг бу одам олдиға билганингда,
Олдингда дўсту душман гар унда жилганингда,
То етмагай ғуборе, деб қўрқамен ёнингда —
Эй, Тожихон қароси юққай, бўёқчи Ҳожим.

Мажлисда лоф урманг, бор деб терак боғимда,
Давлат шукур бажодур, йилқиларим тогимда.

Ховлимда мунча ғалла, хұмлар тұла ёғимда,
Ибليس ҳийла дарсін анда үқур өғімда
Ұлғанда панд бергай, келса сұроқчи, Ҳожим.

Ногоҳ бир тарафға қылсанғ агар сафар сен,
Чиққунча то шаҳардің әллік тушуб құнарсен,
Ҳар бир овулда ётиб бир кечадін тунарсен,
Олдингда ҳоли тикмиш йильтіқ, синиқ қадарсен.
Бир ерда хұб яраштынғ иккі ямоқчи Ҳожим.²¹

[ГАП ТҮӨРІСІДА ГАП]

Хар кишиким күрпасыга пой узатмайдур қараб,
Сал вақт ўтмаски күзлар жониби Шому Ҳалаб;³²
Сұрсалар ушбу шикоятга буродарлар сабаб;
Фозиә³³ ликда зими斯顿 ер эди бир жұра гап,
Карру фарлар бирла бир-бир қочти, қолди гап тугаб.

Хожати теъдод әмас, даркор әмасдур отлари,
Мардум устидин ҳамиша, еб-ичиб авқотлари,
Ҳеч Қорундин кам әрмас еру сув, давлатлари,
Күча-күйда күрсанғиз от җүркитар савлатлари.
Үйларидә ой ўтиб чой ичмагайлар ўт қалаб.

Лоф рахшин катталик майдонига харён суриб,
Құл билан ҳар дам бурутларни юқоририқ буриб,
Юз тарафдин сүзга ёлғондин масаллар келтуриб,
Жұра дастурхонларida чорzonу ўлтуриб,
Пашмаку ҳалвони урғайлар нишолдога булаб.

Маърака, мажлисда олур ўзларини Таҳматан.³⁴
Ишлари даъво-ю манманлик агар күрсанғ қачан,
Муфт базм, улфатчиликка дүппи қайтоқи чапан,
Ҳеч әрқаклик ярашмас, хұби шулким мисли зан
Эмди уйда хапгина ўлтурсалар кокул тараб.

Ҳақларига оз эди ҳар қанча чакки сүз десанг,
То қиёмат кам агар ҳар қанча дашном айласанг,

Боз кетган устига кетган масал бордур, кесанг
Ичкариси бирла ҳам эмди таваккал гап есанг;
Эрлари ўрнига шояд хотунидин тегса гап.

Гаплареки, еб кетиб қарз ошни қилмаслар ало,
Қўрқаман улфатчилик барҳам егай деб ўртадо,
Аҳли ҳимматлар қаниким, айласанг жонлар фидо,
Кулмайин найлай Муқимий товба деб, ушлаб яқо,
Бўлса хотундин хароб эркак, замони бул — ажаб.



Муқимийнинг „Лайлак“ сарлавҳали сатирасининг
муътабар қулёзма нусхаси. Алоҳида қоғозга
ёзилган бу нусха шоир ва драматург
Собир Абдулланинг шахсий кутубхонасида
сақланади.

[ЛАЙЛАК]

Бўлур оқ сурати лайлак магарким сан қаро лайлак,
Бошимдан айланниб кетмассан чунин осиё лайлак,
Сафар қилсанг Сибир кет, муфт аз баски киро лайлак,
Ўлоқ чопсанг, йиқилсанг, бир куни қилсанг қазо лайлак,
Санго гўрков ҳассам, (таёкларим) туткай азо лайлак.

Наҳорда маргимушни каффа от ўлмай десанг хар-хар,
Етиб ер тишлаб ўрнимдин агар турмай десанг хар-хар,
Жаҳонда ер босиб бир лаҳзае юрмай десанг хар-хар,
Агар бир умр безгакни юзин кўрмай десанг хар-хар,
Қаду бастингга қилсун эрта-кеч эшак... лайлак.

Борурда Марғилон айланма қумларда ҳориб қолсанг,
Емакка нон тополмай кўча кўйларда ғариб қолсанг,
Мабодо деху қишлоқлар оросига дориб қолсанг,
Бўлуб ногоҳ мусофири бир вилоятга бориб қолсанг,
Қилиб иззат сани ҳар ерда берсунлар ғизо лайлак.

Соқол от тўрва, оғзи фор, ҳама бору йўқи ишкам,
Гапургай лоф уруб ҳар ерда дунёни иши миркам
Намоз ўқи, десанг дерким, мусулмонлир йўли
кам-кам.

Бўлур лайлак деган ингичка, нозик, новчаю ихчам,
Магар сан бошимизга ким бўлуб келган вабо лайлак.

Ҳамиша муддао шулдурки, ҳаргиз бе (...) ўтмай,
Ювинди кўрса ҳар ерда йўқ имкони ялаб ўтмай,
Қутурган ит каби мумкин эмас элни талаб ўтмай,
Бирор бирла қалин бўлса ородин ҳеч гап ўтмай,
Ажабким кўзи чаппа эртаси ношено лайлак.³⁰

[АСРОРҚУЛ]

Садқаи одам кету юз ҳайфисан, Асрорқул,
Заҳр ичкан, кийгонинг бўлсун кафан, Асрорқул.

Қайдা ким борсанг чекиб, элдин уқубатлар мудом,
Бўйнинга ҳар ерда солсунлар расан, Асрорқул.

Аксари умри (...) ўтуб, еб тўймаган,
Сингдиралмай эрта кеч урган ҳасан, Асрорқул,

Янги Қўрғондин келур хирмонга нон қўйгай, магар,
Хуржунида нўшқати зоғу заған, Асрорқул.

Эгнида оқ жома-ю дасторлар зоҳир вале,
Қоп-қаро ботивлари деги чўян, Асрорқул.

Бор экан келмасун, одам гадо деб бир умр,
Устидан дарвозасини қулфлаган, Асрорқул.

Саллаи харроти-ю, уст-бошлари қавъи силиқ,
Юзни совунлаб, ўзини сирлаган, Асрорқул.

Ҳайф Маҳдумхонки, бўлмиш улфатинг қишлоқда,
Баднамо, бадбўйсан, сассиғ сухан Асрорқул...

Катталиклар номуносиб санга, сан кимсан ўзинг,
Улганинг яхши бўлуб эрдинг қачон, Асрорқул...

Манқаси бурнидин оққон турфа ифлосу палид,
Ош еса беш панжаси ҳам дар даҳан, Асрорқул.

Панд эрур санга — Муқимий — ушбу сўз ҳажв айласам,
Бош олиб кетсанг керак бу шаҳрдин, Асрорқул.

[ДАР МАЗАМАТИ САГЕКИ, ЭЛЛИКБОШИ НОМИ
НИҲОДА БУДАНД]

(Элликбоши деб аталган бир итнинг ҳажви)

Қарилиғ юки тушубон манга, қади мавзуним букулиб
кетиб,
Соқолим оқи ўлум элчиси, яна хотирим чўкулиб кетиб,
Муни устиға лақабим ёмон, қутулаймукин кўмалиб
кетиб,
Ула қолайин тирик ўлгуча, ҳама жунларим тўкулиб
кетиб,
Тожик аҳлини чориги каби, жигарим чоки сўкулиб
кетиб.
Баданим чақа анга йўқ чақа, десам ман ҳануз раги
кўрсатай,
Бу касал мени дами қўймағай, қичишиб десам нафаси
етай,
Бу аламлари ила юргуча, қилингиз дуо ўлубон кетай,
Нони қоқи манга берадур тишим ўтмаса на илож этай,
Яна қолмади тўкулиб тишим, суяк оғзими ўпуриб
кетиб.
Тура тур дами эшит арзими, ака суфиё санга айтайин,
Жилиир каби жасадим қўтур, бу ситамларим кима
айтайин,
Чиқайин десам кўча сори эл, деб элликбоши қилишур
қийин,
Кечакундуз истиқоматим, ҳамма муллага тешилиб
биқин,
Яна вақғдин манга бермагай, қопойинмукин
қутуриб кетиб.
Манга муллалар қилибон жафо чилвир ила бўйними
боғлади,
Бўғубон ёмон йиталаб юруб, томоғимга кескини
жойлади.

Иигилиб ҳама мени қўймайин, элликбошиликка сайлади,
Мединскийга қилойинму арз, бу саҳар мени хафа айлади,
Дам-бадам келиб сўфи баччағар, манга чангитиб
супуриб кетиб,

Бу жаҳонда бир мусофирам ва на манда она на падар,
Дер эди мени бу шаҳар ичи кучими борида шери нор,
Бу жароҳатим сиза арз этай, ўлумима бердилар хабар.
Етиб эрдиму кўз эди юмуғ, «мана нон» деди битта
баччағар,
Хира қилди табъими бир киши, очсан оғзими
тупуриб кетиб.

Қилиб илтижо сўфиға дедим: «қичиди таним баданим
сила,
Увалаб эзив қичи (қўлларим), мана манда нифти тўн
тила,
Касал устиға хафа қилдилар, сабаби буким қиламан
гила,
Кўчага қувиб чиқадур уриб, бир охун акам зулм
ила,
Белима тепиб битта боққолинг, чиқа ёзди жон
узулиб кетиб.

Неча кун эрур тумов ўлмишам, яна кўк йўтал юрагим
эзар,
Тилаганда табъ бир таом қилиб, бергали қани бир
табор
Едуруб манга сўфи ўн собун, дилим авлабон деди «жун
чиқар»,
Қичима хориш бўлубон букун, кўтарурга пут қани бир
мадор,
Турайин десам йиқилай дедим, оёқим кеча чўзулниб
кетиб.

Ҳама он хомуш бир эшитмагай киши ҳеч қийл ила
қолини,
Йўқ эди дейин деса муниси ғаму дарду ҳажр малолини,
Элу ҳалқдин кўзини юмиб, мўйини юлиб пару болини.
Демас эрди бошиға келса тиф, эллик боши кимсага
холини,
Деди ногиҳон тўлуб ўпкаси эски дардидин қўзулниб
кетиб.

[БЕДАРАК КЕТДИНГ, ОХУНИМ]

Неча кундур бедарак кетдинг, йўқолдинг, охуним,
Ногиҳон бетоб бўлсанг иҳтимолдинг, охуним,
Еки бир ёре ила бир ерда қолдинг, охуним,
«Хўб келай деб кечқурун» келмайки қолдинг, охуним,
(Ёт) каби кўрганда хижлатдин уёлдинг, охуним.³⁸

Лозим эрди ётибон уйқуни урмоқ қай кеча,
Эй кўнгулларга тушиб сұҳбатни урмоқ қай кеча,
Йўл тегиз бўлса хаёл этдинг югурмоқ қай кеча,
Санга ҳам осон эмас лойлоқда юрмоқ қай кеча,
Мисли ит қувғон бузок — келгунча толдинг, охуним.

Дўстлик шундоғ бўлурми ҳафтада бир келмасанг,
Одамиятликка расмин қайдоғ эркан — билмасанг,
Хат юборганда келурсан бир ўзингча келмасанг,
Лозим эрди ваъдага мундоғ тахаллуф қилмасанг,
Синдингу лах-лах бўлуб эмди ушолдинг, охуним.

Деб эдинг: «бир кун бориб ҳасратлашиб ётмоқчиман»,
Алладинг келмай ва лекин санга алдотмоқчиман,
Бу ишингга эмди мен отларга судратмоқчиман,
Бир ўшал жонибға борганда кўруб ўтмоқчиман,
Сўрсалар бек жонларим лоҳаз йўталдинг, охуним.

Ўз маҳалланг хўб бепарво юрарсан, беибо,
(Ёш, яланларга) уялмай сўз қотиб беҳаё,

Күринур күэларга, лекин, суратинг сўфинамо,
Такъя лаб, жарлар, самовору оқарсув, хуш ҳаво.
Мунча ҳам сероб экан обод олдинг, охуним.

Еғса ёмғур, ўтса чакка хона таъмирин бузар,
Эртароф том теп чиқиб, тарновлар остидин сизар,
Кўп пулинг чиққан иморатлар юрак-бағринг эзар,
Беш ёғоч дарвозасини лойиға отлар сузар,
Ул кеча келдинг яёв, қайдоғ ўталдинг охуним.

Назмни бигишлигина айёмдин охун қадим,
Үқимай «охун» бўлиш осону табъингдур салим,
Маст бўлуб олдиға қўй чексун тамокунинг чилим,
Дахли йўқ сўз бирла кўнгул чокини кўклар Муқим.
Гўиё уста ямоқчи новҳа чолдинг охуним.

Ю М О Р Л А Р

ТАЪРИФИ ПЕЧ

Совуқ қайда әкан ороми жон, печ,
Дегайким баъзи нодонлар: ёмон печ.

Эшикдин қалтираб келсанг иситгай,
Ки мушфиқ волидангдин меҳрибон, печ.

Совуқ душман бўлиб урса шабохун,
Қилурға дафъи ул соҳибқирон, печ.

Зимиштон фаслида қурсанг уйингга,
Ҳузури дил, чу боғу бўстон, печ.

Чу тортиб келса лашкар қору борон,
Ўзи танҳо қочурғай қаҳрамон печ.

Келур на сандали тўғри, на гулхан,¹
Чиқорғонин, Муқим, эткай омон, печ.²

[КҮСАМЕН]

Оҳ, соқол қадри ўтуб, кўнгулда армон кўсамен,
Ҳафтада ойинаға боққанда ҳайрон кўсамен.

Барчада бўлса соқолу менда бир тук бўлмаса,
Йиғлабон ушбу аламдин гоҳ пинҳон кўсамен.

Сен ёшим сўрма, билолмайсан, ўзим ҳам, шунчаким.
Қатта-катта мўйсафидларга падархон кўсамен.

Ёш гумон этма кўриб аптим, соқолим йўқ учун,
Маллахондин³ қолган эски қарри таллон кўсамен.

Бўлма овора, билолмайсен суриштирган билан,
Бир чигилменким, ешилмас асли чистон кўсамен.

Ёш гўдак бирла кураш тушсам чиллакдай оширур,
Суратим кўрсанг агар ўлгунча полвон кўсамен.

Ҳар шаҳарда кўп агар юрсам, бир ой юргум келур,
Найлайн савдоий, аҳволим паришон кўсамен.

Найчилик бўлди фалак бедодидин охир ишим,
Йўқса, бир вақтида сурган даври даврон кўсамен.

Жағларим Шайдонни даштидек гиёҳ йўқ яп-яланг,
Энгакимдин бир Оло Маҳрам намоён кўсамен.⁴

Сўрма мазмунини қил найдин қиёс аҳволими,
Еэу қишиш ҳар ерда мундоғ соҳиб афғон кўсамен.

Бир фақирдин бир фақирни, дўстлар, тутманг дариғ,
Бир дуогўйи Муқимий мен қадрдан кўсамен.

[ХАЙРОН КҮСАМЕН]

Камбағал бир тұда гүдак ичра қолған күсамен,
Рост хоҳиким, гумон қил, хоҳ әлғон күсамен.

Күп бўғулғанман, ҳаво иссиғ, кетарман эрта-кеч.
Дафъи савдо қилғали ўшу Аровон күсамен.

Уйға овқати учун ун-мун олиб бермоқчиман,
Бир тийин йўқ, дўстлар, ёнимда ҳайрон күсамен.

Гоҳи беҳуд, гоҳ худ ҳолимға йиғлаб, гоҳ кулуб,
Алғараз ким бир нафасда неча алвон күсамен.

Эрта бирлан бор жанозамға хабар даркор эмас,
Ош емай ёткан кечим, албатта, ўлгон күсамен.

Зийнат әркакка сақол әркан, соқолим йўқ учун.
Халқ оро ўлгунча шумшук бад намоён күсамен.

Хайр мардумда, Муқимий, кам қолиб тушмай чақа,
Най чолурға қолмаган бир зарра дармон күсамен.

[ПАРИШОН КҮСАМЕН]

Езда иссиғда куюб, ҳар ерда юргон күсамен,
Хоҳи шаҳру, хоҳ саҳрою биёбон күсамен.

Зиндалиғ водисида тентуб гадолиғлар билан,
Бир қадамға қолмаган юрмакка дармон күсамен.

Найлайин овора бўлмай мулкида Фарғонанинг
Камбағалликдин ниҳоятда паришон күсамен.

Бораман савдо қўзуб, Мажнун сифат фасли баҳор
Қўзга хокин сурмака Тахти Сулаймон, күсамен.

Якка нафсимға гадолиғ айласам, андоғ эмас,
Жўжаси кўп қип-қизил деган: «Қани кон?» күсамен.

Даҳр базорин харидориға саққол эътибор,
Бесоқоллик дардидин ҳар ерда арzon күсамен.

Киссаларни, яхшилар, ковлангки шундоғ най чолиб,
Кетмаган то бир пақирдин олмай осон, күсамен

[ДЕВОНАМЕН]

Дұстлар бечора, қашшоқ камбағал девонамен,
Най чалиб, ҳар ерда үқуйман ғазал, девонамен.

Беканоатлик гадо қилди, дариго, ноилож,
Бандалиғ шартида, лекин беамал девонамен.

Салла, оқ тұнлар күруб, сохтимни инкор айламанг,
Бұлмасам ҳамким асл девона, кал девонамен.

Хайр этинглар бир тийиндін кечаси дегжүш этай,
Одатим шул: ош емай ётсам касал девонамен.

Ғұдойиб турмай беринглар бир пақир, хоҳ бир мири
Аср қичқирғон хурусадек, бемаҳал девонамен.

Хира шилқимлиққа ҳам йўқдур ўзумнинг тоқатим.
Зардалиkmен гарчики дуну дағал девонамен.

Мардикор иш қил, аёқ-қўлинг бутун найчи деманг,
Най агар чалсам бажомен, ишга шал девонамен⁵.

[О Т]

Үрма бир қамчи, олур минг интиқом, ўлсун бу от.
Тишилабу тепиб ўтар умри мудом, ўлсун бу от.
Хеч кишига бўлмағай чун ваҳши ром, ўлсун бу от,
Тоб йўқ афтини кўрмоққа, ҳаром ўлсун бу от,
Ҳайфдур ҳаргиз суформанг, ташнаком ўлсун бу от

Турфа қирчангию, санғи, хираю бадкордур,
Фикри-зикри доимо андешаси озордур,
Шовқунидин, эл миниб чиқсанг агар, безордур,
Гар сафар қилсанг бирав ҳамроҳлиққа зордур,
Шатта солғай йўлда ким қилса салом, ўлсун бу от.

Бад қабоқ, сурат совуқ, рангида кўрким қони йўқ
Бедани чайнаб ютарға тиш била дармони йўқ.
Ҳар қадамда қоқилур жисмида логар жони йўқ.
Минган одам бўлмаса мажруҳ то имкони йўқ,
Гўйё қайрарга тифи бениём, ўлсун бу от.

Доғули хислат, муғомбир, феъли-атвори қизиқ,
Боғласанг бир ерга, келсанг ногиҳон қайтиб ешиқ.
Бермагай тутқич, мисоли сабчибон ўғри мишиқ,
Гарчи ҳанги, жангариждур, кошки бўлса пишиқ,
Ўлгуча қўшу жувоз бобида хом, ўлсун бу от.

Зарра минганда ҳузур ила ҳаловат кўрмадим,
Шумлигидин ҳеч бир манзилда тинчлик кўрмадим,
Эрта оқшом пуштлаб, бир лаҳза емсиз қўймадим,
Қанча боқсанг силга ўхшаб, ранги чиқмас билмадим.
Синду ролмас, еса рад қилғай таом, ўлсун бу от.

Яхшиси бул: баш кесинг қилганда түй, айлаб сўқум,
Е мұхимми хайра қүш, ўрниға қўй айлаб сўқум,
Хожат әрмасдур йўқотғил гуфтгўй, айлаб сўқум,
Дум билан ёлин кузаб, жаззоси сўй айлаб сўқум,
Парчай жул, садқаи зину ложам ўлсун бу от.

Дафъатан тўхтар йироқдин бўлса бир одам дучор,
Анга боқиб кишинагай оғзиң очиб чун аждаҳор
Қайтадур ночор ўталмай орқасига, кўча тор.
Садқаи ему хашак кетсин, қўйинг очу наҳор,
Эртароқ етсун ҳалокатга тамом, ўлсун бу от.

Чап бериб, пойлаб тепарга устухон йўқ этида,
Ендашиб бормай йироқроқ тур охурнинг четида,
Дўст бўлмай дур — масал — туклук нимарса бетида,
Олдидин келсанг оғиз солғай, мабодо кетида —
Тепадур хоҳи чуқурлиқ, хоҳ том, ўлсун бу от.

Ҳуркуб ўтмас ўлса кўзига кўринса бир гиёҳ,
Ботинолмас анга бир эллик чуқурча — катта чоҳ,
Чўчимасдин ким қилур ўзиға-ўзи иштибоҳ,
Икки қўл доим яқода шарридин истаб паноҳ,
Минган одамни қилур субҳини шом, ўлсун бу от.

Кимса бозора сузиб дум, эй Муқимий солмади,
Бир харидори чиқиб, олған пулимға олмади,
Нечаким бадбахт тадбир айладим сотилмади,
Тобу тоқат менда эгарлаб минарга қолмади,
Келганига олса сот, эмди ҳаром ўлсун бу от⁶.

[ХАЖВИ ОТ]

Эй сипеҳри макрамат, в-эй меҳри буржи иътило,
Шахси олинг айламиш ҳақ мазҳари иззу ало,
Бўлмишам мен хаста ҳар турфа балоға мубтало.
Яъни отимдур бошимға бир ало кўзлик бало,
Барча кулғай арз агар қилсам мен ушбу ҳожатим.

Бир отим бордур, аё шаҳзодай олий мақом,
Кимса кўрмас бу сифат този нажоду хуш хиром,
Йўл юрур вақтида қилғой гаҳи ғамза, гаҳ мақом,
Ҳар қадамда бир неча қуллуқ қилиб айлар салом,
Ким анинг авзоидин ҳар лаҳза ортар ҳайратим.

Ему ўт берсам егай туфроғ ҳам тоши била,
Қорни тўйса сувга имо айлагай боши била,
Йўлга кирса сув ичиб бурни оқор ёши била,
Ҳар қадам қўйса агар мункиб кетар боши била.
Халқ ичинда ортадур шармандалиғдин хижлатим.

Неча ёшга кирган эрконсан дебон сўрдим хабар.
Деди: «Ман келганда йўқ эрди бу оламдин асар,
Неча йилдин сўнгра пайдо бўлди авлоди башар,
Бу жаҳонда оту эшшак ҳоҳи мода, ҳоҳи нар,
Жумла мандин тарқағон авлодиму зурриятим».

«Чув!» десам кўздин оқизғай йиғлаб ашки шош қатор,
Гулдуруклаб йўргалар, аммо оёғи бемадор,
Ногаҳон ул йўлда кўпрук сиз ариғ келса дучор.
Ултуруб йиғлар үтальмай оҳ тортиб зор-зор,
Ман ҳам анда йиғларам, раҳмим келиб, ҳам
диққатим.

Бори ғам қилмиш эди чеҳрамни зард, ашкимни ол,
Хушим элтар эди савдо била ҳар сүе хаёл,
Даргаҳинг сори ҳидоят қилди ақлу фикратим.

Сан сен истихқоқ бирла сарвари олий мақом,
Муттакойи аҳли фазлу муқтадойи хосу ом,
Комронлиғ маснадида шодком ўлғил мудом,
Издиёди давлатингни ҳақдин истаб бардавом
Кечакундуз сидқ ила қилмоқ дуодур одатим.

[БУ ОТИНГИЗ]

Эй афанди, саҳт бераптор экан бу отингиз,
Турфа, лекин, доғули, айёр экан бу отингиз.

Гар синааб бир қамчи урсангиз муғамбир ғаш ёқиб,
Ходими қилган киби ухлор экан бу отингиз.

Елиға қўйсанг гиру боғлаб тегирмон тош ила,
Бир қадам юрмай дуруст қолор экан бу отингиз.

Ўрнидан турмай ётиб ер отингиз ему хашибак,
Етмай охурга боши начор экан бу отингиз.

Қўз очолмайдур финак бориб, магар кайфи баланд.
Ичкани сув ўрнига кўкнор экан бу отингиз.

Суратини кўрган албатта гумон айлаб дегай:
«Зўр улоқчи, пойгачи, тулфар экан бу отингиз».

Сизга жон ҳожат эмас, лойиқ экан бу дабба от,
Боби кети-кеттики аттор экан бу отингиз.

От қўйиб сотмиш, Муқимий, отини жаллоблар,
Бўлмаса бир эшаки тайёр экан бу отингиз.

[О Т И М]

Бу падар лаънат ҳаром ўлгур отим,
Ҳар қачон ким ман минар бўлсан касал.

Зарра келмас ўзиға боққан билан,
Емиға қўшиб бериб қанду асал.

Меъдаси тобора суст, ўлғай заиф.
Силму билмайманки логар камбағал.

Ётса ўрнидан туролмас нотавон,
Қилмасам қўйиб пишанг бирлан шатал.

Йўқ табиб ким, югуруб боқтирамадим,
Тортсайди эртароқ кошки ажал.

Кетидин дурбинн қўюб боқсанг агар,
Ўшу Учқўргон кўрингай то Азал.

Тўғрисида бўлмасун оту улов
Хўжа хондек ҳеч каси шамъулқамал.

Эл аро афсоналар қилди мани,
Ҳар тарафдин чиқди минг байту ғазал.

Етмагайманким, пиён бозорига,
Эртадин то кечғача қилсан жадал.

[ДАР СИФАТИ АСБИ ТОЖИ ТИЛГРОФЧИ, БА ТАРИҚИ
ҲАЖВ МУҚИМИЙ ГУФТААСТ]

Синну солидин сўрарсиз гар отимни, дўстлар,
Ушбу йил тўлса, мусулмонсиз, аниқ мингга кирап.

Ёшлиғида борлиғи дандонларини оғзида,
Кексалиғдин бормуди, ё йўқму билмас тишлар.

Қамчини зарби билан йўртарда оғзинча кетиб,
Мастлар учган каби ул ерда ҳушидин кетар.

Ончунон логар, харобеким, зонифлик бобида,
Қантариб қайдоғки уч кун кетсангиз шундое турар.

Ҳафта кавшаб, донае өмдин олибон оғзиға
Ютса, қайдоғким бутун, шундое ичидан боз ўтар.

Дарҳақиқат, Тожиё, бечораи ҳайвонга жавр,
Рўзи маҳшар ҳақ қасос олса, сени ҳам бу минар.

[УЛОҚЧИЛАР]

Одам демангу тоза бало денг, улоқчилар,
Қайдоғ бало мисоли вабо денг, улоқчилар.

Отларга жавр этибки, чопишкай уриб ҳама,
Қилган иши ҳамиша жафо денг, улоқчилар.

Бечора отни қамчилашурлар жаримасиз,
Қилмас хаёл явми жазо денг, улоқчилар.

Үлган бузовни тортишадур бир пақир деб,
Ҳайвон сифот ҳарбгаро денг, улоқчилар.

Лаънат тириклигигаким, овқат учун мудом,
Ҳар тўйда хира, шанқи гадо денг, улоқчилар...

Азрўйи жаҳл ўлса агар тортибон улоқ,
Маҳшар кунидан юзи қаро денг, улоқчилар.

Гар десанг чопишла сурупий йиқилмайин,
Ушлаб жиловингизни фидо денг, улоқчилар.

Дашномингизга арзимагайлар Муқимийё,
Ҳар қанча ким казою казо денг, улоқчилар.

[АРАВАНГ]

Оқибат қилди дардисар араванг,
Хам қулоқларни саҳт кар араванг,

Юз маротиб пиёдалиқ жаннат.
Дейдилар ё сақар-сақар араванг⁷.

Филдираб ҳар қадамда минг дўқ-дўқ,
Мунча нотинч (тақар-тақар) араванг,

Шаҳрихон борғучча ҳалок қилиб,
Бизни ўлдурди, муҳтасар, араванг.

Бўлса шул яхши дебки мақтағанинг,
Бормуди мунданам батар араванг.

Сотар ўлсанг ўзум баҳо қўйсам:
Бир мири оту бир бақар араванг.

Иўлда чарчаб, пиёда ҳоришлар
Роҳат албатта билназар араванг,

Манзилига Муқимий етгунча,
Еди лекин-да, мочахар араванг.

[АРОБА]

Бозор чиқмай энди, зинҳор, ароба қурсин,
То келганингча айлар безор, ароба қурсин.

Ногоҳ кайғи учкай келса агар тарақлаб,
Ичган гиёҳи бўлса кўқнор, ароба қурсин.

Женг кўчаларни қилғай ўлгунча бесаранжом,
Қилмай ўшал ҳунар деб нажжор, ароба қурсин.

Юқланган эрса ғалла, юрсин омонки маъзур,
Эски сўлоги чиққан, бекор ароба қурсин.

Қишлоқ бетамизи бир игна олса қўшиб,
Танг растасига киргай аттор, ароба қурсин.

Бўлса киройи тушсанг пуржиналик каласка,
Гарчандким, қилурлар гулдор ароба қурсин.

Луччак аробакашлар кўкка боқиб ғўдайган,
Босқай юролмагандга ҳушёр, ароба қурсин.

Айлантириб бошингни, дил беҳузур доим.
Миндим нетай сафарда начор, ароба қурсин.

Чиқсанг, Муқимий, бозор, айларга дафъи савдо
Қилғай жаҳонни кўзга кўп тор, ароба қурсин.

[ЛОЙ]

Күчага чиқмоққа лекин саҳт ҳайрон қилди лой,
Қор ёғиб, қайтиб баҳор эрди — зимистан қилди лой.

Барғу борон устиға тинмай ёғиб бўлғониға
Ўзи ҳам чоғимда ўлгунча пушаймон қилди лой,

Бўлмаган қишиларда ёмғур, қор ўлуб фасли баҳор,
Бош кўтарган сабзани хок ичра пинҳон қилди лой.

Порсою зоҳиду обид риоят айламай,
Тойдуруб, ё сачралуб олуда домон қилди лой.

Бу фақиру бой демай, ногоҳ аёғига чолуб,
Ерга ургайким ани, ёрабки, полюон қилди лой.

Очилиб бодому савсан, гуллаганда ушибу йил,
Жойи тобистон магарким, тангри фармон қилди лой.

Кўчага чиққоч Муқимий калласин ўгуртуруб,
Яхши қилди, нафси коғирни мусулмон қилди лой.

[ХАЙРОН ҚИЛДИ ЛОЙ]

Эл ҳалокиға бу қиши чун Нуҳи туфон қилди лой⁹,
Мадраса масжидни айлаб ғарқу пинҳон қилди лой

То нузул этса малоик субҳ ҳақ амри билан,
Осмондин ер уза — тушмакка ҳайрон қилди лой.

Бўлмағай бечора, бойни фарқ айлаб имтиёз,
Хоҳиким туфорию озода яксон қилди лой.

Қор ёмғир устига тинмай паёп-пай ёғилуб,
Бўлғониға ўзи ҳам, чоғим, пушаймон қилди лой.

Қиши бўлур эрди совуқ, яхбандлиғ, парвардигор
Қудрати бирлан магар жойи зимиштон қилди лой.

Зоҳиду обид агарчанди риоят айламай,
Тойдуруб ё сачралуб олуда домон қилди лой.

Кўчага чиққоч, Муқимий, келмасин ўгуртуруб.
Хўб бўлди, нафси саркашни мусулмон қилди лой.

[ДАР МАЗАМАТИ ИСКАБ ТОПАР]

Турфа махлуқи вужудидур заңар искаб топар,
Бир милит ухлатмадилар то саңар искаб топар.

Хам ёмонликка ҳаво иссиф, булутлиғ кечалар,
Димлиғи етмасмукин қийнаб чақар искаб топар.

Найзасини захмидин ҳаргиз омон топмас киши.
Құлларида найза — қонингни ичар искаб топар.

Дамларинг қайтиб ўларсан ёпиниб, олсанг ўзинг,
Йўқмукин дафъиға тадбири дигар, искаб топар.

Хурмат этмай халқни түғри келиб чаққай сабил,
Демагайлар: «қозилар, мингбошилар», искаб топар.

Беркитиб эшик-тешикни шарридин истаб паноҳ,
Беркиниб ётсангки, лекин баччағар искаб топар.

Ҳикматин билмас Муқимий банда сунъи ҳақ билач
Бўлмаса йўқ ҳеч саҳрою шаҳар искаб топар.

[ШИКОЯТИ БЕЗГАК]

Илоҳиким, юзи бўлғай қозондин ҳам қаро безгак,
Тутиб, рангимни қилди, оздуруб, чун каҳрабо безгак,

Қарилар суннатини гар йигитликда ҳавас қилсанг,
Берур илкингга бир йўл ушласа, яхши асо безгак.

Эл озорини кўзлар бўйла шиддатла тутиб қаттақ,
Магар андеша қилмас мункири рўзи жазо безгак.

Зи сартопо набуд аз дарду андуҳу ғамат холи.
Мусаллат шуд, худоё, тавба кардам, аз кужо безгак⁹.

Табу тобидин ўртаб жисм куйди сабру тоқат ҳам,
Бу қайдоқ дард, ёраб: ман турай Қўқонда ё безгак.

Бағорат бурда қувватҳо, хурушон мерасад имрўз,
Намедонамки, боз акнун чи ҳақ дорад бамо безгак¹⁰.

Йўғон бир одами семизни тутシンким, бир оз озсун,
Тутар ман нотавонни, тутмаса ҳам гўиё безгак.

Илоҳи бандамен ожиз, Муқимий, лутф қил, қолсун,
Баҳаққи сурай қуръону оёти шифо, безгак.

[БЕҲАД ЕМОН БЕЗГАК]

Касалларни ичидә, дўстлар, беҳад ёмон безгак,
Емон ҳам бўлмагай деб, бир балойи ногаҳон безгак.

Камоли шиддатидин дардини бошдин олиб ҳушинг,
Қилур рангингни туткач бир минутда заъфарон, безгак

Мураббиси ўзингдин ўзга йўқ, ёраб, бу бандангни,
Ўзинг дардиға дармон қил, бўлубон меҳрибон, безгак.

Худоё бу начук махлуқ эдиким, раг билан пайдин,
Тутар пинҳони, раҳм этмай, магар номусулмон безгак.

Демаским: «тутмайин қавму қариндошини кўрмоққа,
Келибдур мунда Масковдин неча кун меҳмон», безгак.

Бу янглиғ бандаларга берса озор интиқомига,
Қурубон беху бунёди не тонг бўлса хазон безгак,

Илоҳо, сақла шарридин Муқимийга жияндур бу,
Баҳаққи чор ёру ҳурмати пайғамбарон, безгак,

| Ж Ү Ж А М |

Донга шаққиллаб, урушқоқ күрса, ногаҳ, дам жўжам,
Йўқ юзи бедонага боқмоққа бўйни хам жўжам.¹¹

Солса қўйниға киши бузгай жаҳонни вақ-вақи,
Тезласанг бедонага хиппа-хижил мулзам жўжам.

То кўтармай суни пурқуб, ҳом урушмайдур, деманг
Зарбидин пишмакни озиб бўлдилар шалғам жўжам.

Мижжаю, кўзу, оёқ, бошини кўрганлар леди:
«Мунга Хўқандда муқобил жангги шахлот кам»
жўжам.

Новча хуш гардан, мулойим, пур томоғда холини,
Қетмади солмай суқини кўрди ҳар одам, жўжам.

Шамълар ёқиб кўториб, ухламай то субҳи дам,
Қолмади ман ютмаган хуноба бирлан ғам, жўжам.

Расми бедона қочар эрди, урушкач зўридин,
Бул ажабким чуқулашмай ваҳши соҳиб рам, жўжам.

Рост айғил баччае, сандин Муқимий гап сўрар,
Шулмуди ёқим бўлакни бердиму Рустам, жўжам.

[ҚИЙФИРЧИЛАР]

Уч кун овлаб бир тирик бермас манго қийғирчилар,
Хар куни беш-үн олиб, қилмай хато қийғирчилар.

Бойдада, бойваччага ғойиб бериб яхши тулак,
Қилдилар бизларга қолғонда адо қийғирчилар.

Икки қийғир бирла овлаб, әртадин оқшомғача,
Ҳеч ҳосил этмадилар муддао қийғирчилар.

Бирларидур додхоҳ ўғли ҳукумат дастгоҳ,
Бири Ғойиб сартарош ул по-бапо қийғирчилар.

Кечқурин олиб келиб беш-олти мокиён үлук,
Үрдилар жұжа тулакни лиффаго қийғирчилар.

Додхоҳ ўғли жувонмарду муруватт ошкор,
Ангадур ҳар ерда худдом ошно қийғирчилар.

Сайри сангистон, Муқимий, Нодим ила айлагач,¹²
Ұзларидин қилди бизни норизо қийғирчилар.¹³

[ФОНУС]

(Завқиға жағоб)

Гап берилур борурда хуркоку сур фонус,
Сиғмайды ҳеч эшикдин ҳам чун танур фонус.

Бир дош қозонда қайнат илгари шам ёқмай,
Бұлсун мулойим андак, азбаски ғүр фонус.

Инъом бўлди сизга гарчанд Тошқентдин,
Бергаймудик деганда Шайхантаҳур фонус.

Қўйса балога кишинаб оқшом сабаб бўдурким,
Фонусларга мунда бўлган ғаюр фонус.

Сизницида нетонгким, бўлса пишиқу чаққон,
Бизларда мунда эрди кўп ландаҳур фонус.

Йиртиқларин ямаб сиз яхши қилиб ёқинг шам,
Маъюс кетди мундин бо сад қусур фонус.

Бор эрди табъларда бермак сени бировга,
Жойингни энди топдинг қилғил шукур фонус.

Хотирда йўқ эдиким, кўздин Муқимий кетсанг
Завқий сени тилабдур бер мак зарур фонус.

[ШАМОЛ]

Қилди оламни күзимга таңг шамол,
Юзга ургач, гарду хоку чанг шамол.

Қилди ақволим паришон айлаюб,
Хотирим ойинасига занг, шамол.

Құзғолиб турди сақар мақшарму деб,
Айлади бир соат ҳангу манг шамол.

Чектируб, ҳар дам отиб, түб гулдураб,
Душманеким, ёраб айлар жанг шамол.

Кар қилиб бошдин учиргай салланы,
Хұб қилур, лекин, гаранг калланг шамол.

Гангратиб тортар этакдин ҳар тараф,
Қылғай одамни чұлоқу — ланг шамол.

Ип билан тортиб ияқдин құймасанг,
Қочкай олиб дүппио салланг, шамол

Очибон боеіларни ҳам айлар ҳазон,
Оллох, өллох бу начук найранг шамол.

Ғайри сониъ ҳикматин билмас, Муқим,
Бандасан дафъига урма чанг, шамол.

[Б У К О К]

Ушбу Хўқанд ичра бордур марди бир нодон бўқоқ,
Бир эшакка юклаган хуржун киби тўлгон бўқоқ.

Еғфурушининг човасидек осилибдур бўйнида,
Есиғо (?—!) майдонида доим эрур жавлон бўқоқ.

Сўзлаганда гунбазе гўё садои берғуси,
Е кулол дўкони билмам бўйнида хумдон бўқоқ,

Е... ахлати бирлан қилиб шудгорлик,
Тарбуз эккан ҳар бири бир кўзадек дечқон бўқоқ.

Ҳар нафас олганда отлар ҳуркиб, эшак қочиб,
Ул йўқолганларга бергай доимо товои бўқоқ.

Пул йўқотган кўкнорилардек эгилган қомати,
Қўтаралмай юклаган тўрва киби сомон бўқоқ.

Қўзларига қон тўлиб, шоҳсоққадек ўйнаб чиқиб,
Гарданиға зўр келиб, томирлари арқон бўқоқ.

Соябондек кўтариб, ҳар кўчада савлат қилиб,
Ошноларни бошларига сояи айвон бўқоқ.

Расволигни шарти шуллур, бу бўқоқ фармонила,
Бўлди ғам дечқони хирманни қилиб бордон бўқоқ

Шодлик йўқтур кеча-кундуз иши мотам билан,
Қолди ғам остида бўлиб бошиға зиндан бўқоқ.

Жон берарни шиддати бир кун они бошидадур,
Бу жаҳонда юрганидин яхшидур ўлгон бўқоқ.

Бир балойи ногаҳонким, осилибдур бўйнида,
Ўлса ҳам бошида ўлтургай бўлуб гирён бўқоқ.

Хўқанд ўзи кўп тамошо, яхшидур одамлари,
Бир неча (ўзи бузуқнинг) бўйнида йўғон бўқоқ¹⁴.

[КАЛ ҚИЗИҚ]

Чун Ҳалокунинг ити, ҳар ерда сарсон кал қизиқ,
 Бир шаҳарга йўқ бориб, бир ҳафта тургон кал
 қизиқ,
 Қавми қардошин хаёли шулки ўлгон кал қизиқ,
 Неча кун бўлдики, пайдо бўлди шайтон кал қизиқ,
 Ёнилур бошиға лаънат мисли борон кал қизиқ.
 Бошиға солсанг агар нўқтани тўнғуз кал узар,
 Тўхтамай келгай қочиб, тўғри самовору гузар,
 Украса одам йўл устида ҳўқиз янглиғ сузар,
 Ногаҳон пул топса иштонбогига туфлаб тугар.
 Умрида кўрган эмас бир эски ҳамён кал қизиқ.
 Заррае шарму ҳаёй йўқ оғзида доим (чатоқ)
 Шум қадам, модар зино, оқи падар, хотин талоқ,
 Суратидур оқ кўпак, оғзи мисоли ит ялоқ,
 Кўймойинму ёр бирла доим ўлса ҳамтабоқ,
 Бир каф исло кўрмаган умрида талқон кал
 қизиқ.

(Баъзи бирлар) бу маҳаллар калнидур жононаси,
 Шамъи рухсорини кал тоңғ откуча парвонаси,
 (Ўйлаким, ул ернидир) кал отаси, кал онаси,
 Тобланур оқу, қарою гоҳ сариф пешонаси,
 Гоҳ фистоқи бўлур, гоҳе наформан кал қизиқ.
 Бу ишимдин оқ сақолимла, демас, ор айлайин,
 Ўзни фафлат уйқусидин эмди ҳушъёёр айлайин,
 Хислати зиштини токай тилда такрор айлайин,
 Ман они қайси хунук феълини изҳор айлайин,
 То оёғдин-бошгача фасли зими斯顿 кал қизиқ.¹⁵

[ПАШАЛАР]

Айтайин бир қиссаеким, дод қўймас пашшалар,
Кимга бориб дод айтай, бедод қўймас пашшалар.

Мубтало бўлғил илоҳо тортанакнинг ториға,
Учраса анга яна ҳаргиз қутулмас пашшалар.

Ушлабон думлориға чўплар суқуб, қилсан азоб,
Ҳужра ичра қувладим ҳаргиз кетмас пашшалар.

Ҳар таом кўрса ўзин якбора ургай шул замон,
Доимо қилса хўрак ҳам оч, тўймас пашшалар.

Ман қуварман, ул қочар, эмди чоритди найлайн.
Судъясига арз этарман: «Дод қўймас пашшалар!»

Кечач бўлса оқи қўймас, бўлса кунлуз қораси,
Ухлайн десам ётиб ором бермас пашшалар.

Тўпланиб юргай бошимда, бир-бирини қувлашиб,
Доимо ғавғо қилур, жанжоли битмас пашшалар.¹⁶



CAËXATHOMA





(ҚҰҚОНДАН ШОХИМАРДОНГА)

Фарәдким, гардунни дун
Айлар юрак-бағримни хун,
Күрдикі, бир аҳли фунун —
Чарх анга кажрафтор экан.¹

Қолмай шаҳарда тоқатим,
Қишлоқ чиқардим одатим,
Хоҳи яёв, бўлсун отим,
Гаҳ сайд ҳам даркор экан.

«Үлтарма»га қилдим юруш,
Йўлдош эди бир читфуруш,
Етдим жадаллаб вақти туш,
Бирдам қизиқ бозор экан.

Бир маърака кўрдим бутун,
Жамъи ёпинган бошга тўн,
Боқсанки, беш юзча хотун,
Воиз сўзин тинглор экан.

Мингбошилик кимнинг иши,
Десам, деди бедониши,
Бир, «Қўштегирмонлик» киши,
Хўжа Исо бадкор экан.

Мағрур, хасису бешу кам,
Ҳар гапда юз ичгай қасам,
Такжой олур моховданам
Ҳожи ўзи мурдор экан.

«Дұрманча»га кетдим ўтуб,
Еқамни ҳар соат тутуб,
Етдим ул оқшом ғам ютуб,
Дашти қароқчизор экан.

Унда бүлус Фози деди,
Хам муфти, ҳам қози деди,
Юрт барча норози деди,
Қилғон иши озор экан.

Боз издиҳоми воизи,
Бадкайфу очилмас күзи,
Юқори бошидин тизи,
Эрмаклари күкнор экан.

Сұрсам дедилар «Бұрбалиқ»
Бирмунча әчкілар ариқ,
Келса киши еяр тарық,
Шому саҳар тайёр экан.

«Оқ ер»дин ўтдим, бойлари --
Олий иморат жойлари,
Меҳмонсиз ўткай ойлари,
Келса бирор ночор экан.

Аммо назарда «Рошидон»
Фирдавс боғидин нишон,
Үйнаб оқар оби равон,
Саҳни гулу гулзор экан.

Маъюс бордим «Зоҳидон»,
Бир күча кетгунча дўкон,
Шўх одами, ичмай пиён,
Маст, отаси безор экан.

Сувлар сепилган сўрилар,
Бўрланган ўчоқ-мўрилар,
Табъинг мабодо чой тилар,
Дамлашлари ишқор экан.

«Олтиариқ» қурсин ўшал,
Селларда қолдим бир маҳал,
Бўлдим ивиб ёмғурда шал,
Тўн шилта, ҳўл эзор экан.

Мингбошиси сўфинамо,
Тасбижу бўйнида ридо,
Чўқуб қочар зонги ало,
Бир доғули айёр экан.

Хайру сахо важҳига кар,
Бир пулни юз ердин тугар,
Келса гадой ногаҳ агар,
Бир нон чиқниш душвор экан.

Кўрдим чуқур «Чимён» эрур,
Ер остида зиндан эрур,
Душманлари меҳмон эрур,
Боғи унинг тутзор экан,

«Водил» мақоми дилфизо,
Кўчаларидур дилкушо,
Анҳорида оби сафо,
Себарга, обишор экан.

[ҚҰҚОНДАН ФАРГОНАГА]

Чун шаҳрдин чиқдим «Кудаш»
Күнгүл бўлуб маҳзуну ғаш,
Мажнунсифат, девонаваш,
Сер чашмаю кам чанг экан.

«Яйған» агарчи хуш ҳаво
Одамлари енгилнамо,
Бир-бирларила доимо,
Бўлар-бўлмасга жанг экан.

«Нурсух» каби бир жой кам,
Тушмай ўтиб қилди алам,
Олма, анор ўрнига ҳам
Боғида току занг экан.

Кўп одамидин «Бешариқ»
Боғларда экмишлар тариқ.
Етим ҳақи — гўшти балиқ.
Қилмишлари найранг экан.

Чарчашни билмас юрсалар,
Пурзўр кетмон урсалар.
Вақти намозга келсалар,
Масжид сорига ланг экан.

«Рафқон» ажойиб жой экан,
Бир кўча кетган сой экан,
Салқин супа ҳой-ҳой экан,
Ким кўрса җанг манг экан.

Озодадин түпори күп,
Дукчисидин аттори күп.
Чойхўридин кўкнори кўп,
Бир раста носу банг экан.

Айвончалар мисли катак,
Бир йўлки, одам сиққудак,
Чит бирла бир ерда алак,
Бозори тору танг экан.

Хуфтонда кирдим бир дўкон,
Қилди ашула бир жувон,
Эшак деманг, ундин ёмон,
Ҳангарда яхши ҳанг экан.

Қийғир кўтарган уч йигит,
Ухлатмадилар бир минит
Ҳам бошда тонг отқунча ит,
Фингшиб чиқиб, ванг-ванг экан.

Айлай саёҳат энди бас,
«Конибодом» қилмай ҳавас,
Ҳар ерда ётган хору хас,
Кўзга тикан якранг экан.

[ҚҰҚОНДАН ИСФАРАГА]

Афлок кажрафтор учун,
Хардам күнгүл афгор учун,
Құқанд тангу тор учун,
Саҳро чиқиш даркор экан.

Бордим шаҳардин «Яккатут»,
Баққоли дузди бадбурут,
Бир танга соткай бир қурут,
Инсофи йўқ, таррор экан.

Қишлоқ жувони йиғилишиб,
Иссиғда ўйнашгай пишиб,
Ўтган тамошобин тушиб,
Сешанба кун бозор экан...

Мингбоши Эшдавлат акам,
Аммо қуруқ савлат акам,
Қилса чиқим гар бир дирам,
Ўйқу қочиб, бедор экан.

«Яйған» каби толзор кам,
Йўқ соясида заррағам,
Зебо санам, қости қалам,
(Жонон)лари бисъёр экан.

Дўмалари ҳам хўб бажо,
Волоснойи уҳда буро,

Юрт ишларини доимо,
Хайриятин күэлор экан.

— «Нурсух» каби ҳам юрт йүқ,
Боғдору деңқон қорни түқ,
Масжидлари ҳам күп улук,
Турфа фараҳ оғор экан.

«Рафқон»ни бозор жойи танг,
Муллолари чаққон, гаранг,
Омилари ҳам мулла ранг
Кўйлак кийиб, дастор экан.

Гар меваси бир туп сотар,
Бир пулни юз ердин тугар,
Берса гадога нон агар,
Минг йилда ҳам душвор экан.

Аммо «Работи» баччағар,
Йўқ ҳеч одамлан асар,
Бир подажойи гову ҳар,
Чун оғули тайёр экан.

Ду бора юрдим даштлаб,
Бодом конига қараб;
Мирза Умарни сўрағлаб,
Ҳавлисида нажжор экан.

Бўлғай ўшал Бурҳон омон,
Яхши йигитдур бегумон,
Хурсанд қилди ногаҳон,
Минібоши Хол саркор экан.

Армонки кўпрак юрмадим,
Бир-икки ҳафта турмадим,
«Тикка Работ»ни кўрмадим,
Пур файз бузруквор экан.

Маъюс чиқдим «Исфара»,
Дил хаста, мажруҳу яра,
Иссиққа куйған қоп-қора,
Олти жиҳат кўҳсор экан.

Анжору сою чўллари,
Ўйнаб келадур сувлари,
Ширинки зардолулари,
Қанду асил бекор экан.

Шерсиз эмасдур бешалар.
Бордур саховат пешалар.
Қилманг ёмон андешалар,
Яхшилари ҳам бор экан.

Қози жувонмарди накӯ,
Бориб-келибон чоражӯ,
Ногаҳ бўлиб дарди гулӯ,
Санчиқ тутуб бемор экан.

Ҳожи Зуҳур ҳам Ўрдада,
Сарҳавзлар, олий сада,
Борса агар бир ғамзада,
Жониғача эсор экан.

Бойваччасидур бадбуруш,
Тўғри сўзи аччиғ-туруш,
Сил, эски бачча, чойфуруш,
Ҳофиз Умар, Қаҳҳар экан.²

Бўлма ҳаловатга касал,
Оlamда йўқ бениш асал,
Бешак мукофоти амал,
Дунё қурулғон дор экан.

Алҳамдулилло: бехатар,
Келдим Муқим айлаб сафар,
Музтар қолиб, кўрмай зарар,
Ҳақ бандасига ёр экан.

{ИСФАРА САЕХАТИДАН}

(Яңғы топылған парча)

Шаҳр ичра тоқат тоқ үлуб,
 Дубора йўллар қоқ үлуб,
 Кўз Исфара муштоқ үлуб,
 Аввал чиқиш «Яйфон» экан.

Кун тобишида бу сафар,
 Йўллар сақардан ҳам батар,
 Тоғ ичра раҳзан баччағар,
 Кўп элни қақшатгон экан.

Кетгунча йўллар хорлар,
 Йўл захмидан озорлар,
 Кўкка етар куҳсорлар,
 Ҳайҳот, хористон экан.

Қир пастида шўртанг ариғ,
 Бир тўўп йигит ўргай тариғ,
 Тўнсиз, ялонғоч, ҳай дариг,
 Бечора, оч деҳқон экан!

Қам гайри Қаҳҳору Умар,
 Фарғонада ҳофиз дигар.
 Билмас эканман бехабар.
 Навмидлар хушхон экан.

Ўтган китобдори замон,
 Хаттига ҳайрон инсужон,
 Чун даҳмаси гўё жинон,
 Ўқишлиари қуръон экан.

«Чоркү»га ҳам келдим етиб,
Отдин йиқилдим шилл этиб,
Беҳуш-ўзимдин кетиб,
Ман саҳт бедармон экан.

«Чорқу» ғузорин тор бил,
Атрофини кўҳсир бил,
Панжшанба кун бозгр бил,
Бир-икки-уч дўқон экан.


Бой мардикори маччоий,
Чунтоғ сомонлик лсий,
Бечорага нону чойи,
Тўн ўрнида ўткон экан.

Аммо амин Абдурасул,
Ким бэрса хизматкор ул.
Яхши йигит, очиқ кўнгул,
Юрт устида турғон экан,



МАКТУБОТ







ШЕЪРИЙ МАКТУБЛАР

АССАЛОМ

Эй сипеҳрида саёдат моҳи тобон, ассалом,
Баҳрида олий насаблиғ дурри ғалтон, ассалом.

Борки кўрдим, машойих зодаларни кўрмадим,
Сиздек исмат пардасида пок домон, ассалом.

Бу дуо шому саҳар: гар боқсалар сой тошлари,
Дафъатан бўлғай илоҳо лаълу маржон, ассалом.

Орзулар буржидин айлаб тулуъ иқболингиз,
Айласун ҳақ давлатингизни фаровон, ассалом.

Юргону тургонда доим ёрингиз Илес ўлуб,
Сув десангиз Хизр тутсин оби ҳайвон, ассалом,

Айрилибман Сиз карам пеша, сахо андешадин,
Тангдур, дунё қоронғу мисли зиндан, ассалом.

Ёдингиз тушкан маҳал кўнгулға, эй олий табор,
Ўтмоғи мушкил томоғдин луқмай нон, ассалом,

Лутфингиз мингин бириға қайтаралмай яхшилик,
Бе ниҳоят ҳасратим кўп, дилда армон, ассалом.

Воқиотеким ўтубдур мужмалан тақрир этай,
Холим ўлсун сизга маълум, эрди пинҳон, ассалом.

Тошкентга келганимдин то бу муддатларғача,
Кўзга уйқу кечалар келмайди чандон, ассалом.

Хотирим ношод, таъбим ланж, ғаш доим дилим,
Иштаҳо кам, қувватим йўқ, зарра дармон, ассалом.

Боиси таъхири хат бўлди бу лоҳазликларим,
Йўқса келган кун қилурдим, топсам имкон, ассалом.

Мулла Йўлдош охун ила мунда келгандин, бери,
Ул киши гар соғ эса, ман дарди дандон, ассалом.

Гар толиб фурсат қўшумдин, гаплашай, деб бораман,
Лоҳаз улкун анда йўқ имоға фармон, ассалом.

Үз иши бирлан агар чи сўрмагай оқарадур,
Ҳар начук бўлса омон бўлсун қадрдан, ассалом.

Абдуфаттоҳни толиб келганда бердим хатларин,
Ишлари битмай чала, бормакка ҳайрон, ассалом.

Кечаю кундуз жадаллаб ишларимни биткуруб,
Қилмасам бўлмас,— деди-чун мурғи тайрон,
ассалом.

Арзу ихлосе мусоҳибларга денг бизлар учун,
Қолмасун Шайхи Далойил то Эшонхон, ассалом.

Пайтини толиб Миён ҳожи тўрамга ара этинг,
Биздин ўткан кечсалар, шоядки, нуқсон, ассалом.

Лоюад биздин дуо келганларида еткуринг,
Насриддин хўжа мабодо ё Калонхон, ассалом.

Учраса бир тўда тожик бирла гар Мулла Зиё,
Гў, ки дорад ҳар дуйи ў бар шумоён, ассалом.

Эртаю кеч тинғишиб солдук қулоқ Хўқандга,
Қилса шодя бизга ҳам деб бир мусулмон, ассалом.

Айладим чин эътиқод ила салом, эй дўстлар,
Лоақал сизлар қилинглар бизга ёлғон, ассалом.

Шукри лилло ақраболарни топиб бу ердаман,
Бир неча кун ризқимиз борича меҳмон, ассалом.

Тошканда, чойфурушлик растасида хешимиз,
Отларини сўрсангиз Хўжа Сулаймон, ассалом.

Растай мазкурни ёки гурунч каффонидур,
Рўбарўсида Ҳакимдур катта дўкон, ассалом.

Ул кишига тегса деб хат қилсалар манга етар,
Аҳли раста ҳаммага маълум намоён, ассалом.

Руқъайи манзума қилдим мин хижолатлар билан,
Хушк холи меравад савдо зи домон, ассалом.¹

Охирида хатлари тегди муҳаррам ойини(нг)
Дардманд эрдим етушти гўйи Луқмон, ассалом.

Ҳар ҳуруфидин кўнгуллар кўзгуси топиб сафо,
Кулбай иҳzonларим бўлди чароғон, ассалом.

Фикр этарда бўлди мазмунин муюссар гўйиё,
Булбули шўридага сайри гулистон, ассалом.

Маънисидин сар-басар рў берди хотиржамлик,
Бўлмаса диллар эди беҳад парешон, ассалом.

Охири Мирза Камолу, Эрназар Бегимга ҳам,
Айлади ушбу Муқими кўйи ҳижрон, ассалом.

[МИНИАТДОРМАН]
(Жавоби саломи Мүқимий ба Фурқатий)

Не қилай сизларга йўқ бўлса гулу гулзорман,
Муддао топишмоғу ман толиби дийдорман.²

Ҳар ҷафас сомиъ бўлинглар токи, эй аҳбоблар,
Айлайн кайфияти аҳволни изҳорман.

Тарки пайғом ўлганинга, эй буродарлар сабаб,
Мунда бўлдим муддати учтўрт ой bemorman.

Дўст бўлдим ҳар кишиға, кўрдим андин минг жафо,
Топмадим дунёни кездим, мунису ғамхорман.

Рўзгоримдур парешон, зоҳиру ботин хароб.
Чарх давридин жигар хун, сийнаси афгорман.

Умр ўтар, тавфиқ берсун ҳақ, дуо қил дўстлар,
Бениҳоят маъсият, гумроҳу бадкирдорман.

Ҳар саҳар ғам еб тутарман бу маҳаллар рўзани,
Шом бўлса айларам меҳнат билан ифторман.

Топди дил ойинаси сайқал ғуборидин хатинг,
Йўқса сар то по эдим андуҳ ила зангорман.

Умрлар хат қилмас эрдим, келмасайди хатларинг,
Келди сиздин рукъя сўнгра айладим ночорман.

Хайрият Махдум мулойим эмди бўлмишлар, қадим
Қўнглини қаттиғливидин дер эдим, кўҳсор, ман.

Бўлса хилват жой Махдумжон ва сизлар бўлсангиз,
Қилса ҳасрат ул киши ҳам, ҳам десам асрор ман.

Ҳалқаи зулфин хаёли кўнглума ногаҳ тушар,
Белларида қуфр элин кўрсам агар зуннор ман...

Руқъаи Абдулазизхонда юрарсан неча йил,
Дептилар тегмайдилар борган билан бекор ман.

Кимга дод айлай бориб шум толиимни дастидан,
Кўза синдурган азизу, сув кетурган хормаин...

Ғамзудо хонишларин ўпкам тўлуб ёд айларам,
Гар эшитсан ўлтуруб бир базмда сетор ман.

Ўзларин закки олиб, хат қилмадилар лоақал,
Эмди Завқий юрмасун деб ҳалқаро ҳушёр ман.

Неча кўз туттим демас кўнгул учунким: «Бормусиз»,
Ҳеч инмарса бўлмасам ҳам кўп қадрдон борман.

Қилмади хат деб, қиласай хатлар дедим койиб, сўкиб,
Боз туштум ўқибон жаҳлимдин истиғфор ман.

Мулла Саъдилла билан Абдулкарим мирзани ҳам,
Ҳақлариға қўл очиб қилдим дуо бисёр ман.

Эй муҳиблар юрган эркандур фароғатда деманг,
Софиниб сизларни тун-кун уйқу йўқ бедорман.

Ҳасбиҳол айлаб қилибдур хат, сўраб ҳолин, Муқим,
То қиёмат Фурқатийдин эмди миннатдорман.

[ЖАВОБИ РУҚЬАИИ НОДИМ НАМАНГОНИЙ]

Ассалом, эй тўраи олий жаноб,
Матлаи дебочаи ҳар фаслу боб...³

Рўзани тўртида хат тегди келиб,
Бизга, эй зоти камолат иктисоб.

Фаҳм этиб соғу саломатликларин,
Етти дилларга фараҳлик беҳисоб.

Хат ўқилди завқ бирлан сар-басар,
Бир иборат чиқди мазмунни итоб.

Дептиларким, ваъдаға бўлди хилоф,
Буйла бўлмас эрди бўлса мустажоб.

Қайси кунким ул тарафга кеттилар,
Рўза қистаб келдилар айлаб шитоб.

Йўқ куюшдин бошқа гап, дўзах киби,
Тошканлар тобишидин офтоб.

Рўза келгунча шул иссиғ кунда ҳалқ,
«Келса, дерлар, розимиз оби азоб»

Тиллари чиққон, ҳалойиқ ташна лаб,
Жумлаи мўмин юрак-бағри кабоб.

Рўза тутган бандалар деб алъаташ,
Ичмагай ифторда ғайр аз яхоб.

Баъзилар иссиғда бетоқат бўлуб,
Рўзадин андак қилишти интиҳоб.

Ассалом ўрниға мардум кўрушиб,
Бир-бирисига дегайлар: «оҳ, об».

Хушлари келмас берурға кўз юмуғ,
Гар ото қилса савол ўғил жавоб...

Халқ ақлидин адашғону гаранг,
Бошларида ҳуш йўқ, маҳзи ҳубоб.

Икки йил иссиғ ҳавода келсалар,
Қўрқаман кўп шаҳар бўлғай, деб, хароб.

Рўзаман, диққатчилик, кам ҳавсалам,
Қолмади қўлға қалам олмаққа тоб.

Ўқуса ногаҳ қулоғимға қўнуб,
Бу маҳалда ёқмағай булбул-хуноб.

Бу сабабдин ваъдамиз ёлғон бўлуб,
Ҳам чунон сиймоб мо дар изтироб.

Қолган эрконмиз ёмон ўрганишиб,
Сиздин ажраб бизда камдур хўрду-ҳоб.

Етса гар ўз қуллариға бу хатим,
Қолмасун, албатта, тақсир, бе жавоб.

Баъди рўза айласам азми Хўқанд,
Ниятим валлаҳу аълам биссавоб.

[НУКТАДОНЛАР, АССАЛОМ]

(Тошкентга назм билан хат)

Ассалом, эй ошнойи қадрдонлар, ассалом,
Қадрдонлар яъни оқил нуктадонлар, ассалом.

Ҳар қаю мулкега етса мақдамингиз юмнидин,
Ёраб этсун тарҳ боғу бўстонлар, ассалом.

Ҳиммати олиларингиз оқибат рәҳбар бўлуб,
Рўзи қилғай шукр файзи жовидонлар, ассалом.

Кўл узатсангиз агар не ишга ғайраз манфаат,
Заррае кўрманг илоҳоким зиёнлар, ассалом.

Таъбингиз ойинаси зангори ғамдин пок ўлуб,
Доимо хуррам бўлинг, кўп йил омонлар, ассалом.

Не шарафлиғ соат эрканким келиб Хўқандға.
Бўлдингиз бир неча кунлар меҳмонлар, ассалом.⁴

Бир Макайликхон билан юзлаштуралмай, оҳким,
Бўлди ҳасратлиғ кўнгул устиға қонлар, ассалом.⁵

Ҳафта ўтмай келдилар қишлоқларидин учрашиб,
Арзингизни мў-бамў қилдим баёнлар, ассалом.

Кўп юриб қолганларига беҳад армонлар қилиб,
«Бормасам бўлмас,— дедилар,— Тошкентлар»,
ассалом.

Телбадин маъзур тутсангиз карамдин не ажаб,
Бўлди хаттим тарк бир неча замонлар, ассалом.

Мултамас шулким саломингизни тарк этмай туринг,
Ман ҳам эмди узмайин то танда жонлар, ассалом.

Ёдингиздин чиқмасам дерман бу нисбат бирлаким,
Яхши-яхши мунда то биздек ёмонлар, ассалом.

Орзуйи суҳбатингиз фикру ёдим субҳу шом,
Соғинурман ошкорою ниҳоилар, ассалом.

Ҳамдилиллоким қўлум ҳам топти сиҳҳат андаке,
Холи не кечти дебон қилманг гумонлар, ассалом.

Қафшу маҳси тўғрилар қилган калушга ваъдангиз,
Айлади то хайрингиз мундоғ ҳәёнлар, ассалом.

Катта ваё кичкина бўлмай хўжам бўлсун васат,
Бир кияй ман ҳам киёдур мусулмонлар, ассалом.

Еру аҳбобим дуоси-ла, Муқимий, зиндаман,
Гоҳи сиздин ҳам манга келсун нишонлар, ассалом.

[САЛОМ, ЭЙ МЕХРИБОНЛАР]
(Жавобномаси *Муқимий ба Фурқат*)

Салом, эй ошнойи жонажонлар,
Ақидат пеша, мушфиқ мөхрибонлар.⁶

Ағзаи вақту Афлотуни даврон,
Фаридуддаҳр, Аристуйи замонлар.

Каманди фитрат ила сайди маъни,
Қилурга чусту чобук нуктадонлар.

Үқиб мактубингиз маҳзун кўнгулга
Фараҳлиқ етти, бўлдим шодмонлар.

Бу дур афтодани йўқлаб сўрабсиз,
Бўлинг, ёрабки, кўп йиллар амонлар.

Худо хайрини берсун яхшиларни,
Бор эркан эсларида биз ёмонлар.

Хатингизда газетхона ишиға
Бўлубсиз, қутлуғ ўлсун, таржимонлар.

Шерик Шайхантаҳурда беш киши-ла,
Муборак дарс ўқиш ушбу овонлар.

Ёнур равшан, агар ҳар кимни шамъи,
Хушам парвонадек зоҳир ниҳонлар.

Агар сўрсангиэз аҳволимни шул кун,
Қўл оғриқ устиға дарди миёнлар.

Бу ранжим шиддатидин гар десам, йүқ
Күзимда уйқу то вақти аzonлар.

Дариғо сифлалар Хўқандда дойим,
Мусулмонсиэ, ғизо ҳар лаҳза қонлар.

Фалак тийри жафо ҳар кимга отса,
Мени айлар, «Ушал, шул!» деб нишонлар

Саломингизни ким дўстларға дедим,
«Дуо мандин ҳам айтингиз» дегонлар.

Муқимий ҳасратим куйдурса қоғаз,
Начук таҳрир этиб айлай баёнлар.

[САЛОМ, ЭЙ ЕРУ ОШНОЛАР!]

(Мактуби манзумаи Фурқат ба Муқимий)

Салом, эй менга ёру ошнолар,
Қадрдонлар, замири пурзиёлар.

Муқимий, Ҳожи Мұхиддин, Зәңгій,
Мұҳаййир — барча заккию расолар.

Фасоҳат гулшанида мисли булбул,
Навосанжу зиҳи нағмасаролар.

Биҳамдиллиллоҳки, мандин сўрсаңгиз ҳол,
Юрубдурмен қилиб завқу сафолар.

Саломатдур таним, хурсанд вақтим,
Худованд айлади беҳад атолар.

Фалакнинг давридин комим раводур,
Агарчи эл кўрар андин жафолар...

Ризоман Тошканд одамларидин,
Сўрар ҳолим фақиру ағниёлар.

Мақомим мадраса-Шайхантаҳурда,
Эрур улфат неча мазмун адолар.

Үқурмиз беш киши «Шарҳи виқоя»,
Мұҳайё неча яхши дәмлолар.

Газетхона ишига бўлса пепин,
Борурман ҳар куни, гаҳ кун аролар.

Салом иблогидин сүнгра Муқимо,
Мени сүрғонлара айтинг дуолар.

Езинг аҳволингиздан бир рақима,
Будур сиздан умиду илтижолар.

Сўз ўлди мухтасар, зиқ эрди фурсат,
Кўп эрди йўқса Фурқат муддаолар.

[БОР ЭРДИ]

(Москвага, жияни Р. Дұсматовга хат)

Оқ вақтеким, нехуш лайлу наҳорим бор эди,
Меҳрибон сандек, есам ғам, ғамгусорим бор эди,
Мақдамингла бошда тожи ифтихорим бор эди,
Күэтаримда нуру белларда мадорим бор эди,
Қайды сансиз бир нафас әмди қарорим бор эди.

Чекмиш эрди даҳрда ҳар қанча камлик хотириим,
Нотавон күнглум, ниҳоятда ситамлик хотириим,
Келишингдин бўлубон хуррам аламлик хотириим,
Суҳбатингла шод бўлмишди бу ғамлик хотириим,
Дилда васлингла фуруғи навбаҳорим бор эди.

То видоълашмакға борилди кеторингда сани,
Ийғладим пинҳони оташга тушорингда сани,
Сайр этиб юрганда юрмишдим канорингда сани,
Не саодатлиғ замон әрканки борингда сани,
Маҳфилим равшан сафолиғ рўзгорим бор эди,

Давлату иқбол жомидин ҳақ айлаб баҳраманд,
Пояи қадрингни қилгай бора-бора то баланд,
Айлагай ақронинг ичра сарфарозу аржуманд,
Ҳеч ёдингга келурму, дебки шаҳрида Хўқанд,
Бир ғариб, бекас тағойи хоксорим бор эди.

Найлайин ўртанимайин бахти қоралиғ ўтиға,
Бўлди шум толеъларим боис гадолиғ ўтиға,

Енмишам ҳардам ўтуңдек бенаволиғ ўтиға,
Бунда бизни күйдурууб мундог жудолиғ ўтиға,
Хеч айтурсанми деб: хешу таборим бор эди.

Пур зиё чашмим күруб, ногоҳ раъно суратинг,
Берди маҳзун кўнглима фарҳат мужалло суратинг.
Ақча бирлан хатларинг тегди, на танҳо суратинг,
Етди ўн уч сўм ила хуш гарҳ зебо суратинг;⁸
Деб юбормишсан Муқимий интизорим бор эди.

[ПАЙГОМИ МАНЗУМА]

Андижон шаҳрида юрган ошноларга салом,
Ошнолар, яъни ул ақли расоларга салом.

Эртаю кеч берибон улфатчиликлар додини,
Қилғувчи менсиз ўшал зовқу сафоларга салом.

Ота Фозил ҳам Муҳаммадхону ҳожи Мирзабой,
Қори Муҳиддин билан Аҳмад Боболарга салом.

Ҳожи Муҳиддин тўрам ҳам олсалар шодя алик,
Ким қилурмен ёд этиб Бўтақороларга салом.

Кўрмасам ҳам ғойибона майли мандан еткуинг,
Растаю бозор аро гулгун қаболарга салом.

Руҳпарвар савтидин маҳруммен гарчандким,
Ҳофизу созанда, жамъи хушнаволарга салом

Робитам йўқтур, агарчи, холисанлиллоҳ денг.
Кўрсангиз ҳар ерда риңду порсоларга салом,

Гоҳи сиздин ҳам истар келганда азруйи карам,
Дил шикаста, ранг-рўйи каҳраболарга салом.

Фақр аҳлиға ниҳоятда тавозиълиғ Муқим,
Не керак баъзи такаббур, бадҳаволарга салом?

[УЛ ҲУСН СУЛТОНИГА САЛОМ]

Ул ҳусн пойтахтини(нг) султонига салом,
Чун мулки Миср Юсуфи Кањонига салом.

Мандин, сабо, чаман сари қилсанг гузар, дегил:
«Гулчөхраларни сарви хиромонига салом».

Хижрон қоронғусидаги баҳти қаро қилур.
Үн түрт кечалик маҳи тобонига салом.

Тұтини лол этгувчи шириң қаломидин,
Муъжиз баёнлу лаъли сухандонига салом.

Ҳар бир нигоҳи қилғувчи бунёди дил ҳароб,
Маст икки чашми фитнаи давронига салом.

Боқишиларнда сийнани айлаб нишоналар,
Бисмил қилурға новаки миҷгонига салом.

Табъи муборакиға гарон етмагай мабод,
Эмди Муқимий айлагуси жонига салом.

НАСРИЙ·МАКТУБЛАР

[МАҲМУДХУЖА... ВА ҒОИБОНА ОШНАМИЗ
МУЛЛА КАРИМЖОН]

Юз қосир баёнлиғ бирла арзим эшитсалар, арз қиласм, шулки, 7 июнда, саратонда жума айёми ёэилган марҳамат номалари яхши фурсатда ўралган кафш ва маҳси бирла етиб, оқ дастурхонга, Уста Қобил қуллиқ қилиб кўп шод бўлуштук, илоҳо омон бўлунглар.

Дубора махфий қолмасунким, Хўқандда ниҳоятда дилгир ва халқидин озурда, чунончи:

Маро эн рўзи қиёмат ғамеки ҳаст инаст
Ки, рўйн мардуми Хўқанд боз мебинам.

Бир каримона шева билан олдируб кетсалар, халқ орасида гуфт-гў бўлсамки, «Хўқандда ҳеч ким харидор бўлмади, алар бечорапарвар кишилар эркан, Муқимиин олдируб кетибдур», десалар манга бас. Бўлак ҳеч ишим бўлмаса ҳам хизматларингда юрсам.

Севум бора пинҳон қолмағайким, Макайхон Марғилонда эрдилар, келдилар. Арзи ихлосларин кумочқа еткуруб сизлардин кўп хурсанд қилдим. Ажаб эрмас йошканд(га) борсалар, кўрсалар.

Зиёда атолат мужиби малолат, аддуою вассалом камина ҳақир Муқимиий!



Муқимишинг 1889 йил ёз ойларида Кўқондан Тошкентга, дўстлари Маҳмудхўжа билан мулла Каримжон (шоир Камий) ларга ёзган мактуби.
Мактубнинг автографи Ўз. Ф. А. Шарқшунослик, институтида, Х. Ҳ. Ниёзий фондида (инв. № 762а, цапка XII) сақланмоқда.

[БИРОДАРИ КИРОМИЙ МАВЛАНИЙ КАМИЙ!]

Дил дўстлиғ аҳдида устувор ва ошнолиғ пояси пойдор, аммо, (неча) йиллардурким, ҳеч бир-бирға хат ва хабар қилишолмай йироқ тушуштук, йўқ эрса кўнгуллар ниҳоятда яқин эрди. Шу вақт фақирға нисбатлиқ Мулла Низомиддин ном Тошканд бориб хайрият сизга мулоқий бўлуб, неча кун ул ердаги ёру биродарларни кўрсатиб тамошо қилдирубсиз, эшишиб кўпдин-кўп хурсанд бўлдук. Ўзингиз бир носдони сангин ва Мулла Бобомуҳаммад биродаримиз чой ва Сайд Оқилхон² рўймол ва кўлоҳ ва тасбиҳ ирсол айлаганлар эркан, тегди. Ва сазияи хитойиларини Хазратға³ аталган экан, олиб кириб бериб ҳақларига дуолар олдуқ. Эмдиликда ушбу фақири саросар тақсирдин Сайд Оқилхон эшонга арзи ихлос ва ақидатларимизни айтасиз. Ва яна Миён Фазл Қадр ҳазратға ҳам бисъёр-бисъёр арзи бандалик айтасиз. Ва яна яксара тамоми ёру ошнолариким, ул Вилоятда бўлур эрдилар — ҳаммалариға дуо айтасиз. Хусусан Xон акамга⁴ ва Сиддиқ қори⁵ биродаримизға. Ва яна бир исмни қалами жалий билан ёзиб юборсалар деб экансиз, неча замонлардин бери бемашқ, кам ҳафсалалик, қўллар қалтираб базўр ёздуқ, айбга буюрманг. Ва дигар Мулла Бобомуҳаммадни қайта-қайта фақирни(нг) тарафидин сўраб салом динг ва Мулла Боқижонбой ва Умар қори-буларга ҳам дуо айтинг.

Зиёда нима дейлук. Алдуоу вассалом аддои Муқимий деб биласиз⁶

Нолае дорему маҳви пардан гўши худем,
Шавқи моро бар каси дигар димоги арз нест⁷.



Муқимийнинг Тошкентта шоир Камийга 1899 йилда ёзган мактуби (автограф). Мактубининг асл нусхаси Ўзб. Ф. А. Шарқшунослик институти фондида сақланади (инв. № 7628, папка XXII).

ИНУРИ ДИЙДАМИЗ ВА ЖИГАР ГУШАМИЗ РУЗИМУҲАММАДЖОН⁶

Баъдаз таблиғи салом... алҳамдулиллоҳ, ушбу камина дур афтода тоғантиз ўшал мазкур мадрасада шукр гузорлиғ ила ўтуб... ҳар дойим ва ҳар вақт сизнинг эсон ва омон, хуш ва хурсанд ва хуррам, безгак ва бетоб бўлмай бой афандини хизматларида событ қадамлиғингиз масъулдир.

Ва аммо юборган ҳатингизни олиб эрдим, то ҳануэ жавобина хат ёзарға фурсатим бўлмай кечикти, маъзур тутиңг. Лекинда жамиъ ёру биродар, қавму қариндошлар то ўшал икки мингбошиғача саломингизни еткурдим, аларни ҳам сиёга дуолари ва саломлари бор.


Ва яна ўқуйдурган дарсларим кўп, ҳеч вақт йўқ, кундузи сабоҳ билан дарсимга бораман ва кеч келаман, дебсиз. Дарсни камроқ ўқусангиз ўзингизга зўр келмас...

Ва яна махфий қолмасунким, ул жаноби Катта бой абзи ва ўғлиларина ва ҳама ул ердаги ва ул эшикдаги одамларга ва мактабхонадаги шерикларингизга ҳам фақирдин саломлар айтинг.

Зиёда аддуоу вассалом. Ушбу хат ёзилди 12 ўқтабирда.

Аддои фақири хақир камина тағонгиз Муҳаммад Аминхўжа Муқимий.

Ва яна махфий қолмасунким, ушбу хат жаеоби (fa) беҳавсалалик қилмай хат ёзингиз. Бизлар ҳамиша ха-



Мұқимиңнинг Москвага — жияни Рұзимұхаммад Дүстматовға 1898 йилда ёзған мактуби (автограф). Мактубнинг асл нускасы Үзб. Ф. А. Шарқшунослик институты фондида сақлана-
ди (инв. № 7628, папка ХII).

тингизға ташна, балигеким, сувдин ажрагандек ва сизни аммо билмиманким, қайдоғсиз.

... Бир-биримизға хатимиз ғанимат аммо минбаъд (бир-биримизни) күрамиз ва ё күрмимиз. Бар вақт омон бўлсангиз Хўқанд тарафлариға нону насиб тортса келасизким, биз ҳам йўқ, умрнинг ҳар соат ва ҳар нафаси муғтанамдур. Йўқлаб турсангизда олло рози бўлсун.

Боз аддуоу вассалом.

[КУЗЛАРНИНГ НУРИ ВА МАЖРУҲ СИНАЛАР СУРУРИ АЪНИ РЎЗИМУҲАММАДЖОН]

Баъдаз изҳори қоидан дуо макшуфи замири ойин на мазоҳирингиз бўлсада шулким, юборган иккинчи хатингиз ҳам Азимжон бойбачча қўлидин тегди. Саросар ўқуб мазмунидин шикаста хотирларга мумъё хосияти етиб бир дона сариф ифак саллалик, ўзи ҳам ёлғуз бир дона экан, Мулла Азимжон топиб чиқти, ҳақи беш сўм эллик тийин. Аммо сиз айткан салла шулму ва ёким бўлакму, деб шуни ҳам гумон бирла юбордук. Ва яна амакингиз важҳидин сўрасангиз ўшал сиз бирлан кўргонимча қайтиб дубора кўрганимда йўқ, ўзингиз биласиз, мандада бир нимарса диюрга анга садъқаи сўзим қиласман. Ва аммо, мундаamma-хола ва хеш-ақраболар ҳаммалари сизни дуойи жонингизни қиладурлар. Ва ул Янгиқўрғон бўлисидин ҳам сизга салом бор.

Акбархўжа, алҳол, мадрасада ўқуб юрубдур. Ва маҳсум чойфуруш бўлди ва Фофирижон ҳаммалари ҳам сўраб дуо дедилар. Ва яна ўшал илгариги хатимда бир нимарса илтимос қилиб эрдим, ҳеч нишони бўлмади, соғинур экан киши, гоҳ кўтаррга ўз тасвирингизни сўраб эрдим, хаёлингиздин чиқиб кетти ва яна мундоғ қилманг, тез-тез хат ёзиб туринг....

Ва домлаларингизга ва мактабхонада бирла ўқуб юргувчи ўртоқларингизга ҳаммаларига мандин ғойибона салом еткуруб қўйинг. Зиёда нима дейин.

Аддуоу вассалом қамина тағонгиз Муҳаммад Аминхўжа Муқимий деб биласиз.

Ушбу хат ёзилди мартаңг йигирма тўртинчисида.

Албатта жавобини ёзуб вақтлиғ юборинг, бизлар

мунда хотиржам бўлойлук, аддуоу вассалом, нома та-
мом.

Н а з м

Доги жудолигим кам эмас эрди, эй фалак
Устина боз мунтазири хат ҳам айладинг.

* * *

Ва яна маҳфий қолмасунким, ушбу хатни сизга қур-
бон ойининг бошидин ўн беш кун илгари ёзуб, мазкур
харта билан Азимjonга пўштага ташланг, деб ўзим-да
Марғилонга кетиб эрдим. Ул ерда қарийб бир ой юриб
қайтиб келдим. Холо ҳам [харта] сизга кетмай Азимjon-
ни дўконида турубдур. Пўштага олиб борса, хом суф
экан, пухта суфга хартани яна дубора тикиб олиб кел,
деб олмаган эмиш. Яна мой ойини ўн иккинчисида бо-
хабар бўлуб иккинчи пўштага солдук. Сизга ушбу тў-
ридин ёмон айблик бўлдим, умид қиласман маъзур тутиб,
маоф айласангиз, деб. Ва боз Тожихон бой Масковга
борар бўлмушлар деб Марғилондин келган куни эши-
дим. Дарҳол ўшал соатда теэлиқ ила бир хат ёзиб шул
нимарсани пўштага берганим баён айлаб, бир салла би-
лан рўймолларидин бир харта қилиб Акбархўждин
юбориб эрдим. Ул жанобни[нг] қўлидин, мазкур нимар-
са ночиз нимарса эрди, бовужуди ўзингиз — оқил, кўр-
дингиз бу оламда бир фақир бечора кишиман, мандин
ҳар нимарса борса муни ҳам айбга қўшманг. Баҳар
чигуна ушбу хатга ва Тожихондин хат теккан бўлса анга
ҳам теккан, тегмаганилиғини[нг] хабарини, албатта-ал-
батта ёзунг. Камоли соғинганимдин хатингизга кечаю-
кундуз кўз тутиб нигаронман. Агарда тез-тез сиҳнат ва
саломатлиғингиздин хат ёзиб турсангиз олло рози бўл-
сун.

Ваammo сут ва қатиғ ичсам яна безгак хуруш қила-
дур, дебсиз. Сизга бас совуқлиғ нимарса ёқмас экан,
иссиғ таомга ва иссиғ нимарсаларни кўпроғ истеъмол
айласангиз, токи мизож бир даража гармиятга кирса,
чунки сут ва қатиғ билан ҳам безгак тутмаса көрак.

Зиёда нима дейин.

Вассалом, аддои камина тагонгиз Муҳаммад Амин-
хўжа Муқимий."

[КҮЗЛАР НУРИ ВА СИЙНАЛАР СУРУРИ АЪНИ РУЗИМУҲАММАДЖОН!]

...Ушал фебралңы саккизида ёзган хатингиз мулла Азимжон Қўлидин яхши соатда етиб жароҳатлиғ кўнгулға марҳам баҳшлади. Аммо ман ҳам сизни кўргон каби бўлдим. Баъда ном тутуб ҳар бир қайсиларина юборган собунларингизни ўз қўлларина бердук, чўх хурсанд бўлишиб, хайриятким бизлар ҳам эсларина тушар эканмиз, деб суюнуб ҳаммаларини бир-бир сизга ҳам саломлари бор экан. Акбархўжага ҳам хат билан амонатларини топшурдук, «жавобина ўзум хат ёзаман», деб эрди, ёёса керак. Бу фақирға ҳам бир қаламтарош ва собун юборибсиз, киройи киши тутуб юрғудек кордча экан, васфина ушбу наэм-рубоий ўлиндиким,

Ажаб бу кордчан асли коргоҳи фаранг,
Кесарда тифи баробар дамина мўм ила санг.
Қачонки тегди бу «забъёл» тамғаи олий,
Қутулдум эски фичоғдин ёмои босиб эди занг.

Ва яна фақир ёзувн чофа ўлуб, ажаб хушхат тушмиш ва ҳам бир дафтар китоб, иншоолло, ёзуб юборумиз, ўқуб юрасиз.¹⁰ Ва жаноб Ҳазрат ҳам собунга дуойи хайр қилдилар. Ва ул икки мингбоши ва Махдум ва Фоғиржон ҳаммаларина саломингизни дедук, аларни ҳам сизга кўпдин-кўп саломлари бордур.

Ва яна махфий қолмасунким, ғойибона жаноб улув даражалу катта бой абзини ва фарзандларини ва эшиклирида ўзингизға эрта-кеч унс ва улфат олган одамлар ва мактабхонада ҳам — мактаб ўртоғлар била, мумкин бўлса, устозу муаллимларингизга саломлар айтинг.

Ушбу хат (Ап)релни оввалида ёэилди¹¹.

Таъхир бўлғонига айбга буюрманг, неча вақт бўла-
дурким бетоб[ман], тангрига шукр, энди озгина дармон
пайдо бўлуб турубдур. Ортуқча, дийдор кўрушмак ор-
зусидин ўзга нима ҳам деб бўлади.

Аддуо вассалом, аддои Муҳаммад Аминхўжа Муқи-
мий ва Акбархўжа деб биласиз.

Ва яна ул бизга шуносолиги бор биродарлар чунон-
чи, Тожихон ва Ғайри ҳам аларни кўрсангиз ҳам салом
денг. Ушбу хатта дарҳол жавоб ёзинг Байт:

Еткач хатим жавобина бир руқъа соз қил.
Ирсол этиб бу янглиғ мени сарфroz қил.

Аслинг на ердан эрдингу, эмди на ердасан,
Ҳақни иродасини кўз оч, имтиёз, қил.

[КҮЗЛАРНИНГ НУРИ ВА СИЯНАЛАР СУРУРИ
РУЗИМУҲАММАДЖОН]

Дуойи фаронон ватаҳиёти бепоён адосидин сўнгра назирингиз бўлсунким, фақир камина ўшал мадрасада истиқомат қилиб, кеча ва кундуз, эсон ва омон, хуш ва курсанд юрмоқлиғингиз истидъодир. Аммо, мактуби марғуби муҳаббат услубингиз Абдуллажон бойбачча қўлидин тегди, ўқуб мазмунидин воқиф бўлдукким, сиҳҳат ва саломат безгак тутмай юрмиш экансиз. Ва «Масковларда совуқ, ҳар кун ёмғур» дебсиз, худованд таоло қудрати мундада 32 даража иссиғ ва андада мундоғ совуқ. Ва аммо июннинг аввалида¹² бир хат пўштага солиб эрдук, шул вақтгача тегди ваё тегмади — билолмадук. Ҳар дафъа хат берамиз-совғасиз, сизга муносиб юборғудек бир нимарса юборолмай хатларимиз қуриқдин-қуриқ бориб, ниҳоятда, ёзган хатларимиздин хижолат ва шарманда бўламиз. Бечорачилик, подшолик мадрасаларни[нг] вақфини олиб қўйган, ҳеч бир тарафдин даромад — дахл йўқ, қашшоқлиғ. Шу сабабли хижолат бирлан хатларимиз шундоғ қуруқдан-қуруқ борадур, айга қўшманг. Олло тағонгизни шундоғ камбағал бечора ҳалқ қилмиш... Ва аммо мунда ёру дўстлар хатингизни ўқуб эшигиниз, деб дуойи саломларингизни бир-бир ҳар воҳидлариға, хусусан, алалхусус Ҳазратга айтиб дуоларни олдим. Ва яна ул икки мингбоши «Қовунлар пишли, келмосмукинлар?» дейдилар. Ушбу хат боргач, тўхтовсиз хат қилинг. Ва яна катта бой абзини ва ўғулларини ғойибона фақирни[нг] тарафидин сўраб дуолар айтинг. Ва аксар хатларда фаромуш бўлодурлар, Тожиҳон бойни ҳам кўбдин кўб сураб дуо айтинг.

Ушбу хат ёэилди июлни аввалида, аддои Мұҳаммад Аминхұја Муқимий,

* * *

Ва Акбархұја, ва Фофиржон, ва Тойиржон, ва уста Қобил сартарош, ва Зокиржон бойбачча ҳаммаларидин сизга салом бор. Ва яна ул баъзи нимарсалар юбормиш әрдингиз, қар қайсими қар кимга бериб, бир кордчай аъло дасталик юбориб әрдингиз, ёднома, деб үзум тутуб юрар әрдим. Неча замонлар қалам кесмоққа ўтуб әрди, әмди ўтмай қолди. Камоли ўтмаслиғидин «Рұзимұҳаммаджон юборган!» демакка ҳам хижолат бўладур, киши; шундоғ ўтмас чиқти. Бовужуд, ёдгорлик, деб тутуб юраман. Аммо ўтмасроғ, ўтмаса ҳам ўткур пичоқдек билиб тутаман, ўзингизни кўргандек бўламан.

Илоҳо саломат бўлғайсиз.

Аддуо вассалом, Муқимий деб биласиз. Албатта жавобини ёзингиз!

НУРИЛАБСОРИ ВА ҚУДРАТУЛЪАНИИ РҮЗИМУҲАММАДЖОН!

Баъдаз саломи суннатул ислом ва пайғоми муҳибона, замири мунири хуршид назирингизга маълум бўлсунким, юборган мактубларингиз билотаваққуф ўшал вақт мундарижалари мў-бамў мафҳум бўлмиш эрди. Аммо, бу фақир тағонгиз жавобина хат ёзарга бетоброғ бўлуб, фурсат бўлмай, ушбу рамазони муборак келдилар. Хулласиким орода бир-икки-уч ой ўтуб, ёд саломатлиғлардин руқъя ёзолмай сиздин шул бепарволиғ билан ниҳоятда хижолатманд эрдим. Эмдиким, андак, сиҳҳат топиб, мұҳаббат изҳор айладим. Аммо жанобла-ридин ҳам иккинчи хат келмали. Бас, маълум бўладики, фақирдин хат борса, хат келар экан. Агар шундай уэр сабаб бўлиб, баузр хат қиласламай юрулса, сира хат келмаслик лозим эрди. Ҳарчанд кўз туттумким, дубора хат айламадингиз. Бовужуди кўнгулга ҳеч ғубор келтурмай хат қилдим. Ерабким, ҳар ерда, ҳар манзилда бўлсангиз соғ ва саломат безгак тутмай, хуш ва хурсанд юрсангиз, бизнинг муродимиз шулдур.

Умидким, жаноб улуғ мартабалу бой абзининг ва жамиъ катта ва кичик бойбаччаларнинг ва мактабхонада уқуйдурган ҳамсабоқ ўртоқларингизга биз тағонгиз жонибидин дуойи саломлар айтингиз ва Тожихонга ҳам. Ва баъда бундаги қавму қариндошлар ва эшикканлар, чунончи икки мингбоши ва Махдум ва Фоғиржон, ва Ақбархўжа ва катта эна, ва амма-холаларингиз — ҳаммалари дуода...

Асло иложи йўқмикин, ёз мавсумларида мактабхона таътил бўлганда жавоб сўраб, мумкин бўлса келиб,

тамошо ва сайри-саёҳат қилиб яна борсангиз. Жавоб бермасмукинларким, Ҳўқанднинг саҳроларида сайри боғ ва сайри жазира қилишиб, хўб юрушуб хуморидин чиқсак. Ҳаттал имкон бир илож қилинг, мумкин бўлса, ис-таким бениҳоят соғиндик. Ҳамиша мақдамингизга интизор ва яна бир кўрарга зордурмиз. Аммо, сизнинг кўнглунгизни билмайманким, қайдоғдур. Ва яна ушбу хат боргач, ҳозир, жон жияним бир хат қилингиз, тавалло ҳам хатингизни соғиндик.

Аддуоу вассалом камина тағонгиз Муҳаммад Амин-хўжа Муқимий.

НУРИ ЧАШМИ, НОДИРИЛ ВУЖУДИ РУЗИМУҲАММАДЖОНӢ

...Аммо, уч-тӯрт йўл хатлари келди, фақир ҳеч бир хат қилолмадим, сабаб шулким беш-олти ой бўладирким, бетоб эрдим. Эмдиликда, худога минг-минг шукрким, филжумла сиҳҳатлиғ рўй бериб ва ҳануз ҳам дуруст bemорлиғ асари баданлардин тоза дафъ бўлғони йўқ. Ҳукамолар саёҳат қилмоққа буюруб эрдилар, «тоғлар ичинда хуш ҳаво сойларда бир андак вақт юрсангиз» дегонларини боисидин Исфара деган тоғ ичинда бир мавзиъ бўлур эрди, наҳоятда хушфайз, баҳаво жой. Алҳол ўшал Янгиқўрғон бўлуси мингбоши бўлган. Ул музофотларда беш-олти ҳафта туруб келдим. Азимжон бойбачча бир хат берди. Сиздан экан, ўқуб кўруб камоли иштиёқ шавқи муҳаббатдин хатларингизни кўзларимга сурдим. Ўшал мингбоши борганимда сизни сўраб, «хат қилганда бизлардин дуо айтинг» деб эрди. Ва Бешариф волоснойи ҳам кўпдин-кўп сўраб саломи бор. Ва лекин хеш-ақраболар чунончи, катта эна ва амма, холаларингиз... салом айдилар... Ва илло суврат тўғрисида илтимос қилиб эрдим, ёдингиэдин фаромуш қилдингиз. Ва яна фақирдин бойларингизга кўпдин-кўп дуо айтингиз ва ўзингизга яқин ўртоғ ва дўстларингизга ҳам фақирдин тагангиэдин салом зитичиз, албатта. Ва яна ушбу хат боргач, дафъатан жавобига хат ёзив юборинг ва фақирни ҳол ва аҳволи маълумдур, ўзингиз ҳушъёр ва оқил, сиздин хат узулмай келиб турса сабаби дуо бўлур, дуо билан эл кўкарур, ёмғур билан ер, деган зарбулмасаллар бордур. Холо ёшсиз, ўн гулингиздин бир гулингиз ҳам очилгани йўқ. Сизга ҳар нимадин ҳам

дую олмақ керак. Азбаройи ёднома бир рўймол ва бир тўппи совға бўлди. Агар чанди қадри андак бўлса ҳам айбга қўшманг, бечора камбағал кишиларни[нг] тухфаси шундоғ бўлур экан. Юз-юз хижолат билан юбордум..

Аддуоу вассалом, камина тағонгиз Муҳаммад Амийхўжа Муқимий деб биласиз.

Ва яна ушбу рақима олтинчи июнда ёэйилди.¹³ Албатта ушбу хат еткоч бирорта хат ёзинг, савоб бўладур. Фақир бетоблик жиҳатидин хат хабар ёзолмадим ва сиз ҳар дойим хабар ва хат ёзиб туринг, албатта.

ҚҰЗЛАР НУРИ ВА СИИНАЛАР СУРУРИ АЪНИ ЖИЯНИМ РУЗИМУҲАММАДЖОН!

Баъдаз изҳори лавозимат, туҳфаи дуо ирсоли адосидин сўнгра юборган хатларингизни пўшта билан яхши соатда ва нек фурсатда етушуб мазмунидин камокон воқиф ва огоҳ бўлдукким, Масковда эмас экансиз, аниг учун амонатлар тегмабдур, аммо хатларимиз текканга ўхтайдур. Ва ул пўштада юборган саллани мулла Азимжон бойбачча олиб юбориб эрди, ўзларини кўрсангиз сўзлашуб охчасини берурсиз ва ул қўлда борган нимарсага ҳеч бир нима даркор эмас, маҳзи савғоти эрди. Бечора камбағал одамларни савғоси шундоғ ночиҳ нимарса ва шумордин ташқари бўлур экан. Шундоғ нимарсаларни юборурга номус ҳам қилур экан киши; айбга буюрманг, жон жияним. Ва аммоқим, икки жўра малла деб экансиз, мулла Азимжон «дафъатан Масковга борилмайдур» деб қабул қилмадилар. Пўшта ўэидин кўп кира олур экан, яна ўзингиз биласиз.

Ва лекин ҳар дойим, ҳар вақт ва ҳар ерда ва ҳар манзилда бўлсангиз хат қилиб туринг. Кўзлар ҳамиша йўлда интизордурмиз. Нехуш саодатлиғ вақтлар экан-ким, бултурги йил шул маҳалда шунда эрдингиз, тамошо қилишиб, қовун сайри айлаб юрган кеча ва кундузларимизни соғиниб жигарлар об бўладурким, қани эмди-да бўлсангиз, яна сайри қовун қилишиб юрсак. Ва яна Акбархўжа, ва Бешариф мингбошиси ва Махсумнинг, ва Фоғиржоннинг ҳам саломи бор. Ва Ҳазрат тўрамга арзи ихлосларингизни ҳар дойим маълум қила-ман, ул жаноб ҳам кўп суроб турадилар. Албатта ушбу хат боргач било таваққуф хат қилингиз. Ва Тожихонга

ва яна ўзингизга яқин ошно ўртоғларингизга ҳам мандин бисъёр-бисъёр саломлар айтинг.

Ва яна «ман мунда эмасман» деб экансиз. Агарда Масковда бўлмасангиз қайда бўласиз, қайси ерга бориб, қайси ошёнда турдингизким, «ман мунда эмас», дебсиз. Ва яна «назм ёзувларингиздин юборинг» деб экансиз. Фақир неча муддат бўладурким, назм айтурға табиат лоҳази эрдим, бовужуду бир ёзув — назм пашшаларнинг шаънига айтиб эрдик, Бешариғда кўп бўлур экан, бу кеча анда машқ бўлуб эрди, қуруқ хат бормасун деб, кираси қилмаса ҳам, бир омади гап деб ёздук, айбга қўшманг. Зиёда нима дейин.

Тағонгиз камина фақир бечора Муҳаммад Аминхўжа Муқимий деб биласиз.

Мактубнинг охирида Р. Дўсматов томонидан қилинган қўйидаги қайд учрайди:

«Получил письмо из Коканда от Мухаммед Амина 1899 год, августа 12 дня. Рузи—Мухаммед».

ҚҰЗЛАРИМІЗНИҢ НУРИ ВА СИНАЛАРИМІЗНИҢ СҮРУРИ АӨННІ РҰЗИМУХАММАДЖОНІ

Баъда зуойи лоюадду валоюхсо адосидин сұнгра макшүфи замири мунири хуршид танвирияғыз бўлсунким, З-нчи августда ёзилган хатингиз ўн уч сўм ахча билан 13-нчи ўқтабрда тегди. Сабабики, фақир камина Наманган деган вилоятда ёру дўстларимиз бўлур эрди¹⁴, алар ҳар йил бу бандани хат билан олдуруб борурлар эрдилар; ушбу йил ҳам хат билан «келсунлар, сайру тамошони ҳамроҳ қиласайлук», деб илтимослари бўюнча борган эрдим. Ул вилоятда вақтлик келурга қўюшмай икки ой сохладилар. Ушбу ой ичи Хўқанд келиб, хатларини йўлуқуб олиб ичинда 13 сўм ахча билан бир суврат бор экан, кўпдин-кўп хурсанд ва сарафroz бўлуб, гўёки ўзингизни кўрдум; бошлар, вақтим чоғ бўлганидин, етти осмонга етти, Масков тарафига қараб. Шундоғ ҳол ва аҳвол сўраб бу маҳжур, ғарип, бекас тағонгизни ёдлануб йўхлаб қилган хатларингизни қайта-қайта ўқуб сиздан миннатдор бўлдум, олло ҳамиша рози бўлсун, кўп йиллар тангри-таоло шоду хуррамлик бирла сиҳҳат ва саломат сохласун, илоҳи асло ҳаргиз безгак тутмасун.

Ва аммо яна илтимос шулким, ғойибона ушбу фақирдин, дурафтодадин жаноб ўлуг даражалу, ҳурматлу бойға ва ўғуллариға — ҳаммалариға арзи ихлос айтинг. Камина ҳам хатингизда кимларга, салом айтинг, деган бўлсангиз ҳаммалариға бир-бир алоҳида саломингизни [айтдим], аларни ҳам [сизга] саломлари бор. Ва ул икки мингбоши ҳам жойларида барқарор сўр [ойдилар]. Махфий қолмасунким, ушбу хат етгач, етконина бир хат,

албатта, ёзинг. Ҳаёлингизга келмасунким, беш-олти ой-дин сўнгра хат қилсан ҳам бўладур [деб]. Ҳар маҳал сизнинг хатингизға балиғ сув[ға қандай чанқоқ бўлса], биз ҳам сиздин келадурган мактубга шундоғ. Йлоҳи умрингиз узоғ бўлғай... Зиёда муштоқлиғдин бўлак нима ёзар эрдим.

Аддуо вассалом, камина тағонгиз Муҳаммад Аминхўжа Муқими.

Ушбу хат ёзилди ўқтабрни 23-нчи кунида, якшанба оқшомида, шавол кечаси.¹⁵

НУРИЛАБСОРИ РҮЗИМУҲАММАДЖОН!

Дуойи фаровон өа таҳияи бепоён адосидин сўнгра, алҳамдиллоҳ, бу фақиру ҳақир тағонгиз шукргузорлиғ кунжида бечоралик билан ўтуб, ҳамиша ёдлануб ёд қиласиз. Ва аммо ноябринг ўн тўртиндаги юборилмиш хатингиз яхши соатда тегди.

Мазмунларидин кўзларга нур ва иборатларидин кўнгулларга сурур ҳосил бўлуб, аввало Ҳазратга, иккинчи жамиъ ёру дўст, қавму қариндошларга, хусусан икки мингбошиға саломингизни еткуруб, аларни ҳам маҳсус-маҳсус сизга саломлари бор... Ҳар вақтиким, соғинмоқ ҳаддан тажовуз қилганда, сувратни ойнага яхшилаб солдурганман, кўруб озгина қувониб таскини дил бўладур.

Илоҳо, ҳар ерда ва ҳар шаҳарда бўлсангиз кўп йиллар эсон-омон, ўйнаб-кулуб безгак тутмай юрунгиз... Ва мактабхоналарда ҳаммактаб ўртоғларингизга ҳам ҳуюденг.

Ва яна ҳар доим хатингизким, келадур ғануз ўқуб хуморидин чиқмай хат адо бўладур, киши ўқуб тўймай қоладур.

Ул мамлакатларда ажойиб ва ғаройиб ишлар кўп, ёзиб хатингизни кўпроғ қилингким, филжумла ўқуб қонгудек бўлайлик.

Ва яна Уста Қобил сартарош афсус қиладурким, «ман Рўзимуҳаммаджонга ёмон айблик ва беновот, қиёматгача ҳеч бир хатда сўрамайдиган гуноҳ қилганиман. Агарда кечурсалар айни карамлари, биламан», дейдурлар.

Ва яна белатингизни янгиламоққа мунда маҳка-
мага юбориб экансиз. Бизнинг часни илгариги минг-
боиси чиқиб қолиб, бўлак мингбоши бўлган эрди.
Янги бўлмуш мингбошидин эшидимким, янгилаб юбо-
рибдур...

Аддуойи вассалом, аддои тағонгиз Муқимий деб
биласиз. Ушбу хат ёзилди декабрь ойини(нг) ўн еттин-
чисида.¹⁶

НУРИ ҖАШМИМИЗ РҰЗИМУҲАММАДЖОН!

Саҳифаеким анга шарқи ҳажрингиз ёзилур,
Кўзум ёши-ла ўчар, ҳарна ёзингиз, ёзилур.

Баъдаз изҳори лавозимоти қавоиди дуо ва салом алҳамдуиллоҳ бу хаста дилафгор тағонгиз шукр гузорлиғ кунжида бечоралиғ ва Ғариб бекаслиғ билан ўтуб ҳамиша, ҳар доим, ҳар маҳал, ҳар вақт сиз жигар гўшамиз эсон ва омонлиги масъулдур. Илоҳи ҳар ерда, ҳар мамлакатда, қаю манзилдаким, бўлсангиз соғ ва саломат ўйнаб-кулуб, шоду ҳуррам танигиз сиҳнат, безгак тутмай ҳеч бир ранжу озор ҳеч тарафдин етмай жаноб улуғ даражалу Қатта бой абзини сояи давлат ва шафқатларида юрсангиз экан деб, мудом қўл очиб, Масковга қараб дуолар қиласиз, оллоҳ билсун. Ва яна маҳфий қолмасунким, ўн саккизинчи февралда ёзилган хатингиз Азимжон бойбачча қўлларидин бевосита тегиб, дарҳол дўконларида очиб ўқидим, мазмунларидин мажруҳ жароҳатлиғ ярадор сийналаримиз марҳам — шифо топиб мулла Азимжон акаларига саломлар хатингизда айткан әкансиз, кўпдин-кўп сиздин ҳурсанд ва сарафroz бўлдилар, «олло рози бўлсун» ҳам дедилар. Ва айнан жаноб Тўра Ҳазратга ва жумла ёру дўсту ошноларга ва ул икки мингбошига, қариндошурӯғ, аммаларингизга ва катта онангизга ва Хайриниса(ға) — ҳаммага бир-бир саломингизни етқизуб сизга дуо ва фотиҳаларини олдим, хотиржам бўлдим, сиз ҳам хотиржам бўлунг...

Ва яна амакингиз иоинсоф мазкур маҳалладин ҳавлини гаровдин чиқориб бўлак маҳаллага кетибдур. Аввал белатингизни мазкур маҳалла элликбошиси гувоҳлиги билан бўлган, иккинчи белат бизни маҳаллани[нг] элликбошисини «фақир билан гувоҳлантиридим» деб, менга мингбоши айди. Бас маълум бўлдики, ул маҳалладин амакингиз ҳавлини гаровдини чиқориб кетибдур. Агарда бизнинг элликбошимиз гувоҳга олмаса мумкин эрди. Азбаски бу маҳаллада фақирингизга боз риоят айлабдур. Бас, эмдиликда оқибатини ўйлаб бирорта жой ўз номингизга олиб, сариҳ равшан қилиб кетмадингиз, доим кўнгулга ушбу нукта тушуб турадур. «Жон бор ерда, қазо бор», ёким, иттифоқо, мундай бўлмас, бўлак бир бошқа шаҳарда бўлсан ва элликбошилар ҳам ҳар йилда янги бўлуб турадур, токай-ғача ҳовли-жойингиз бўлмаса ҳам гувоҳликка оладур. Эмдиликда мазкур белатда Эрмуҳаммад оқсоқол элликбоши номи тушгандур. Мазкур элликбошиға айтиб шул мадрасаға яқин ўз маҳалламиздин бирорта ҳавли ўз номингизга хат қилиб олиб берайлик. Баъзи беҳавли одамларга ижарага қўямиз, лоақал бир йилға ўн сўм — ўн беш сўмга ижарага олиб ўлтурадурган бечора одамлар кўп. Агарда амакингиздаги пулни олмаган бўлсангиз устиға бирмунча маблағ охча юборсангиз ва ул амакингиздаги охчани добирнас [доверенность] хат билан ўзингиз ундуруб берсангиз номингизға юз сўм, юз эллик сўмға бирорта жой олиб қўйсангиз минбаъд ҳам беташвиш, маҳкамага белат келса яхшиланадурган бўлса деб илтимос қиласман.

Ва аммо ушбу хат ёзилди март ойининг аввалида. Ёзғувчи тағонгиз Муҳаммад Аминхўжа деб биласиз. Ва яна Акбархўждин кўпдин-кўп салом.

НОБИНО КҮЭЛАРНИНГ НУРИ ВА ҒАМГИН ҚҮНГҮЛЛАРНИНГ СУРУРИ АЪНИ РЎЗИМУҲАММАДЖОН!

Гулдастай чаманистон дуюй салом ирсолидин сўнгра маълум бўлсунким, алҳамдиллоҳ камина фақиру ҳақир тағонгиз ўшал ҳужрада бечорачилик ва ғариблик бирла ўтуб ҳамиша, ҳар доим, ҳар вақт, ҳар маҳал сиз жигаргўшиниң ҳар ерда, ва ҳар мамлакатда, ва ҳар манзилда бўлсаларда, эсону омон безгак тутмай роҳат ва фароғат билан осойишталикларингизни кўзлаб дуо қиласиз.

Ва баъда 15-нчи марта юборган хатингиз келиб, ўшал вақтда — кўп замон бўлди фақирға тегмишиға ва илло шул орда бетоброғ бўлуб хатга фурсат бўлмай сизниң хатингизни жавобига жавоб қайтаралмай хижолатда ва шармисор эрдим. Эмдиликда баҳарчигуна худованди акбар азза исмиҳу лутфу марҳамати илиа яна сиҳнатга мубаддал топиб хат қилолдук. Узрларимизнинг инобатга олиб айбга қўшган бўлсалар маоф тутғайлар.

Ва яна маслаҳат оmez сўз эрди, ҳеч беташвиш бўлиб, андешага тушманг, бар зиёда охча бўлса, башарти, деб хаёл қилган эрдим. Бу қадар экан, аҳволи-нгизга тушунмайдиган эканман, муни ҳам маъзур туting.

Ва яна мунда жамеъ катта-кичик хеш ва ақрабо, чунончи, катта ононгиз ва аммангиз ва ҳамшираларигиз, чунончи, Хайриниса ва Акбархўжа ва Фоғиржон ва ул икки мингбошилар — ҳаммалари сиҳат ва саломат ва дуюйнгизни аларга еткурўб эрдим, ҳамма-

ларини[нг] ҳам дуоси бор. Ва Ҳазратимға ҳам салом-
ларини айтиб, ул жаноб ҳам дуо қилдилар.

Зиёда ушбу хат борган замон тұхтосыз хат ёзингиз,
сизни[нг] хатингизни неча замонлардан бери олмадим,
хумориси тутуб соғиндим.

Аддуо вассалом, Мұхаммад Аминхұжа Муқимий.

Ёзилди учунчи июнда.¹⁷ Албатта мусоҳала қилмай
ақволосынгиздин хат ёзинг, албатта, албатта, ал-
батта.

ЖАНОБИ НУРИ ДИЙДА ВА СУРУРИ СИЙНАИ ФАМДИЙДА АЪНИ РЎЗИМУҲАММАДЖОН!

...Ва аммо, ҳар хатеким юборурсиз мулла Азимжон қўлидин тегиб турадур, мазмунларидин сиҳҳат ва саломатлиғингизни англаб курсандлар бўламан. Бу июннинг йигирмасинда ёзуб-да юборган хатингиз ҳам тегди, салом этган одамларга — ҳаммаларига бир-бир саломингиздин еткуздим ва аларни ҳам сизга чўхдинчўҳ саломи бор. Ва лекин фақирдин саволи шарифигиз-да бўлса, неча вақт қулоғ оғриққа мубтало бўлуб, дўхтурдин дорулар олиб, эмдиликда худойнинг илтифоти ила андак, шукр, яхшидурмиз. Шул сабаб биздин сизга хат таъхирлик билан борадур. Ва аммо ушбу вақтларда Хўқандда мевалар пишган, ҳайфким, юборур (эрдук) бормайдур экан ва «йўлда борғунча чириб қоладур», дейдилар. Доғ бўлдимки, шафтолу, ё анжир, ва чилги узум — шундоғ жинс мевалардин саватчага жойлаб юбориб бўлмос экан, кўп афсус қилдим.

Зиёда нима дейин. Аддуо вассалом, аддои камина тагонгиз. Муҳаммад Аминхўжа Муқимий деб биласиз.

Ва яна ул ерда Тожихон бойнинг [кўрсангиз] биздин бетамаъ ва холис сўраб дуолар айтингиз. Ва яна маҳфий қолмасунким, ҳалқ ичида бир масали машҳур бордурким, орзунинг аиби йўқ, нону насиб, сиз қайдা эрдингиз ва Масков [қайдা эрди] яна охирида ажаб эрмаским нону насибаларингизни мунда ҳам сочган бўлса, тақдир; бир катта амалдор бўлуб шул тарафларга яна иккинчи келсангиз экан деб хаёлларга, кўкнорини[нг] хаёлидек хутур қиласидур. Агар бу маъюс

ва надоматлығ маҳзун күнгүлларда мундоғ умидлар бўлмаса тириклик бандасига қийин бўлур экан. Ҳикмати парвардигор шундоғким, мумкин бўладурган мақсадларга овунтуруб қўяр экан, йўқса сиздек жондин, наздик жигаримдин жудо [бўлуб] зиндалик қиласам керак эрди. Баҳарчигуна шундоғ ёдингиздин фаромўш этмай, сўраб турсангиз олло рози бўлғай, зиёда хижолатдин бўлак нима изҳор қилурдим.

Боз аддуо вассалом, Муқимий деб биласиз.¹⁸

ҚҰЗЛАРНИНГ НУРИ ВА СИНАЛАРНИНГ СУРУРИ РУЗИМУҲАММАДЖОН!

Баъдаз адойи одоби салом ва суннатул ислом ва пайғоми муштақонаи меҳру муҳаббат анжом, макшуфи замари мунири офтоб танворингиз ўлгойким, алҳамдиллоҳ ушбу фақиру ҳақир камина тағонгиз ўшал ўзингиз кўрган мадраса ва ўшал ҳужраи танғгу торикда бекаслик ва ғариблик чироғини ёқиб, ҳамиша, ҳар доим, ҳар вақт ёдлониб умр жонларингиз дуосиға машғулдурмиз. Умидким, сиз ҳам ёдингиэдин фаромӯш айламаган бўлунг. Аммо ҳар ойина инсоғфа қараганда ман айблиқ, негаким, бир-бир кетин сиздин уч йўл хат келдиким, ман бир хат қиласалмадим. Сабаб шулким, неча ойлар қулоғ оғриғ бўлдим, қулоғ оғриқға ҳеч гапу сўз сиғмас экан. Илоҳи душманинг ҳам бу дардга мубтало бўлмасун. Аниңг учун, зоҳиран, ман сизнинг фаромӯш қилган каби бўлдум. Эмдиликда юз шукрким, сиҳҳат топиб хатга фурсат топтим. Албатта кўнгулинигизга келгандурким, «хатимга жавоб бермай қўдилар» деб.

Ва яна мунда ҳаммаи қавму қариндошларингиз саломат ва омонлик даражасинда ўтуб, ҳамиша дидор кўришмакни орзусидадурлар. Чунончи икки мингбоши ва Махдум ва Фоғиржон ва Акбархўжа ва Исмоилжон ҳаммалари ҳар қачон мандин сизни сўраб турадурлар.

Ва яна ниҳон қолмасунким, ушбу хат ноябрь ойининг 24-синда аср билан шомни[нг] оросида мактуб бўлинди.¹⁹

Албатта, бу мактубга, манга ўхшамай, сиз жавоб дафъатан ёзинг. Ман агарда сизга хат ёзайин десам,

ҳайрон бўламан; на учунким, Масков боп хат ёзарни[нг] билмиман. Ёаъзи сизга қилган хатларда катта улуғ мартабалу бойга ва болаларина дуо айтиб, мактабларда ҳамсабақ шерикларингизга ва улфат бўлуб юрадирган ошноларингизга саломлар айтаман. Билмасманким, алар саломларимни инобатга оладурлар ё олмайдурлар. Шу сабабли Масков боп хат ёзалмасман. Албатта, жавобини борган ҳамон ёзинг. Сиздан ҳам хат келмай қолиб хатингизни ниҳоятда соғиндим. Ва яна умид қиласманким, шул вақтдаги суратингизни олдириб юборинг ва ул илгариги суратингиз ҳам ҳамеша рўбарўда назарда турадур, боз янги суратингизни кўнгул хоҳиш қилиб, орзу қиласман... Зиёда нима дейин.

Алдуо вассалом, камина тағонгиз Муҳаммад Аминхўжа Муқимий деб биласиз.

НУРИЛАБСОРИМИЗ АЬНИ РЎЗИМУҲАММАДЖОН!

Баъдаз изҳори лавозимоти дуою салом маълум бўлсунким, қурбон ҳайтдин бурун бир ифак сари салла юборилиб эрди, аммо, тегди-тегмади билолмадук. Иккинчи Тожихон бой қўлларидин бир салла ва бир рўймол юборилди, бул ҳам бедарак кетмасун, албатта хат бирла тезликда маълум қилинг. Аввал худо, иккинчи тириклигимда кимим бордурким, сиз манга сиҳнат ва саломатлиғингиздин ёзмайсиз. Керакким фақирни[нг] иштиёқига боқғанда ҳар ҳафта бир хатингиз келиб тегиб маҳзун ва ғамгин кўнгулларнинг хуш этса.

Ва яна ҳама қариндошлар ва ёру биродарлардин саломлар бениҳоят етсун. Ва биз фақирлардин Катта бойга ва ўғуллариға, албатта, беҳад дуолар айтурсиз. Зиқ вақтда ёзилди. Сўзум кўп эрди, барисин шарҳ этарга кунжойиш қилмади, маъзур тутинг. Албатта илтимосим инобатга олуб хат боргач, хат қилинг, кўзларимиз хатингизни йўлидадур. Зиёда аддуо вассалом.

Тағонгиз Муҳаммад Аминхўжа Муқимий деб биласиз. Акбархўжадан ҳам салом.

Аддуо вассалом, нома тамом.

Аддои Муҳаммад Аминхўжа Муқимий деб биласиз.

Ва яна сувратингизни юбормакни, суврати бўлса, филжумла кўруб гоҳ таскини хотир ҳам бўлур эркан. Зиёда яна аддуо вассалом. Ушбу хат рамазон шариф йирмалончисида саҳарда ёзилди,²⁰ сўзларда саҳву хато кетган бўлса рўзани гаранглиғига ҳамл қиласиз.

БИРОДАРИ МУҲАББАТ ТАВЪАМОН АЪНИ РЎЗИМУҲАММАДЖОН!

Ва аммо мастур қолмасунким, ушбу овони рамозони шарифда тагонгизни кўруб кайфияти аҳволларин сўрдимки, бетоб эканлар, яъни бетоблиғ шулким, ярақон деган захматга мубтало эканлар. Ул маразга гирифтор бўлғон кишини кўзларини[нг] оқи сариққа мубаддал бўлур экан. Шундоғ касалга бултурги йилинда ҳам гирифтор эрдилар. Ҳакимлар саёҳатга буюриб, тоғларда неча замон истиқомат қилиб, сиҳҳат даражасинда етиб келган эрдилар, магар тоза мусаффо сиҳҳат топмай, андак ғубори қолғон экан. Бу йил ҳам зимистон ибтидосинда мазкур касал орис бўлуб, азрўйи узрnochори хат қилолмас эканлар. Йиғлаб-йиғлаб баёни воқеа қилдиларким, узрларини ман ҳам азрўйи тараҳҳум қабул қилдим, сиз ҳам қабул қилиб, инобатга олинг, начукким, ул кишини[нг] меҳри жонсипорлиғла-риға боқғонда сиз ҳар қанча хат қилсангиз ҳам кам экан.

Зиёда бу руқъа ёзилди рамазони муборакни[нг] ўнинчисида.

Аддои камина мулла Азимжон бойбачча деб биласиз.

Ва лекин бовужуд ўзлари ҳам, айб бўлди, деб энди яқин фурсатларда рақимае ирсол айламоқчи эканлар, иншооллоҳ, хатларини яна ўзум сизга юборурман. Ва ҳам бир нимарсани сиздин илтимос қилган эканлар, сиз то ҳануз юбормабсиз. «Ул нима нимарса эрди?» дедим, маълум қилмадилар. Зиёда боз аддуо вассалом.

МАСНАВИЙЛАР





[ХОН АКАМ]

Арз этайин тигнасалар хон акам,
Айладилар ваъдани ёлғон акам¹.

Абдусамадхон ва Хўжандий жавон,
Бўлган экан икавлари меҳмон.

Бизда не журм эрдики, қилмай хаба]
(Суҳбат) қилибсиз кечаси то саҳар.

Қайси латойифда сўздур масал,
Бир ғани бирлан бор эди камбағал.

Иккиси ногоҳ экан ҳамсафар,
Йўлда бўлуб қолди намози дигар.

Қилди муazzинлар аzonин тамом,
Бой туриб асрга бўлди имом.

«Шома имом ўл!» леди бечорани,
Яъни ўшал хаста жигар порани.

Дедики, ул камбағал: «Эй нек ном.
Индамайин асрга бўлдинг имом.

Хуфъясига қилдинг имоматчилик,
Жаҳрияда менга сўнарсен илик.

Уттунг ўқуйдургонига индамай,
Мунга ҳам ўт эмди ўзинг индамай».

Бүйла латифа ила ул хүш қалом,
Шомга ҳам айлади бойни имом.

Эй эл аро заккию соҳиб карам,
Ишларингиз сизни[нг] қизиқ мунданам

Бүйла келан кеча [баланд андозалар]
«Қайды экандурки» демайсизлар (?)

Чиқтики мундин кеча ёлғуз қолиб,
Бормиш экансиз бизи ноchor олиб.

Йўқ биласизким бу кеча меҳмон,
Келмоғи наздику йироқдин гумон.

Баъда дейсизки бўюнни қашиб:
«Эй юрингиз ўлтирамиз гаплашиб».

Хуррам этиб, йўхламанг иккисида ҳам,
Сўрмасангиз анда, деманг мунда ҳам.

Айласам ҳар қанча гила сиздин оз,
Хуш карам аҳлиға фақир этса ноз.

Мухтасар айлаб сўзум эттим тамом,
Хоҳ сўранггу сўраманг вассалом.

(ТАРТИБНОМА)

Чекиб ширин наво түтийи хома,
Бу янглиғ туэди хуш тартибнома.

Шубу тартиб бирлан жўра-улфат,
Муносиб қилсалар ҳар ерда суҳбат.

Қаю суҳбатки, бетартиб — вайрон,
Киши ўлтурса андин яхши зиндон.

Авал тартиб шүлки, гапда ҳар гап,
Ўтулса ташқариға чиқмағай хап.

Бўлак ерда бориб гар қилса изҳор,
Жарима қўйсалар ҳаққига даркор.

Қўюб қўл дўғма буйруқ қилса тўра,
Олурлар иштараб уч сўм жўра.

Иккинчи соат олтида тутар жой,
Ўшал соат келур хоҳ камбағал, бой.

Келиб жумла бир одам қилса таъхир.
Закун буюнча анча шулки таъзир:

Берур бир сўм ила олтмиш тийинни,
Қошиб бечора бойқуш бўйинни.

Берилмай қолса ҳар бир сўмиға ҳам.
Олинмас эртаси бир тангадин кам.

Ва гарна бир ҳаводис мониъ ўлса,
Гувоҳини олиб узриға келса.

Кечар ул вақтларда дўғмахона,
Ва лекин кечмагайлар бебаҳона.

Учинчи гапга қасддан келмаганлар,
Берурлар иштаробини қачонлар.

Агарда келса меҳмон, бўлса бетоб,
Гувоҳлаб маълум айлар зуд башитоб.

На хат келса, на одам — бедарак-гум.
Тўлар албатта ул бойвачча беш сўм.

Чаҳорум солса дастурхонни нелар,
Записка дўғмани амрича айлар.

Такаллуф қилсалар ортуқча аммо,
Қутулмас бермаса бир сўм асло.

Агар рози бўлиб қўл қўйса аҳбоб.
Муқимийё, бу гап оламда наёб.

[ҚОРХАТ]

Қор ёғди ба амри холиқи ҳай,
Соқиё, тут қадаҳни пай-дарпай.

Қор хат халқ ичидә расми қадим,
Билки хотир писанди шоҳу надим.

Бўлса сизга бу рўқъамиз манзур,
Базм тарҳин қуриңг било маъзур.

Базми шоҳоналар қилинг ижод,
Қилмаган бўлсалар бийик Бекзод.

Икки ёрни тараддида бўлинг,
Дафъатан катта дош қозонни қуриңг.

Айлаюб бор ошнога хабар,
Ўтқузинг ҳаммасин қилиб пар-пар.

Фижжаку, чангту, най, навозанда,
Топтуриңг жўра-жўра созанда.

Дунбалик бош кесинг семиз қўйни,
Ясатинг бир алоҳида уйни.

Ҳофиз овозидин малоикалар,
Осмонда қулоги бўлсун кар.

Оқил одамга бир ишорат бас,
Кийдуринг шол, беқасам, адрас.

Бу сифат қил зиёфат айшу тараб,
Бот бўлғилу эмди турма қараб.

Ташлади хат Муқим хаста ниҳод,
Толғилу ушлагил ҳалолинг бод!¹²

МУҚИМИЙ ИЖОДИЙ МЕРОСИННИГ МАНБАЪЛАРИ

(Икки том учун)

Маълумки, ҳар қандай ёзувчи ижодини чукур ва илмий асосда ўрганиш у қолдирган меросни тўплашдан бошланиши керак. Зотан, ёзувчи ижодий меросини тўлиқ йифмай, уни системалаштирмай туриб, у тўғрида жиддий сўз юритиш мумкин эмас. Шунинг учун маданият тарихида ҳамма вақт ижод эгаларининг меросини тўплашга ва сақлашта айрим аҳамият берилади.

Адабиёт тарихининг фактлари шуни кўрсатадики, ўтмишда айрим санъаткорлар ўз асарларининг тақдири тўғрисида ўзлари қайғургандар ва уларни тўплагандар. Шарқ адабиётида кенг тарқалган «Куллиёт», «Девон»-лар шу заминда майдонга келгандар. Агар «Куллиёт» турли жанр намуналарини ўз ичига олган «Асарлар тўплами» бўлса, «Девон» фақат лирик шеърларни ўз ичига олган «Асарлар тўплами» ҳисобланади. Адабиёт тарихимизда мустаҳкам ўрнашиб қолган «Куллиёт» ва «Девон» тузиб, ўз асарларини бир ерга тўплаш традицияси қадим замонлардан, Улуғ Октябрь революциясигача давом этиб келган бўлса-да, бу умумий қоидадан четга чиқувчи шоирлар ҳам бўлган. Шуларнинг бири Муқимийdir.

Муқимий қисқа, лекин маҳсулдор ижодий фаолияти даврида талайгина асарлар ёзган бўлса ҳам, уларни на «Девон», на ўша замонда одат тусига кирган «Баёз» ва на оддий «Мажмуя» ҳолида тўплади. Бугина эмас, Муқимиининг яратган мазмундор ва жўшқин поэтик мероси у ҳаёт вақтида бир муқова остига тўпланмаганидек, шоир вафотидан сўнг ҳам тарқоқ, пароканда

ҳолида қолиб кетди. Шунга қарамай, халқ томонидан севилиб ўқилган ва куйларга солиб қўшиқ қилинган Муқимий асарлари турли формаларда, китоб шаклида «Баёз»ларда, халқ санъаткорлари — чолғучи ва ашулачиларнинг «ён дафтарлари»да, адабиёт ҳаваскорлари — жузъиҳонларнинг коллекцияларида, айрим парча қоғозларда турли кишилар қўлида сақланган, халқ ичида, халқ билан бирга яшаб келган.

Шоирнинг бу пароканда, тарқоқ қолган ижоди мутлақо тўпланди десак, тарихий фактларга хилоф қилган бўламиз. Лекин Муқимий асарларини нашр этувчиларнинг ҳеч бири шоир қолдирган ижодий меросни тўлиқ тўплаш вазифасини ўз олдига қўймади. Октябрь революциясидан кейин шоир меросини тўплаш ва илмий асосларда нашр этишга киришилган бўлса-да, шу вақтгача, «Танланган асарлар» эълон қилишдан нарига ўтилмади. Совет ҳокимияти йилларида Муқимий асарларидан қилинган бешта нашр (1938, 1942, 1951, 1953, 1958) нинг ҳаммаси «Танланган асарлар» бўлиб, бир-бирларидан, асосан, фарқ қилмайдилар. Ҳолбуки, атоқли демократ шоиримизнинг ижодий меросини мукаммал тўплаш ва унинг «Асарлар тўплами»ни нашр этиш вақти аллақачонлар келиб етган. Шу мулоҳаза билан шоир ижодий меросини тўплашга киришдик ва унинг икки томлик «Асарлар тўплами»ни туздик.

Ҳозирги кунда «шоир мероси тўпланиб бўлди» деб, тўлиқ қаноат билан айтиб бўлмайди. Юқорида қайд қилинганидек, шоир асарларининг ўз вақтида тўпланмаган бўлиши, вафотидан сўнг тарқоқ ҳолда қолиб кетиши ишонч ва қаноат билан бундай ҳукм чиқаришга йўл бермайди. Текширувчи кутмаган вақтда кутилмаган ўриндан шоирнинг янги бир асари чиқиб қолиши эҳтимолдан узоқ эмас. Тажриба шуни кўрсатмоқдаки, вақт ўтиши билан шоир ижодий мероси янги материаллар билан тўлишиб боради. Кейинги вақтларда Муқимийнинг баъзи асарлари топилди ва туғилганига юз йил тўлиши муносабати билан ўтказилган Зокиржон Фурқат юбилей кунларида (сентябрь, 1959) вақтли матбуотда эълон қилинди.

Муқимий ижодий меросини тўплаш ишининг шу вазияти ва хусусиятини назарда тутиб, бу соҳада шу вақтгача қилинган ишининг характери ва ҳажми билан китобхонларни таниширишни зарур ҳисобладик.

Муқимий ижодий мероси учрайдиган манбаларнинг тури ва харakterига қараб, уларни тўрт группага ажратиш мумкин:

А. Давлат фондларидағи қўлёзма манбалар.

Б. Айрим адабиёт ҳаваскорлари тўплаган коллекциялар.

В. Туркистонда революциядан илгари литография ва типография йўли билан нашр қилинган материаллар (газета, журнал, тўпламлар, китоблар).

Г. Оғзаки манбалар.

А. Давлат фондларидағи қўлёзма манбалари

I Ўзбекистон Фанлар академиясининг Бируний номидаги Шарқшунослик институти фонди:

Институтнинг катта ва бой фондида умуман XIX аср II ярми адабиётидан, шу жумладан Муқимий ижодидан, фавқулодда аҳамиятли ва қиёматли коллекция тўпланган.

Бу коллекциянинг бир қисми институт томонидан нашр этилаётган кўп томлик «Собрание восточных рукописей Академии наук Узбекской ССР» китобида тавсиф ҳам қилинган. Бу каталогнинг вазифаси айрим ёзувчилар библиографиясини тузиш ва тавсиф этиш бўлмай, китобхонларни умуман фонд бойлиги билан таништириш бўлгани учун каталог бошқа принциплар асосида тузилган. Натижада Муқимий асарларининг ўз ичига олган қўлёзма китобларининг ҳаммаси бир ерга тўпланган ҳолда берилмаган. Каталогда тавсиф қилинган Муқимий асарлари ҳар қайси ўринда алоҳида кўрсатиб ўтилади.

1. Фондда 7521 инвентарь номери остида сақланаётган қўлёзма алоҳида диққатга сазовор бўлган муҳим манбадир. Шу ондаёқ айтиб қўяйлик: бу асар институт каталогида «Девони Муқимий» деб аталган бўлса-да, аслида девон эмас, оддий баёздир. «Баёзи Муқимий» деб аташ тўғрироқ бўлади.

Тўпламда 212 шеърий асар, З дона диний мазмундаги прозаик парча жойлашган. Шеърий асарларнинг 199 таси Муқимийга мансуб, қолганлари бошқа шоирларга, кўпроқ замондошлари (Фурқат, Муҳайир, Завқий, Муҳий ва бошқалар)га тааллуқли.

Китоб сукутли, унинг бир неча ўринларида текст бўлинниб қолади.

Құләзма Құқонда күчирилган. Китобнинг Фурқат мактуби билан («Руқъаи манзу маи Фурқат шоир аз Бомбай ба Тошкент фиристода») бошланишига қаранды, құләзма мазкур мактуб ёзилгандан кейин (яғни 1892 йилдан кейин) китобат қилинганды. Китоб охирида (85а) 1322 ҳижрий (1904 йил мелодий) тарихи туради-ки, шубҳасиз бу тарих құләзма китобати тарихига оид-дир. Шундай қилиб, құләзма 1892—1904 йиллар мобайдында, әхтимол, китоб охирида қайд этилганидек, 1904 йылнинг ўзида китобат қилинганды.

Илмий адабиётта құләзма котиби шоирнинг ўзи бўлган, деган фикр ҳукмронлик қиласди. Шунинг учун бу китобни «Муқимиининг ўз құләзма катта баёзи» деб юритадилар.¹ Лекин, құләзманинг бир қатор хусусиятлари уни шоирнинг ўзи эмас, бошқа киши томонидан китобат қилинганини кўрсатиб турадилар.

Құләзманинг охирида 85а бетида турган тарих (1322 ҳижри) ҳоҳ китобат тарихи деб қабул қилинисин, ҳоҳ қилинмасин — бундан қатъи назар, уни Муқимиий ёзган бўлиши мумкин эмас, чунки Муқимиий, маълумки, 1321 ҳижрида вафот этди. Агар бу тарихни ва бутун китоб текстини бир қўл билан, бир почерк билан ёзилганини эътиборга олсан, китоб текстига ҳам Муқимиийнинг котиб сифатида алоқаси йўқ эканлигини эътироф қилишига тўғри келади.

Қўләзмадаги таажжубланарлик ҳол шуки, айни бир шеър бир неча ўринда қайта-қайта берилади. Масалан, «Жаҳон боғида» сарлавҳали лирик шеър (радиф: «мундоғ») икки ўринда — 46 ва 64а бетларда учрайди. Худди шундай «Султони хўбон сизмусиз» сарлавҳали шеър ҳам (радиф: «сизмусиз») икки ерда — 63а ва 73а саҳифаларида, шунингдек «Қўп эрди ҳасратим, жоно!» шеъри ҳам (радиф: «келдим») икки ўринда — 64а ва 83б саҳифаларида учрайди. Бундай ҳол шоирнинг шахсий тўпламида эмас, котиблар китобатида рўй бериши мумкин. Котиблар қўлга тушган шеърларни оқса кўчириб борар эканлар, бир шеър нусхаси улар қўлига бир неча марта келиб тушиши ва ҳар гал илгариги нусхани эсдан чиқазган котиб томонидан янги асар сифатида китобга тиркалиши мумкин.

¹ Қаранг: Уйғун — Мұхаммад Аминхўжа Муқимиий. «Муқимий. Таңланған асарлар» тўпламида. Тошкент, 1942, бет 10, 12.

Бизнинг муроҳазамизча, бу қўлёзма Қўқондаги Муқимий таланти муҳибларидан бирига мансуб бўлиб, у Муқимий асарларини бир ерга тўплаш вазифасини ўз олдига мақсад қилиб қўйган ва шеърларни қўлга тушишига қараб оққа кўчирив борган. Афсуски, бу иш тугалланмай чала қолиб кетган. Бу тўпламни Муқимий ҳаёт вақтида бошланган бўлиши ва шоирнинг бу тўпламни кўрган ва тегишли тузатишлар киритган бўлиши ҳам (бундай тузатишлар тўпламнинг 58А, 79А, 79Б бетларида учрайди) эҳтимолдан узоқ эмас. Бу ва шунга ўхшаш тахминлардан қатъи назар, қўлёзма Муқимий асарларидан энг кўп намуналарни ўз ичига олиши билан, текст жиҳатидан пухта ва ишончли бўлиши билан ниҳоятда қийматли ва нодир манбадир. Мазкур қўлёзма Муқимий ижодий меросини тўплаш ва ўрганишда автографдан кейин энг мұътабар манба сифатида асосга олиниши керак.

2. Қўлёзма инвентарь № 9309. Бу баёз, асосан, XIX аср Фарғона шоирларининг асарларидан намуналарни ўз ичига олади.

Китобда XIX-асрнинг II ярмида яшаган прогрессия шоирлардан Фурқат, Завқий, Муҳаййир асарлари қаторида Муқимий шеърларидан ҳам намуналар берилган. Бу шеърларнинг умумий сони 10 та бўлиб, улар асосан лирик характердадир. Китоб охирида (178⁶ — 179¹⁰) бир ҳажвий асар — «Тўй Иқон бачча» берилган (шеърнинг охирги қисмлари тушиб қолган).

Қўлёзманинг тузилган жойи ва йили кўрсатилмаган. Шунингдек котиби ҳам номаълум. Лекин Шарқшунослик институти фондига 1950-йилда Қўқондан олинган бу қўлёзмага Муқимийни яхши биладиган Қўқон адабиётчилари ва шоирнинг яқин кишилари томонидан тузилган бир ҳужжат илова қилинган. Бу ҳужжатга Қўқон улкани ўрганиш музейининг илмий ходимларидан Узбекистонда хизмат кўрсатган ўқитувчи Пўлатжон Қаюмов, шоир Ҳамраалиев — Чархий, Муқимийнинг жияни Рўзимуҳаммад Дўстматоевлар қўл қўйганлар. Уларнинг ишончли манбаларга суюниб берган гувоҳликларига қараганда бу китоб ўша замоннинг адабиётчиларидан Муқимийнинг дўсти Обиджон Аълам илтимосига кўра Муқимий томонидан тузилгандир. Муқимийнинг каллиграфия — ҳусниҳат санъатида катта маҳорат қозонганини ва кўп қўлёзмаларнинг китобат

қилганини назарга олсак, бу китобнинг Муқимий автографи бўлишига таажжубланмаса ҳам бўлади. Муқимидан бизгача етиб келган кўп миқдордаги мактуб — автографларга мазкур китоб ҳатини солиштириб кўриш ҳам юқоридаги мутахассислар берган гувоҳлигини тасдиқламоқда. Бу келтирилган фактдан биз учун келиб чиқадиган муҳим хулоса шуки, китобда учрайдиган Муқимийнинг 10 та асари шоирнинг ўз қўли билан ёзилган автографдирлар, бинобарин улар энг ишончли ва мұтабар ҳужжат сифатида қабул қилинишлари керак.

3. «Баёз», инв. № 5736. Бу «Баёз» Муқимийнинг тошкентлик яқин дўстларидан шоир Камий (Каримбек Шарифбек ўғли — 1866—1922) қалами билан 1893/94 йилларда тузилган мұтабар нусхадир. Муқимийнинг 40 та асари бор. Уларнинг кўпчилик қисми ишқий темада ёзилган лирик ғазаллардир.

Шоир Камий қалами билан тузилган бу «баёз»нинг бир муҳим хусусияти шуки, унда Муқимийнинг Тошкент даври ижодий фаолияти яхши акс этган. Муқимийнинг 1887—1888 йилларда Тошкентдан Қўқонга — Фурқатга, Намангандаги дўсти Нодимга ёзган шеърий мактубларининг тўпламда бўлиши, яна қўлёзмаларда кам учрайдиган «Қарилик юки» сарловҳали шеърини «Баёз»га киритилиши шуни кўрсатади. Бундан ташқари «Баёз» Муқимийнинг Тошкент адабий муҳитига муносабатини, Тошкент илғор — прогрессив шоирлари билан олиб борган ижодий ҳамкорликларини (Алмаййнинг «Ҳаёт» радиофли шеърига Муқимий боғлаган муҳаммас ва бошқалар кўрсатувчи фактлар ҳам «Баёз» да учрайди.

Бу «Баёз»нинг яна бир фазилати шуки, умуман унда берилган шеърлар, шу жумладан Муқимий асарларидан олинган намуналар текст жиҳатидан анча пухта ва ишончлидир.

Муқимий ва Камий ўртасидаги яқин муносабатларни эътиборга олсак, бу нусхани Муқимий кўрган, деган хулосага ҳам келиш мумкин.

4. Қўлёзма инв. № 7512. Бу қўлёзма Уз. Ф. А. Шарқ шунослик институтидаги каталогда «Баёзи Муқимий маа Фурқат» деб аталган. Ҳақиқатда қўлёзма Муқимий ва Фурқат асарлари билан чекланиб қолмайди. Кўп «Баёз»ларда бўлгани сингари, унда ҳам Алишер На-

вой, Жомий, Фузулий, Амирий, Адо, Фазлий ва бошқаларнинг асарлари учрайди.

«Баёз»да бошқаларга қараганда Муқимий — каттароқ ўринни ишғол қиласи, ундан 21 асар берилгач. Улар форма жиҳатидан ғазал, мухаммас ва мураббабълар бўлиб, асосан ишқий темада ёзилган лирик шеърлардир.

5. Кўлёзма инв. № 5666. Кўлёзмада ҳеч қандай билиографик маълумот учрамайди. У кўпчилик «Баёз»лар сингари машҳур шоирлар асарлари билан бошланади.

«Баёз»да Муқимиининг 32 асари бор. Улардан 31 таси ишқий — лирик шеърлар, биттаси «Саёҳатнома»дан парча («Қўқондан Шоҳимардонга»—78 а, б), шеърларнинг кўпчилиги ўзбек тилида, иккитаси форс-тожик тилида ёзилган мухаммас («Мекуни ё не?»—90а,б, «Намеарзад»—93б—94а) ҳам бор.

Тўпламда «Саёҳатнома»дан берилган парча тўлиқ эмас, 19 банд ўрнида 12 банд учрайди. Кучли танқидий характерга эга бўлган бандлари тушириб қолдирилган. «Саёҳатнома»нинг тексти ҳам анча хом, яна ҳам тўғриси, бузук. Бу бузуқлик одатда котиблар эътиборсизлиги натижасида келиб чиқадиган англашилмовчиликлар эмас, балки онгли равишда қилинган «таҳрир» натижасидир. Масалан, «Айлар юрак бағримни хун» мисраи бу насхада. «Айлар юрак бағрингни хун» формасида, «Эрмаклари кўқнор экан» мисраи «Эрмаклари гулёр экан» тарзида ўзгартириб берилади. «Саёҳатнома»даги машҳур «Ўйнаб оқар оби равон» мисраи «Жомиълару оби равон» шаклида бузиб берилган ва бошқалар. Умуман Муқимиини «таҳрир» қилиш, унину ижодини «яроқсиз», «ёқимсиз» элементлардан «тозалаш» тенденцияси маълум адабий группаларга хос бўлиб, улар «ижодий иши»нинг излари баъзи қўлёзма нусхаларда кўринниб туради.¹ Мазкур нусха шундай «таҳрир» қилинган материаллардан бири бўлиб, унга танқидий муносабатда бўлишни тақозо қиласи.

¹ Бу ҳақда «Муқимий ҳаёти ва ижодини ўрганиш тарихидан» сарловҳали мақоламиизда тўлароқ маълумот берилган. Каранг: В. И. Ленин номидаги Урта Осиё Давлат университетининг илмий асарлари. «Ўзбек адабиётси», Янги серия, СХУШ чиқиши, 15 китоб, бет 7—34.

6. Құләзма инв № 1325. Китоб фавқулодда харakterli бўлиши билан бирга анча бой манба ҳисобланади.

Тўпламда XV—XIX — аср шоирлари асарларидан на- муналар берилган, лекин унда Муқимий марказий ўринни ишғол қиласди. Тўплам каттагина ҳажмда: 1—370 бетдан иборат.

Тўпламдаги Муқимий шеърларининг умумий сони 120 та.

Бу тўпламнинг мавжуд бошқа қўләзмалар билан со- лиштириб чиқиш шуни кўрсатдики, бу китоб билан «Девони Муқимий» ёки «Баёзи Муқимий» номи остида кела- диган 7521 инвентарь номерли қўләзма ўртасида қанлай- дир алоқа бор. Тўпламдаги 120 асардан юздан ошиқро- ги «Девони Муқимий»да ҳам учрайди ёки аксинча. Бу, албатта, тасодифий ҳодиса эмас. Агар «Девони Муқи- мий»ни бу қўләзмадан олдин тузилганини назарга олсак, мазкур қўләзманинг котиби «Девон»дан кўчирган, деган холоса чиқазишга тўғри келади. Бу фикр ҳар икки ки- тобни яқиндан чағишириб кўрилганда ҳам тасдиқланади. Ҳозирги қўләзмамизнинг 264-бетидан 358 бетигача жойлашган бир юз битта шеър «Девон»да қандай тар- тибда бўлса, худди шундай тартибда, ўзгаришсиз кў- чирилган. Бунинг устига у шеърларнинг текстлари ҳам бир турли келади, фарқ қилмайди. Бас маълум бўлади- ки, мазкур қўләзмани тузишда костиб «Девони Муқимий» китобини кўрган ва ундан фойдалэнган. Шундай қилиб, бу нусха, ўзининг келиб чиқиши билан, Муқимий қисми- да «Девон»га бориб боғланади.

Бу қўләзма Муқимийнинг камёб сатирик, асарлари текстини ўз ичига олиши жиҳатидан алоҳида қийматга эгадир.

7. Инвентарь № 1821. Бу «Баёз» Муқимий асарлари- ни ўз ичига олуви китобларнинг энг кексаларидан би- ридир. Қўләзма 280 варақдан иборат. Китоб икки қисм- дан, бир-бирига боғланиши бўлмаган икки турли асар- дан ташкил топган. Китобнинг биринчи қисмida (1 б—46 б варақ) маълум ва кенг тарқалган диний асар — «Чил ҳадис» берилади, иккинчи қисми (47 б—280 б варақ) эса шеърлар тўплами «Мажмуаи ашъёр» ёки «Баёз» ҳисобланади.

«Баёз»нинг бош қисмida (47 б—53 б.) котиб томонидан ёзилган сўзбоши бор. Сўзбошидаги библиографик маълумотлардан маълум бўлишича, қўләзманинг котиби

Мұхаммад Тоҳир Мұхаммад Саид марҳумидир. Икки ўринда (53 б ва 278 а) китобат тарихи — 1301-йил) ҳижри (1883-84 йил мелодий) кўрсатилган. Китобат ўни ҳам аниқ — Қўқон Шаҳридир.

Тўпламда Муқимийнинг 10 та шеъри бор. Булар ичизда мухаммас формасидаги бир юмор («Ҳажви от») бўлиб, қолган тўққизтаси лирик шеърлардир. Тўпламнинг 1883 йилда тузилган бўлишидан шу холоса чиқадики, ундаги шеърларнинг ҳаммаси, шу жумладан «Ҳажви от» юмори ҳам мазкур тўплам тузилмасдан илгари ёзилган ва Муқимий ижодининг илк даврига мансубдирлар.

8. Инвентарь № 9072. Қўлёзма, асосан, XIX аср Фарғона шоирларининг лирик асарларини ўз ичига олади.

Тўплам 1899 йилда китобат қилинган. Тўпламнинг тузиленган жойи, тузувчиси кўрсатилмайди. Қўлёзманинг қатор хусусиятларидан (мазмуни, қофози, хати, муқоваси) унинг Фарғонада тузилган «Баёз»ларнинг бири эканини тахмин қилиш мумкин.

Тўпламда Муқимийдан турли ҳажмдаги 8 та шеър берилган. Муқимийнинг кичик формадаги шеърлари — рубоий, муаммо, фард — биринчи мартаба шу тўпламда учрайди.

9. Инвентарь № 4179. Қўлёзма «Девони Нодим» деб аталади. Лекин, китобнинг тузилиши номига мос эмас. Бу қўлёзма наманганлик шоир Нодимнинг баёзи ёки ён дафтари, яъни мусаввадаси бўлган. Буни «Баёз»даги материалларнинг мазмуни ва характеристи кўрсатиб турибли.

Муқимийнинг Нодим «Баёз»ида етти шеъри учрайди. Бу қўлёзма бой адабий материалларни ўз ичига олади. У шоир Нодим ижодини ўрганишда асосий манба бўлишидан ташқари, бир томондан, XIX аср II ярми, XX аср бошлари адабий ҳайтини ўрганишда, иккинчи томондан, Нодим ва демократ шоирлар (Муқимий, Фурқат, ва Завқий) муносабатлари масаласини ёритишда қиймат баҳо материаллар беради.

10. Инвентарь № 9971. Қўлёзма институтнинг кейинги вактларда олган китобларидан бўлиб, тўпламда Муқимийдан учта шеър учрайди (иккита ғазал, битта мухаммас). Уларнинг бири «Дариғо, мулкимизнинг соҳиби аҳли шаррор ўлмиш» мисраи («ўлмиш» радифи) билан бошланадиган ҳажвий мухаммас бўлиб, бу шеър бошқа манбаларнинг ҳеч бирида учрамади.

11. Инвентарь № 10072. Бу тўплам ҳам институт картатекасида «Мажмуан ашъор» номи билан юритилади.

«Мажмуа»да Муқимийнинг бешта шеъри бор, уларнинг З таси такрорий, иккитаси янги, башқа манбаларда учрамайди.

12. Инвентарь № 6352. Қўлёзмада, асосан Фаргона ва Тошкент тарафларда яшаган XIX—XX аср шоирлари асарларидан намуналар берилган. Муқимийнинг «Баёз» да бошқа манбаларда мутлақо кўрилмаган бешта асари бор. Улар ғазал мураббаъ формасидаги лирик шеърлардир.

13. Инвентарь № 7710. Қўлёзма шоир «Камий мусаввадаси» ҳисобланади. Унда шеърий асарлар, прозаик парчалар бор. Турли шоирлар ижодидан намуналар учрайди. Муқимийдан ҳам учта лирик шеър бор. Уларнинг 2 таси такрорий, биттаси янги.

14. Инвентарь № 9966. Қўлёзма институтга 1956 йили Қўқондан олинган бўлиб, одатдаги «Баёз»ларнинг бири ҳисобланади. Лекин китоб сукутли. Қўлёзмадаги маълумотларга қараганда, у 1882 йилда китобат қилинган.

«Баёз» Муқимийнинг манбаларда учрамайдиган бир нодир асари бор. Бу ғазал формасидаги лирик шеърдир.

Эй яхшилар келайлук, бир жойга йигилайлук,

Уйнойлук, қулайлук, курсанд бўлайлук.

байти билан бошланади. Китобнинг 1882 йилда тузилганини эътиборга олиб, бу шеърни ҳам Муқимий ижодий фаолиятининг илк даврига мансуб бўлган асарлардан бири деб ҳисоблашга тўғри келади.

15. Инвентарь № 1429. Бу қўлёзма одатдаги «Баёз»ларнинг биридир. Қаерда, қачон ва ким томонидан кўчирилгани маълум эмас. Муқимийнинг иккита шеърий асари бор, ҳар иккovi ҳам илгариги манбаларда учраган, такрорий нусха.

16. Инвентарь № 4182. Қўлёзма институт картатекасида «Баёзи мажмуан ашъор Нодира ва Нодим» деб юритилади. Бу ном тўпламни ташкил қилган шеърлардан ҳам кўриниб турали: унда машҳур шоира Нодира ва намангандлик шоир Нодим шеърларидан намуналар берилган. Китобла Муқимийнинг «Ашъарҳо дорад» сарловҳали форс-тожик тилида ёзилган бир мухаммаси учрайди.

17. Инвентарь № 9940. Қўлёзманинг китобат йили маълум — 1317 йил ҳижрий (1899—1900— йил мелодий).

Кўлёзма одатдаги «Баёз»лардан бўлиб, Муқимийдан битта шеър учрайди, у ҳам бўлса илгариғи манбаларда кўринган, такрорий нусха.

II Узбекистон Фанлар Академиясининг адабиёт музеи фонди.

1. Музейнинг 13 инвентарь номерли қўлёзмаси одатдаги «Баёз»лардан бири бўлиб, классик адабиётимизнинг машҳур вакиллари асарларидан намуналарни ўз ичига олади.

«Баёз»да, ҳаммаси бўлиб, 52 шоир қатнашади.

«Баёз»да Муқимиининг олтига шеъри учрайди. Уларнинг бештаси лирик характерда, бигтаси ҳажвdir («Қадоқчи Ҳожим» шеъри) «Баёз» китобат тарихидан чиқиб келиб, бу шеърларнинг ҳаммасини 1892—йилдан илгари ёзилган, деб қабул қилишга тўғри келади.

2. Музейда 233 инвентарь номери билан сақланаётган қўлёзма фонд 1956—йилда, Кўқонда олинган бўлиб тузилиши ва характеристи жиҳатидан сўнгги давр «Баёз»ларидан биридир. «Баёз» сукутли, боши ва охири йўқ. Ким томонидан, қачон ва қаерда кўчирилгани ҳам маълум эмас. «Баёз» да Муқимиининг бошқа манбаларда учрамайдиган шеъри бор. Сатирик характеристика эга бўлган 7 байти бу мазмундор шеър «Сайлор» радиофли бўлиб, шу ном билан матбуотда эълон қилинмоқда.

III В. И. Ленин номидаги Ўрта Осиё давлат университетининг фундаменталь кутубхонаси фонди.

Университетнинг анчагина катта қўлёзма ва литографик фондида сақланаётган қўлёзмалар ичida B 09/133 номерли китоб Муқимий асарларидан намуналарни ўз ичига олади¹. Бу китоб картатека ва инвентарь лафтарда «Мажмуатуш-шуаро» деб аталади. Ҳолбуки, китоб куралиши, характеристи жиҳатидан адабиёт тарихидан бизга маълум бўлган «Мажмуатуш-шуора»ларнинг ҳеч бирига ўҳшамайди, аксинча у оддий, бу даврда кўп тузилган «Баёз»ларнинг биридир, китобни «мажмуа· ашъор» («шеърлар тўплами») деб аташ тўғрипок бўлади.

Тўплам, асоссан, сўнгги даврда (XIX—XX) етишган Фарғона шоирларини ўз ичига олади.

Муқимиининг қўлёзмадаги 22 шеъридан 21 таси юқорида тилга олинган Камий қалами билан Ташкентда ки-

¹ А. А. Семёнов — Описание персидских, арабских и турецких рукописей фундаментальной библиотеки Среднеазиатского Государственного Университета, Ташкент, 1935 г., стр 75.

тобат қилинган 5736 номерли қўлёэмада учрайди. Бундан Тошкентда тузилган бу қўлёзмаларнинг бир-бири билан боғлиқ эканлиги аниқ, равшан кўриниб турибди. Муқимиининг манбаларда кам учрайдиган «Танобчилар» сатираси, Тошкентдан Кўқонга — Фурқатга, Наманганска — Нолимга ёзган машҳур шеърий мактублари, «Муҳаммас бар мазаммати мардуми Оқжар», «Ҳожи қадоқчи» каби ҳажвий асарлари бу ҳар икки китобда ҳам бир турли тартибда, бир турли текст варианти билан берилади. Мазкур қўлёзмаларнинг қайси бири иккинчиси учун асос бўлганлиги масаласига келганимиэда, шубҳасиз, мазкур «Мажмуаи ашъор»нинг кексароқ эканлигини таъкидлаш керак бўлади. Камий 1893 — йилда китобат қилинган ўз нусхаси учун 1892 — йил бошида китобат қилинган мазкур котиб Абдусаттор нусхасини асос қилиб олган бўлиши керак.

IV Низомий номидаги Тошкент Давлат педагогика институти фонди.

Пединститут қошидаги ўзбек тили ва адабиёти кабинетида тўплangan кичик қўлёзмалар фондида 56 инвентарь номерли бир «Баёз» сақланади.

Қўлёзманинг Тошкентда тузилгани кўриниб туради. Биринчидан, китобда Тошкент шоирларига катта ўрин берилган, иккинчидан, китоб соҳиби «Аъзамхон Акрамхонов» тошкентлик бўлган (бу китобнинг жуда кўп бетларида учрайдиган мұҳр-шахсий киши печатидан маълум бўлади, бу печатда юқоридаги исм ва фамилия ўзбек ва рус тилларида ўйилгандир).

«Баёз» умуман ишқий — лирик шеърлардан ташкил топган. Шунинг учун Муқимий ҳам лирик шеърлари билан тўпламда иштирок этади. Тўпламда Муқимиининг 35 шеъри бор. Улардан 26 таси бошқа манбаларда учрайди, такрорий нусха, 9 таси янги.

Б. Айрим адабиёт ҳаваскорлари тўплаган коллекциялар

Асарлари халқ ўртасида кенг ва чуқур томир отганилиги хусусида ўзбек классик адабиётида улуғ Алишер Навоийдан сўнг Муқимий турди. Шунинг учун Муқимиий асарларидан коллекция тўпловчи кишилар биз таҳмин қилгандан кўра кўп ортиқ бўлиши табиийдир. Лекин уларнинг ҳаммасини ҳисобга олиш ва улар устида текшириш циллари олиб бўриш мумкин бўлмаганидек.

ҳамма ҳолда ҳам бир турли фойда, натижа бермаса кепрак. Биз бу ўринда ёлғиз маълум ва машҳур бўлган, шунингдек ўзининг салмоғи жиҳатидан шоир ижодий месросини ўрганишда аҳамиятга эга бўлган коллекциялар устидагина сўз юритишнимиз мумкин.

I — Н. Остроумов фонди

Узоқ муддат Туркистонда хизмат қилган Н. Остроумовдан бой фонд қолган. Бу фонд, ҳозир, Узбекистон ССР Марказий давлат архивида (Центр. Госуд. Архив Узб ССР) «Остоумовнинг шахсий фонд» номи остида («Личный фонд Остроумова» Л. Ф. О.) сақланмоқда (фонд 1009). Фонд 185 пакетдан иборат бўлиб, турли характердаги материалларни ўз ичига олади.

Маълумки, Н. Остроумов қисман ўзбек адабиёти, фольклори масалалари билан шуғулланган, унинг алоҳида намуналарини, шу жумладан Муқимий асарларидан баъзиларкини матбуотда нашр этган. Фонддаги пакетларнинг баъзилари ўзбек адабиёти масалаларига багишланган бўлиб, уларда ўзбек адабиётининг бошқа йирик намояндлари қаторида Муқимий асарларидан намуналар ҳам учрайди. Бу намуналарнинг бир қисми нодир — уникал нусхалардир.

II. Ҳамза Ҳакимзода Ниҳзий коллекцияси

Муқимий асарларидан Ҳамза тўплаган коллекция унинг шахсий архиви билэн бирга Ўзбекистон Фанлар Академияси Шарқшунослик институтида сақланмоқда. Институтдаги Ҳамза архиви 7628 инвентарь номери остида бўлиб, бу номер остида бир қанча папкалар бор, шу лардан бири (7628. XXII — папка) Муқимий асарларидан тўпланган коллекцияни ўз ичига олади.

Мазкур папкада сақланадиган материаллар ўзининг, мазмуни ва характеристи билан ниҳоятда қийматли ва уникал ҳисобланади. Уларнинг кўпчилиги шоирнинг дастхати автографи бўлиб, бебаҳо адабий ҳужжатлардир. Бу ҳужжатлар ичida айrim қофозларга ёзилган шеърлар (улар саккиз дона), Тошкентдаги дўстларига ва Москва даги жияни Рўзимуҳаммад Дўстматовга ёзган насрый хатлари (улар тўрт дона) ва турли форматдаги бир қанча қофозларга жалий хати билан ёзилган лавҳалар — коллеграфия санъатининг намуналари бор.

Афсуски, бу материалларнинг тўпланиш шароити ва тарихига оид Ҳамза ҳеч маълумот қолдирган эмас. Шунингдек, бу документларнинг бирор ўрнида ҳам (ҳошиясида ёхуд охирида) уларни кимдан, қачон ва қандай вазиятда олинганилиги тўғрисида қайдлар учрамайди. Бунга қарамай, тўпланган коллекция беҳад аҳамиятли ва Муқимий ҳаёти ва ижодини ўрганиш учун қийматли манба ҳисобланади.

III. Шопир ва драматург Собир Абдулла коллекцияси

Собир Абдулланинг шахсий кутубхонасида Муқимий асарларини ўз ичига олган иккита қўллэзма «Баёз» сақланади. Уларни Собир Абдулла 1953—йилда Қўқонла бўлган вақтида хусусий кишилар қўлидан олган эди. Бу қўллэзмалар билан яқиндан танишиш шуни кўрсатдики, улар Муқимий меросини йигиш ва ўрганиш жиҳатидан маълум аҳамиятга эгадирлар ва баъзан уникал нусхаларни берадилар. Шунинг учун бу қўллэзмалар устида алоҳида тўхташга тўғри келади. Тавсифни осонлаштириш мақсадида, шартли равишда, қўллэзмаларнинг бирини, котиби андижонлик Аҳмад Али исмли киши бўлгани учун «Андижон нусхаси», иккincinnisinи Собир Абдулла томонидан Қўқонда сотиб олингани учун «Қўқон нусхаси» деб юритамиз.

Андижон нусхаси.

Тўпламда Муқимиининг ўн иккита шеъри бор. Уларнинг еттитаси манбаларда учрайди, такрорий нусха, бештаси ёлғиз шу тўпламда, уникал нусхаларда учрайди. Бу бешта шеърнинг 2 таси ишқий-лирик характерда, қолган утласи Муқимий ҳажвиётига мансуб. «Пашшалар», «Дўндиқчалар» радифли икки сатирик шеър турмуш иллатларини фош этишга бағишлиган бўлсалар, «Печ» радифли шеър Муқимиининг илғор шоир сифатида ҳаёт янгиликларини табриклаганидан дарак беради.

Тўпламдаги шеър текстларини бошқа нусхаларги чагишириш шуни кўрсатдики, котиб Аҳмад Али баланд даражали савдохон бўлмаган. Қўллэзмада очиқдан очиқ хотўри ўқилган сўзлар, хато англанган мазмунлар ва баъзан шеърларда вазн сакталиги учраб қолади. Тўпламнинг бу камчиликларига қарамай, у Муқимий меросини ўрганишда муҳим манбалардан бири ҳисобланади.

Қўқон нусхаси. Бу тўплам Муқимий меросини ўрга-

ниш жиҳатидан яна ҳам қийматлироқ бўлиб чиқди. Қўлләзманинг ташқи кўриниши, тахминан, «Андижон нусхаси»ни эслатади. Қўлләзма суқутли бўлиб, бош қисмидан 84 бет тушиб қолган, китоб 85 бетдан бошланади. Мазкур тўпламнинг яна бир хусусияти шуки, унда ҳеч қандай библиографик маълумот йўқ.

Китобда Муқимийнинг 24 та шеъри бор. Уларнинг 18 таси бошқа манбаларда учрайди, такрорий нусхалар, олтитаси ёлғиз шу қўлләзмада, уникал нусхада келади. Бу олти шеърнинг тўрттаси ишқий темадаги лирик шеър, 2 таси сатирик характеристади.

Собир Абдулланинг шахсий кутубхонасида бу икки қўлләзма китобдан ташқари Муқимийнинг алоҳида қоғозларга ёзилган шеърлари ҳам бор. Бу шеърлар олти дона. Улар текстини Муқимийнинг ўз қўли билан ёзилган бошқа документларга айниқса мактубларга чафишириб кўриш натижасида мазкур шеърларни автограф эканлиги аниқланди.

IV Рўзимуҳаммад Дўстматов коллекцияси

Москвада Лазарев номидаги Шарқ жонли тиллари институти қошидаги гимназияда ўқиб турган Муқимийнинг жияни Рўзимуҳаммад Дўстматов¹ 1898 йилнинг, июнь ойида, каникул вақтида Кўқонга ўз юртига келади ва бу ерда икки ой тургандан сўнг яна ўқишини давом этдириш учун Москвага қайтади. Шундан бошлаб Муқими билан жияни Р. Дўстматов ўртасида хат алоқаси бошланади. Мунтазам борган бу алоқа 1901 йилгача давом этади ва натижада ҳар икки тарафдан бир қанча хатлар майдонга келади.

Р. Дўстматов тоғаси Муқимийдан ва Кўқондан борган бошқа хатларни эҳтиёткорона сақлаган, 1904 йилда Москвадан Кўқонга бир йўла қайтганда бу хатларни ўзи билан бирга олиб келган ва охири 1941 йилда дўстларнинг маслаҳати билан уларни Кўқон область ўлканинг ўрганиш музейига топширган. Афсуски, Москвадан Кў-

¹ Рўзимуҳаммад Дўстматовнинг 1894 йилда Москвада ўқишига кириши унинг Эрон, Туркия, Арабистон в.и ниҳоят Россияда боғидиши кечирган ажойиб саргузаштлари билан боғлиқ. Бу саргузаштлар ўртоқ X. Зарифовнинг «Муқимий. Ҳаёти ва ижодига оид материаллар» (Тошкент, 1955) номли китобида, қисман, баён қилинган, (бет 27—28).

қонга Муқимий адресига ёзилган хатларнинг тақдири маълум эмас.

Шундай қилиб, ҳозир Қўқон музейида шоир Муқимиининг дастхати билан ёзилган ва Москвага юборган хатларининг асл нусхалари — атографлари сақланади. Бу хатлар музейда «Муқимий мактублари» леб аталган маҳсус папкага жойлаштирилган. Хатлар турлича ҳажмда катта-кичик саҳифаларда. Улар асосан прозада ёзилган бўлиб, мактуб тексти ичида, баъзан, шеърий парчалар (фард, рубоий в. б.) ҳам учрайди.

Папкадаги хатлар 16 та, улар 5514—5538 рақамлари орасида номерация қилинган.

Умуман айтганда, папкадаги хатлар Муқимиининг Москвага, жиянига ёзган мактубларининг ҳаммаси эмас, албатта. Юқорида қайд қилинганидек «Ҳамза Ҳакимзода Ниёзий коллекцияси»да ҳам Муқимиининг Р. Дўстматовга ёзган бир мактуби борлиги эътиборга олинса, мактубларнинг сони, аслида, кўпроқ бўлганлиги аниқланади.

V. Пўлатжон Қаюмов материаллари

Ўзбек классик адабиётининг, айниқса XIX—XX асрлар адабиётининг билимдонларидан бири бўлган ҳурматли Пўлатжон Қаюмов шу давр адабиёт фактларини тўплаш вазифасини ўз олдига мақсад қилиб қўйди ва бу мақсадини узоқ йиллар давомида олиб борган текширув ишлари натижасида амалга ошириди.

Республикамизнинг кекса маориф ходими ва адабиётимизнинг кизғин хаваскорларидан бири қўқонлик Пўлатжон Қаюмовда бу идеяниң туғилиши тасодифий бўлмаган, албатта. Маълумки, XIX аср ўрталари гача бўлган адабиёт материаллари турли тазкираларда, «Мажмуатуш-шуаро»ларда тўпланган. Лекин XIX аср ўрталари XX аср бошларидаги Фарғона ва Тошкент группа шоирлари ҳеч қаерда қайд этилган эмас эди. Улар турли манбаларда сочиқ, пароканда ҳолда ётар эди. Бу давр Бухоро адабий ҳаётига оид ўнлаб тазкиралар (Возеҳнинг «Тухфатул-ахбоб фи тазкиратул асҳоб», Ҳожи Азим Шаръининг «Тазкиратуш-шуаро», Мирза Азим Сомийнинг «Миръотул-хаёл» ва бошқалар) бўлгани ҳолда Фарғона ва Тошкент группа шоирларига бағишланган биронта ҳам тазкира ёки мажмуатуш-шуаро тузилемади. Адабиёт тарихининг мана шу камчилигини Фар-

ғона группа шоирлари қисмиде Пўлатжон Қаюмов материаллари маълум даражада тўлдиради.

Пўлатжон Қаюмовнинг узоқ йиллик меҳнати натижаси бўлиб, З та қалин дафтар майдонга келди. Бу дафтарлар, албатта, бугун биз англаган адабиёт тарихи эмас. Пўлатжон Қаюмов қўллаган метод маълум даражада, хрестоматияларни эсга туширади. У аввал ҳар қайси шоир тўғрисида биографик маълумот беради, упдан сўнг шоир асарларидан намуналар келтиради. Шундай тарзда бутун бир адабий ҳаётнинг бирин-кетин йиғилган ёрқин лавҳалари майдонга келади.

Пўлатжон Қаюмов дафтарларида XIX асрнинг II ярми XX асрнинг бошларида Фарғона шоирлари ҳақида шу жумладан Муқимий ҳақида қийматли маълумотлар тўплланган. Уларнинг кўпчилиги билан кекса маорифчи ҳам аср бўлган, маълум қисми билан эса ҳамсуҳбат ҳам бўлган. Шунинг учун дафтарнинг баъзи саҳифаларини жонли хотиротлар, нодир маълумотлар безатиб туради.

В — Туркистонда революциядан илгари литография ва типография йўли билан нашр қилинган материаллар

Маълумки, Туркистонда литография, умуман, китоб нашр қилиш — матбаачилик иши XIX асрнинг II ярмida, Ўрта Осиё Россияга қўшилгандан кейин майдонга келди. XX асрда, айниқса, 1905 йилдан кейин матбаачилик ишлари — китоб, газета журнал нашр этиш анчаривож олди. Туркистоннинг ҳамма йирик шаҳарларида деярли литография ва типографиялар очилди, уларла кўпроқ бадиий адабиёт нашр этилди. Бу даврда бадиий адабиётнинг энг кенг тарқалган турларидан бири шеърлар тўплами — баёзлар тузиш ва нашр этиш бўлди.

Тошкент қўлёзма фондларида бой литографик фондлар ҳам тўплланган. Улар халқимиз маданияти тарихининг қиймат баҳо бойлиги сифатида сақланади. Ўзбекистон Фанлар Академияси Шарқшунослик институти катта литографик фондга эга. В. И. Ленин номидаги Ўрта Осиё Давлат университети асосий кутубхонасида ҳам яхшигина литографик фонд тўплланган.

Туркистонда матбаачилик тарихи, дастлабки литографияларнинг пайдо бўлиши, уларнинг тараққий этиши,

биринчи литографик китоблар, уларнинг мазмуни, характеристи, ташқи кўриниши, биринчи китоб нашр этувчилар, уларнинг фаолияти ва бошқалар маданият тарихи-мизнинг муҳим масалалари бўлиб, ўзининг маҳсус текширувчиларини кутмоқда.

Биз литографик китоблар, айниқса, баёзлар билан қизиққанда уларда Муқимий шеърларининг нашр этилиши нуқтаи назардан масалага ёндошдик. Чиндан ҳам литографик китоблар билан танишиш шуни кўрсатдики, уларда Алишер Навоий, Лутфий, Машраб ва Қардош тоҷик халқининг Бедил, Ҳофиз каби классиклари қаторида кейинги даврда яшаб ижод этган шоирлар, хусусан Муқимий, Фурқат каби демократ шоирлар катта ўрин слади.

Литографик баёзлардаги Муқимий асарларини ҳисобга олишда, қўллэзма китобларда қўллаган усул билан ҳаракат этдик. XIX асрнинг II ярми асарнинг бошларида нашр этилган кўп миқдордаги баёзларни сидир-ғасига кўрдик ва Муқимий асарлари учрайдиган баёзларни сайлаб, ажратиб олдик. Ҳар бир баёз билан танишганимизда шу баёздаги Муқимий шеърларининг қайси бири илгариги манбаларда учраган, қайси бири янги, бошқа манбаларда учрамаган — буларни қиёсий текшириш йўли билан аниқлаб бордик. Натижада, баёзларда нашр қилинган Муқимий асарларининг ҳаммаси миқдор, ҳажм жиҳатидан қанча эканлиги маълум бўлишидан ташқари, уларнинг қанчаси такрорий нусха, қанчаси янги эканлиги ҳам аниқланди.

Жами бўлиб, элликка яқин литографик баёзларни шу усул билан кўриб чиқдик. Қуйила Муқимий асарлари учраган баёзлар билан китобхонларни таништирамиз.

1. «Баёз». (Ўзбекистон Фанлар Академияси Шарқшунослик институти фонди, № 333).¹ «Баёз» Утаб котиб қўли билан ёзилган ва 1907 йилда Тошкентда Ғуломия (Орифжонов) литографиясида нашр этилган.

«Баёз»да Муқимидан 22 шеър бўлиб, улардан 10 таси фазал, 5 таси мураббаъ, 7 таси мухаммас. Бу асарларнинг ҳаммаси илгариги манбаларда учраган такрорий нусха.

¹ Биз ўз ишимида, асосан, Шарқшунослик институти фондини фойдаландик. Бошқа текширувчи ўртоқларнинг ишини осонлаштириш масалида шу фонд адреси ва инвентарь номерини қавс ичida қисқартирилган ҳолда бериб борамиз.

2. «Девони Муқимий. Из дивана Мукими, Ферганского поэта» Издал Н. Остроумов (отделыноттиск из Туркестанской туземной газеты за 1907 г.) в Ташкенте, в 1907 году (Узб. Ф. А. Ш. и инв. № 10119). Түпламнинг охирда (29—31 беглар) Н. Остроумов томонидан ёзилган охирги сўз бор. Унда Н. Остроумов Муқимиий биографиясининг асосий моментларини қисқача баён қиласди. Бундан сўнг Муқимиий вафотига багишлаб шоирнинг яқин дўсти Мавлавий Йўлдош томонидан ёзилган тарих берилган. Муқимиий вафотининг тарихи тўгрисидаги бу маълумот энг ишончли манба сифатида бутун текширувчилар томонидан фойдаланилади.

Тўпламда Муқимиининг 20 та шеъри бор, улар 396 мисрадан иборат. Шеърларнинг 15 таси такрорий бўлиб, 5 таси янги, фақат шу тўпламдагина учрайди.

3. «Девоний Муқимиий мaa ҳажвиёт» (Узб. Ф. А. Ш. И. инв. № 309) 1910—йилда, Тошкентда Порцев литографиясида нашр этилди. Нашрга тайёрловчи Муҳаммад Қосим Дода Муҳаммад ўғли.

Бу китобда 1907 йил Н. Остроумов нашр этган «Девони Муқимиий» тўпламидаги охирги сўз айнан кўчирилган ва китобнинг 2—3 бетларига «Сўзбоши» ўрнила жойлаштирилган. «Девон»да Муқимиидан 56 та шеър бўлиб, уларнинг 48 таси такрорий, 8 таси янги, фақат шу тўпламдагина учрайди.

4. «Девони Муқимиий мaa ҳажвиёт» (Узб. Ф. А. Ш. И. инв. № 318) 1912 йилда, Тошкентда Гуломия (Орифжонов) литографиясида нашр этилди. Бу тўпламни қиёсий текшириш натижасида уни 1910 йилда Порцев литографиясида «Девони Муқимиий мaa ҳажвиёт» номи билан нашр этилган тўпламнинг айнан, ўзгаришсиз қайта нашри эканлиги аниқланди.

5. «Баёз мaa ҳажвиёти мавлоно Муқимиий мaa мавлоно Фурқат» (Узб. Ф. А. Ш. И., инв. № 236) 1912 (1913) йилда (1331—йил ҳижрий) Қўқонда Шмаков литографиясида нашр этилди. «Баёз»нинг котиби Абдул Қодир Ҳўқандий.

«Баёз»да Муқимиининг 918 мисрани ташкил килалигидан 41 асари бор. Уларнинг 25 таси такрорий бўлиб, 16 таси янги, фақат шу «Баёз»дагина учрайди.

6. «Баёзи Ҳазиний» (Узб. Ф. А. Ш. И., инв. № 317) 1912 йилда (1331 ҳижрий) Тошкентда Лахтин литографиясида нашр этилди. «Баёз»нинг ҳажми 1—240

бет. «Баёз» «Шавкат», «Шоаан», «Сидқий-Хандақлий» тахаллуслари билан шеърлар ёзган калиграф Сирожиддин махсум томонидан кўчирилган.

«Баёз»да бу даврдаги диний-мистик адабиётнинг кўзга кўрингандан намояндадаридан бири фарғоналий Ҳазиний шеърларидан ташқари Амирий, Фазлий, Адо, Асирий, Махмур, Хижлат, Шавқат (Сидқий-Ханақий), Хислат, Васлий-Самарқандий, Фурқат, Завқий шеърларидан на мунаалар берилган. Тўпламда Муқимийдан 20 та шеър бўлиб, уларнинг 7 таси ғазал, 4 таси мураббаъ, 6 таси мухаммас, 3 таси маснавий формасида. Бу шеърларнинг ҳаммаси такрорий нусха бўлиб чиқди.

7. «Баёзи янги» (Ўзб. Ф. А. Ш. И., инв. № 346) 1911 йилда (1329 йил ҳижрий) Тошкентда Яковлев литографиясида нашр этилди. «Баёз»нинг ҳажми 1—144 бет. «Баёз»нинг титул саҳифасида ушбу китобни мулла Мирза Абдулла бинни Мирза Ориф марҳумий билан мулла Сайд Умархон махдум биргаликда нашр этганлари кўрсатилган.

«Баёз»да Муқимийдан бешта шеър учрайди, уларнинг 2 таси ғазал, 1 таси мураббаъ, 2 таси мухаммас. Уларнинг 4 таси такрорий нусха, биттаси янги бўлиб чиқди.

8. «Баёзи мусаввар» (Ўзб. Ф. А. Ш. И., инв. № 334). 1911 йилда (1399 йил ҳижрий) Тошкентда Яковлев литографиясида нашр этилди. «Баёз»нинг ҳажми. 1—265 бет. «Баёз»нинг ношири Қавомиддин махдум, котиби Абдул Ҳамид қори Жалолобадий.

«Баёз» номидан ҳам кўриниб турганидек, суратлар билан безатилган. Бу суратлар шеърлардаги ишқий тематикани таъкидлайдилар.

«Баёз»да Муқимийдан ўнта асар бор, улардан тўрттаси—ғазал, тўрттаси мураббаъ, иккитаси мухаммас бўлиб, уларнинг ҳаммаси такрорий нусха бўлиб чиқди.

9. «Баёзи маҳалло». (Ўзб. Ф. А. Ш. И., инв. № 321). 1911/1912 йилда (1330 йил ҳижрий) Тошкентда Фуломия (Орифжонов) литографиясида нашр этилди. «Баёз»нинг ҳажми 1—144 бет. Китобнинг ношири мулла Мир Махдум бинни Шоҳ Юнус марҳум, котиби кўрсатилмаган.

«Баёз»да XX аср бошларида яшаб ижод этган Тошкент группа шоирлари кўпчиликни ташкил қиласиди. Зариф қори, Шавқат Искандарий (Сидқий-Хандақлий), Алмайй, Қамий, Хислат, Мискин. Фарғона шоирларидан

фақат Муқимий ва Фурқат шеърлари тўпламга кири-
тилган.

«Баёз»да Муқимидан саккизта шеър бор, уларнинг
учтаси ғазал, учтаси — мураббаъ, иккитаси — мухаммас-
дир. Саккизта шеърнинг олтитаси такрорий нусха бўлиб,
иккитаси янги, фақат шу «Баёз»дагина учрайди.

10. «Баёзи гулшани ашъор» (Ўзб. Ф. А. Ш. И., инв.
№ 325). Тошкентда, Яковлев литографиясида нашр этил-
ди. Ношири Муҳаммад Носиҳ бинни Али Муҳаммад.
Китобнинг босилган йили шунингдек котиби қўрсатил-
маган. Китоб ҳажми 1—288 бет.

«Баёз»да Муқимидан 28 та шеър учради. Уларнинг
17 таси ғазал, 4 таси мураббаъ, 7 таси мухаммас. Бу
шеърларнинг 27 таси такрорий нусха, 1 таси янги бўлиб,
ғазал формасидаги лирик шеърдир.

11. «Баёз» (Ўзб. Ф. А. Ш. И., инв № 336). Тошкентда
Ғуломия (Орифжонов) литографиясида Ўтаб котиб қа-
ламида нашр этилди.

Муқимидан «Баёз»да 26 та шеър бор. Улардан ға-
заллар — 13 та, мураббаълар — 4 та, мухаммаслар — 7
та, фардлар — 2 та, сўнгги 2 та фарддан бошқа шеърлар-
нинг ҳаммаси такрорий нусха бўлиб чиқди.

12. «Савғоти Шавкат». (Ўзб. Ф. А. Ш. И., инв. № 310)
Шоир Шавкат (Сидқий·Хандаклий) нинг шеърлар тўплами,
Тошкентда нашр қилинган, ношири, котиби, нашр
этилган йили қўрсатилмаган. Муқимидан иккита асар
учради, бири форс-тоҷик тилида Жомий ғазалига мухаммас
тарзида ёзилган. «Мекуни ё не?» шеъри (25—28
бетлар), иккинчиси ўзбек тилида «Айладинг» радииф-
ли мураббаъдир. Бу ҳар икки асар ҳам такрорий
нусха.

13. «Баёзи маҳбубул-қулуб» (Ўзб.. Ф. А. Ш. И., инв
№ 328). 1911/12 йилда (1330 йил ҳижрий) Тошкент-
да Ғуломия (Орифжонов) литографиясида нашр,
этилди.

«Баёз»да юкоридаги «Савғоти Шавкат» тўпламида
учраган Муқимиининг форс-тоҷикча «Мекуни ё не?»
сарлавҳали битта мухаммаси бор (60—62 бетлар).

14. «Баёзи Маҳдий» (Ўзб. Ф. А. Ш. И., инв. № 335).
1915/16 йилда (1334 йил ҳижрий) Тошкентда, «Тур-
кестанский курьер» номли газетанинг типолитографияси-
да нашр этилди. Китобнинг титул саҳифасида қўйилдаги
библиографик маълумот бор: «Бо иҳтимоми роқим Маҳ-

ди Маҳдум Катта Қурғоний дар балдаи Тошкент ба зевари табъ ороста гардид».

«Баёз»да Муқимийдан учта (157—159, 148 бетларда) шеър бор, уларнинг ҳаммаси такрорий нусхалар бўлиб чиқди.

15. «Армуғони Ҳислат», Тошкентда, 1911 йилда (1329 йил ҳижрий) Ғуломия литографиясида нашр этилди. Муқимийдан китобда (бет 171—172) бир лирик характердаги шеър бор, бу шеър янги бўлиб, бошқа манбаларда учрамайди.

16. «Туркистон вилоятининг газети» саҳифаларида (1891, 1903, 1907 йил сопларида) шоир Муқимийнинг лирик ва сатирик характердаги бир қатор асарлари босилган. Бу ўринда шуни айтиш керакки, ушбу газетада босилган «Кўр Ашурбой ҳожи» каби сатиранинг ва «Андижон зилзиласи» каби ажойиб шеърнинг бошқа нусхаси ҳеч қаерда учрамайди.

17. «Записки Восточного отделения русского императорского Археологического об-ва.» Петербургда чиқадиган бу тўпламнинг 1896 йилдаги IX томида (стр 87—93) Муқимиининг «Виктор бой» сарловҳали сатирик шеъри «Песня-сатира Виктор бой» сарлоҳаси остида иккى тилда — ўзбек ва рус тилларида нашр этилди. Тўпламдаги текст мазкур сатиранинг бизгача етиб келган ягона нусхасидир.

Литографик ва типографик манбаларга қисқа тарэза бепилган бу тавсифдан кўринадники, улар Муқимиий жодий меросини маълум қисмини ўзларида сақлайдилар ва демократ шоиримиз ҳаёти ва ижодини ўрганиш жихатидан қийматли манба сифатида катта аҳамиятга эгадирлар.

Оғзаки манбалар

Муқимиий меросини тўплаш ва ўрганиш масаласида оғзаки манбалар ҳам аҳамиятлидир.

Фарғона водийсининг ҳамма катта шаҳарларида, шунингдек Тошкентда Муқимиийни яхши биладиган кишилар кўп. Бу кексалардан, қисман, Муқимиий асарлари ёзиб олинган бўлса-дэ, улар мавжуд нусхаларнинг оғзаки варианти сифатида сақланмоқлалар.

ИЗОХЛАР

I. ҲАЖВИЕТГА ИЗОХЛАР

Сатираларга

1. Собиқ Туркистанда чоризм ҳукмронлик қилган даврда ҳар йили, белгиланган вақтда, уезд управлениясинынг чиновниклари — танобчилар қышлоққа чиқиб, деҳқонларнинг ерларини ўлчар эдилар. Ҳосилнинг қандай бўлишидан қатъи назар солинадиган ўлпон (валог) шу ҳисобдан олинлар эди. «Таноб воқиаси» деб юритиладиган бу воқиа халқни талаш, эксплуатация қилишда чор колонизаторларининг, маҳаллий эксплуататорларнинг қўлида асосий қурол эди. Ҳақиқатан бу танобчилар Муқимий айтгандай «икки танобни қилиб ўн таноб» камбағал деҳқонни хонавайрон қилар эдилар. Бу шеърда халқ ҳаётининг мана шу фожиали аҳволи типик эпизодлар орқали ҳаққоний тасвиранади.

2. Султон Алимхўжа билан Ҳакимжон Кўқон — уезд управлениясинынг чиновниклари бўлиб, ер ўлчаш иши шулар қўлида эди. Үларнинг кирдикорларидан, ички ҳаётларидан, феълу атворларидан Муқимий яхши хабардор бўлиб, сатирада шоир ўз шахсий кузатишларини бадини умумлаштиради ва чор чиновникларининг ҳаққоний образини яратади.

3. Махтуми атзам, шоҳлиқ мозор, Эрҳубби, Нурота, Бибубайдо Хизр — руҳонийлар томонидан халққа талқин этилган «авлиёлар», молорлар номи.

4. Шу вақтгача «дўма», «даъма» формаларида ёзилиб келган ва изоҳ қилинимаган бу сўзининг асли «дўғма»дир. Манбаларнинг кўрсатишича, «дўғма» сўзи маълум маисаблардан бирининг номи эканлиги маълум бўлади.

XIX асрнинг охирларида ёзилган «Ансобус салотин ва тавориҳул Ҳавоқин» асарининг автори Мирза Олим ибни Мирза Раҳим чоризм ҳукмронлиги давридаги амалдорларни санар экан, «дўғма» сўзини «мингбоши», «элликбоши» сўзлари қаторила ишлатади.

Бундан «дўғма» ўша давр амалдорларидан бири экани оңглышлади.

Баъзи элликбоши бўлди, баъзи дўғма,
Юзин урар тўқсонини — қилур туъма,
Нафс йўлиға кирганларға бало бўғма.
Куфри зулмат исъёниға ботти дўстлар.
Яна:

Юрт яхисин сайлаб анга амал берди,
Мингбошию, элликбоши, дўғма қилди.

Мирза Олим ибни Мирза Раҳим — Анособус салотин ва тавориҳул ховокин, қўлёзма Ўзб Ф. А. Шарқшунослик институти, инв.

1314, варақ (169a—170a) Муқимий ўзининг бу ва «Воқиаи Виктор» номли бошқа асарида ҳам юқоридаги сўзни шу маънода ишлатади.

5. Бу байтдаги «Эл» сўзидин мурод Ҳакимжон ва Султон Алихўжа сингари чиновникларни қўллаб қувватлайдиган ҳукумат доираларига мансуб бўлган расмий маъмурлар мұҳитидир. Шоир Султон Алихўжа ва Ҳакимжонларни «яхши» деб қувватловчи ана шу расмий мұҳитдан нафратланади ва улар тамизидан «ҳазар қилиш»га чақиради.

6. Бу мисралардан маълум бўлишиба. Ҳакимжон танобчи ўзининг Жалолхон деган ўғлини Муқимийга ҳисоб (руқум) ўргатинг, деб шогирдликка топширган. Муқимий шу боланинг бемазалигидан койиди ва бу иш ўзи учун ортиқча бир дардисар бўлганини билдиради. Бу эпизод Муқимиининг чиновникларга бўлган салбий мunoасабатини кўрсатишдан ташқари бошқа бир масала учун ҳам характерли. Бу эпизоддан маълум бўладики, Муқимий дунёвий илмлардан хабардор бўлган олим сифатида ҳам замондошлари ўртасида танилган экан.

7. *Московчи бойлар* — Ўрта Осиё Россияга қўшилгандан сўнг капиталистик мunoасабатларнинг ривожланиши натижасида маҳаллий ҳалқ ичидан Москвага қатнаб савдогарчилик қиладиган бойлар чиққан эди, гап шу тўғрида бораётир.

8. *Ҳодиҳўжа эшон* — қўёнлик бир бой. Унинг катта пахтакорлик ерлари, пахта тозалайдиган заводлари, магазинлари, бу магазипиларнинг Фарғонанинг айрим районларида бўлимлари бўлган. Муқимий «Вексель», «Виктор бой» ва яна бошқа сатираларида ҳам бу бой тўғрисида сўслайди, унинг характеристи феъли-автори нинг янги-янги томонларини очиб ташлаб тўлиқ образини яратади, эксплуататор синфнинг тиپик вакили сифатида фош қиласи.

9. *Печать бойламак* — революциядан илгарни бирор киши қарздор бўлиб, шу қарзини белгиланган мұҳлатда тўлай олмаса, яъни

«синса», унинг бутун моли-мулки пулдорлар томонидан ушланар, «печать» қилинар эди. Шоир капиталистик муносабатлар туғдирған шу ижтимоий ҳодиса ҳақида сўзлаётир.

10. *Сумига ўн тийин бериш* — қарздор киши пулдорга (судхўрга) белгиланган миқдорда пул ижораси тўлашга мажбур эди. Судхўрлик айниқса капиталистик муносабатлар ривожлангандан кейин авж олди, натижада меҳнаткаш халқ ўртасида қарздорлик кўпайди. Қарздорлик масаласи бу давр адабиётида асосий темалардан бири ҳисобланади ва бу ижтимоий ҳодиса адабиётда анча кенг акс этади.

11. *Подшохўжа* — Ҳодихўжабойнинг укаси, шериги. Бой уни Москвага мол олиш учун юборган эди.

12. Турли сабаблар билан ўз юртига қайтган ишчи йигитлар ўз ёр-дўстларига бу ердаги оғир аҳвол тўғрисида сўзлаб, уларни огоҳлантирап эдилар:

«Агар ўша томонларга бора қолсангиз, унинг саройига асло бориб ишга тушмангиз, чунки эй қадрдонлар, сиз у ерда ўласиз».

13. *Хайруллаҳон* — қўқонлик машҳур аълам (қозихона адвати).

14. Агар бирор-бирорвга даъво қиласа, шариат даъво қилувчига ёки жалобагарга қасам ичирап эди. Бу қасам масаласи шариатнинг ёнг ярамас қонунларидан бири бўлиб, бойлар, катта ер эгалари, муттаҳамлар қасамни қурол қилиб, талай камбағал косиб, дехқонларни хонавайрон қиласар эдилар.

15. Бу сатиранинг ёлғиз нусхаси ЎзФА Шарқшунослик институтидаги 7521 номерли қўллэзма «Девони Муқими» да учрайди.

16. Чор амалдорлари мансаб талашиб сайловчиларни (соққа ташловчиларни) пора билан сотиб олар эдилар. Бундай «шошинлинч» вақт учун зарур пулни жамғариб қўймаган амалдорлар қарз-қавола қилишга ва пул кучи билан амални қўлга киритишга тиришар эдилар. Бундай вақтда кимнинг пули кўп бўлса, ким кўп «зар сочса», ўша «амалдорлик»ка муюссар бўлар эди. Амалга эришган чиновник эса сайлов вақтида сарф қилган пулини ишлаб олиш учун янги-янги талов усувларини ўйлаб чиқарар эди. Шундай қилиб, сайловнинг бутун оғирлиги оддий халқ бошига, косиб, ҳунарманд, дехқонлар бошига тушар эди. Чоризм ўрнатган сайлов системасининг бу «можароси», халқ бошига келтирадиган кулфатлари адабиётда акс этган. Муқимиининг «Сайлов» шеъри бу муҳим темага бағишлиланган адабиётнимиздаги дастлабки асардир.

Ўзбек совет адабиётининг асосчиси Ҳамза Ҳакимзода Ниёзий ўзининг «Бой ила хизматчи» драмасида бу ижтимоий ҳодисага яна мурожаат қиласади ва уни даҳшатли оқибатлари билан яққол кўрсатиб беради.

17. Бу шеър қўлёзма манбаларда учрамайди. Бу шеър текстини биринчи марта боюнча Ҳоди Зарифов ўзининг 1955 йилда нашр қилган «Муқимий. Ҳаёти ва ижодига оид материаллар» номли китобчасида (бет 42—43) эълон қилди. Шеърнинг қисқартирилган ва таниб бўлмаслик даражада ўзгартирилган вариантини 1951 йилда ўртоқ Абдулла Олимжонов нашрга тайёрлаган «Муқимий. Танланган асарлари» тўпламида эълон қилинган эди. Биз ўртоқ Ҳ. Зарифов эълон қилган текстига асосландик. Ўртоқ Зарифовнинг берган маълумотига қараганда, шеърнинг Муқимий қалами билан ёзилган асл нусхаси — автографи қўлёзма «Ҳафт авранг» китобининг ҳошиясида бўлиб, у китоб билан биргаликда Қўқонда хусусий бир киши қўлида сақланади.

«Ахтаринг» ғазали автобиографик характеристика эга бўлиши билан Муқимий ижодида алоҳида ўрин тутади. Шеърнинг қандай вазиятда, қандай воқиа муносабати билан қачон майдонга келганинги аниқ белгилаш қийин бўлса ҳам, унинг айрим мисраларида шоир шахсий ҳаётига ишора бор эканлиги шубҳасизdir. Масалан шеърнинг бош мисраи «Подшоҳ йўқлатсалар ногаҳ, гало деб ахтаринг» мисраи тасодифий эмас. Бу мисрага суюниб, шоир ҳукумат маъмурлари томонидан таъқиб қилинган ва яширинишга мажбур бўлган экан деган тахминни қилиш мумкин. Эҳтимол, шоир шу қувғиндан бекиниш вақтларида ҳукумат маъмурлари устидан истеҳзо билан кулиш баробарида ўзининг «ғамға мубтало» бўлган оғир аҳволидин дўстларини хабардор қилиб шу шеърни ёзгандир. Муқимий билан ҳукмрон доиралар ўртасидаги жиддий келишмовчиликларни, унинг сатирик шоир сифатида фош этувчилик фаолиятини, ниҳоят Муқимий ҳаётига оид замондошлари берадиган маълумотларни ҳисобга олсанк бу шеърда ишора қилинадиган биографик нуқталар жиддий ва принципиал аҳамият касб этади. Ҳар ҳолда «Ахтаринг» шеъри шоир ҳаёти ва ижодини ўрганишда диққат марказида туриши керак ва бу муҳим адабий фактнинг атрофлича ўрганишни давом этдириш лозим.

18. Бу мухаммасдаги асли ғазал XIX аср биринчи ярмида яшаб ижод этган шоир Махмурники бўлиб, унда Ҳалалак қишлоғига (Қўқон атрофига) Қўқон хоти Умархон томонидан солинган налогнинг беҳад оғирлиги ва халққа қилинган жабр-зулмларнинг даҳшатлари ва фожиалари тасвир қилинади. Ҳалқ ҳаётига бағишлиган бу ғазал ўз замонасида ўқувчилар диққатини тортиши билан бирга келгуси замонларда ҳам аҳамиятини йўқотмади. Фактларнинг кўрсатишига қараганда Махмурнинг бу ғазали XIX асрнинг II ярмидаги адабий ҳаётда кенг тарқалган ва кўп шоирлар диққатини ўзига жалб этган, унга ўхшатмалар — назирашлар ёзилган, мухаммаслар боғланган. Махмур ғазалининг XIX аср

II ярмида ҳам бундай эътибор қозониши тасодифий эмас. Чунки Ҳалалак қишлоғи, унга ўшаган юзлаб, минглаб қишлоқларнинг аҳволи, меҳнаткаш деҳқоннинг турмуш шароити XIX асрнинг II ярмида чоризм даврида, колониал қуллик ҳукмронлик қилган даврда ҳам ўшандай, балки ундан ҳам оғирроқ эди. Шунинг учун ҳалқ ҳаётি темаси бу давр адабиётининг энг муҳим ва актуал темаларидан бири бўлиб турди ва бу темада ёзилган асарлар зўр қизиқиш билан қарши олинди.

Махмур ғазалига боғланган мухаммаслардан *Муқимий ва Нодим* мухаммаслари маълум. *Муқимиининг* яқин дўсти наманганилик шоир Нодим томонидан ёайлган мухаммас 8 банддан иборат бўлиб, чуқур мазмунли, реалистик картиналарни чизиб беради.

19. Бу сатира Фарғона водийсида катта шов-шув туғдирган «Виктор воқиаси» муносабати билан ёзилгандир.

Виктор Демитрович Ахматов Қўқондаги ақа-ука Каменский-лар савдо конторасида иш бошқарувчи бўлиб хизмат қилган. Шу даврда у маҷаллий бойларга арzon баҳода Москвадан мол келтириб беришни ваъда қилиб улардан пул йиғишига киришган ва кўп миқдорда пул тўплаб бўлгандан сўнг доми-дараксиз йўқолган. Бу воқиага бағишлиб Фарғона шоирларидан бир нечалари шу жумладан *Муқимий* қатор шеърлар ёзган. Айтиш мумкинки, адабиётда «Виктор цикли» деб аталиши мумкин бўлган сатирик шеърлар серияси майдонга келган.

Муқимиининг бу сатираси биринчи мартаба Петербургда чиқадиган «Записки Восточного отделения Императорского Русского Археологического общества» тўпламишининг 1896 йилги IX томида (стр. 87—92) рус ва ўзбек тилларида босилган. Н. Остроумов шеър тезистига ёзган изоҳида 1891 йилда Қўқонда бўлган вақтида бу шеърни ашулачилар, оғзидан ёзиб олганини ва нашрга тайблраганини айтади. Бас бундан маълум бўладики, «Ҳажви Виктор бой» сатираси 1891 йилда ёзилган ва ўз вақтида ашула бўлиб ҳалқ ўртасига кенг тарқалиб кетган эди.

20. Бу мухаммаснинг ягона нусхаси Узб. Ф. А. Шарқшунослик институтида сақлананаётган қўлёзма баёзда (инв. 5666 варақ 180 аб) учрайди. Мухаммаснинг вирим мисралари шоир ва драматург Собир Абдулланинг «Муқимий» номли музикали драмасидаги шоир *Муқимий* оғзидан айтилган «Ҳажви Виктор» ғазалини эслагуширади. Баҳтга қарши юқоридаги мухаммаснинг бошқа нусхалари бўлмаганидек, Собир Абдулла келтирган ғазалга ҳам бошқа манбаларда дуч келмадик.

21. Бу воқиа банд сатиранинг ягона нусхаси Узб. Ф. А. Шарқшунослик институтидаги (инв. 1325, варақ 362б—370а) қўлёзма баёзда сақланмоқда. Сатиранинг охирида традиция талабига муво-

Фиқ шоир тахаллуси бўлмаса ҳам мазкур сатирани Муқимийга мансуб асар сифатида тўпламга киритдик. Чунки, биринчидан қўл-ёзма баёзда бу асар Муқимий шеърлари орасида келади, иккинчидан, Муқимиий сатиralарининг персонажларидан Ҳодижхўжа эшон, Карим охун, Лахтин ва бошқалар бу сатирада ҳам учрайди. «Воқеаи Виктор» асарини Муқимиийга мансуб эканлигини кўрсатувчи энг муҳим далил, сатиранинг стил жиҳатидан Муқимиий стилига яқин бўлишидир.

22. Бу сатира ва юқоридаги «Ҳажви Виктор» мухаммаси, шунингдек Собир Абдулла драмасида келтирилган «Ҳажви Виктор» ғазали ўртасида муштарак нуқталар, ўхаш мисралар учрайди. Бундай ҳол, яъни баъзи мисра ва байтларни бир асардан иккичи асарга кўчиб юриш фақат бу сатирадагина эмас, лирик шеърларда ҳам, балки фақат Муқимийда эмас, бошқа шоирларда ҳам учраб турадиган ҳодисадир. Ҳабек классик адабиётига, шунингдек фольклорига хос бўлган бу хусусиятни чуқурроқ ўрганиш ва изоҳ қилиш учун материал бериш мақсадида Виктор ва Лахтин ҳақидаги сатиralарни манбаларда учраган вариантд сақлашни ва шу ҳолда нашр этишини мувофиқ ҳисобладик.

Сатиранинг ягона нусхаси Ўзбекистон ССР Марказий Давлат Архивида сақланадиган «Остроумовнинг шахсий фонди»да (Л. Ф. О.) учрайди (фанд 1009).

23. Бу сатира биринчи мартаба 1903 йил 15 январда Муқимиий вафотидан бир неча ой илгари «Туркистон вилоятининг газети» саҳифасида «хўқандлик бир бойнинг шаънига Муқимиий шоирнинг айткон шеъридур» сарловҳаси остида босилган эди.

24. Шу кунгача «Баччағар» номи билан юритилиб келган бу сатирани биз «Ҳажви Халифаи Мингтепа» деб аташни мувофиқ кўрдик. Бу ном шоир Нодимнинг мусаввада дафтаридан олинди.

Ҳақиқатан ҳам сатирада гап Мингтепага «бидъат ўчоғини» қуриб олган реакционер Дукчи эшон тўғрисида борар эди.

25. Уммисибён — афсноага кўра, «Болалар онаси» деб номланган дев бўлиб, у болалар касалига сабаб бўлар эмиш. Муқимиий Дукчи эшонни шу даҳшатли, нафратланган девга ўхшатади.

26. Бу давр адабиётida «Дукчи эшон цикли» деб аталиши мумкин бўлган сатирик шеърлар серияси майдонга келди. Демократ шоирларнинг ҳаммаси деярли бу темада асар ёздилар. Муқимиийнинг Дукчи эшонга қарата ёзган бир неча асарлари борлиги маълум.

«Ҳажви Халифаи Мингтепа» асарининг ёзилиш тарихига келгандада, унинг мазмунидан кўринишicha, асар фикта кўтарилемасдан илгари, яъни 1898 йилдан илгари ёзилгандир.

27. Бу мұхим социал қыйматтаға әга бұлған сатираның нұсқалари манбаларда күп учрамайды. Үнинг бир нұсқасы Шарқшунослик институтыда 1325 инвентарь номери остида сақланадаётгән құләзма баёзда варақ 2346) учрайди. Бошқа бир нұсқасы Собир Абдулланиң шахсий күтубхонасындағы баёзда бор. Шу нұсқага ассоцииб туриб. Собир Абдулла сатира текстини 1953 йилда, Мұқимиң вафотининг 50 йиллиги мұносабати билан үтказилған юбилей күнларыда «Мұштум» журналының 9 сонидә әйлон қылды. Биз сатира текстини нашрга тайёрлашда Собир Абдулла вариантини ассоцииліб олдик.

28. Сатира Ойим қишлоқда 1898 йилда әзилған.

29. Үруғ — чигит. Революциядан илгари пахтаниң янги наслари эндигина расм бұлған пайтларда, үнинг чигитига талаб күп бұлған. Катта фойда талаб бойлар уруғлық чигит көлтиришша бир-бирләр билин рақобат қилишдилар. Күплаб көлтирилған уруғ үтмай қолади, кризис бошланади. Мұқимиң бу шеърида ана шу ҳодисаны тасвирлаб ҳажа қиласы.

30. Бир йили ҳұл мевадан тарқалиши мүмкін бұлған касаллиқтің олдини олиш учун «ҳұл мева ебілмасин, лаңг бор» деган бүйрүқ бұлған әди. Минибошилдардан бошлаб, ҳамма амалдорлар, полициягача бу фармойишни үринлатиши учун истаган номағұлчилеклерини қылған әдилар. Мұқимиң үз сатирасыда юрт ичидә бұлиб үтгән шу воқианы тасвир қиласы, чөр чинодникләр кирдикорларының танқид қиласы.

31. Бу сатира Үз. Ф. А. Шарқшунослик институтыда сақланадаётгән 5736 номерли құләзма баёзда учрайди. Баёзның китобат тарихи 1892 йил 3 февраль. Бас, бундан маълум бұладики, бу асар мазкур баёз тузилмасдан илгари әзилған экан.

32. Шом, Ҳалаб — Арабистондаги шаҳарлар исми.

33. Розиәғлиқ — Құқондаги бир маҳалланиң номи.

34. Таҳматан — Фирдавсийнинг «Шоҳнома» асарындағы бөшқа қаҳрамон Рустамның лақабы: ботир, қаҳрамон маъносини билдиради.

35. Бу сатираның ягона нұсқасы Собир Абдулланиң шахсий күтубхонасындағы құләзма баёзда учрайди (баёз ичидеги алохнда қоғозда). Құрниб турибдикі, бу нұсқада мұхаммасининг охирі Ық. шүпнің учун таҳаллус ҳам учрамайды. Лекин бунга қарамай мұхаммасининг Мұқимиң қаламында мансуб эканлығы шубда Ық. Сатираның стили, үнинг Мұқимиң асарлари орасыда учраши шүши күрсатыб туради. Бу сатирага оид бошқа библиографик маълумот, ҳозирча, топилмай келади.

36. Сатираның обьекті бұлған бу «Охунум» мулла Иўлдоң охун исмли тарихий шахс бұлиб, у 1887—88 йиллар атрофида

Мұқимий билан бирғаликда Құқондан Тошкентта сағдат қылғын әди.

Мұқимий мулла Пұлдош охун кирликорлари тұғрисида бу сатырадан ташқары, 1887—88 йиллар орасыда Тошкентдан Құқонға әзгап мактубларидан бирида («Ассалом» мактубида) құйидаги мисраларни әзгап әди:

Мулла Пұлдош охун ила мунда келганидін бери.

Үл киши гар соғ әса, ман дарди дандон, ассалом.

Гар топиб фурсат құшиндин, гаплатшай, деб бораман,
Лоҳаз улқун анда Ық иноға дармөн, ассалом.

Юморларга

1. Мұқимий пеккапи сандалдан ва гулхондан ағзал әкаплигини таъкидлайды. Бу шеър шоирнинг түрмушда рўй беоғётган ўзгарициларга, туғилаётган яшгиликтарга муносабатини кўрсатувчи характеристири фактлир.

2. Шеърнинг ягона нусхаси Собир Абдулланинг шахсий кутубхонасида сақланыётган баёзда учради. Баёз сүкутли бўлгаки учун китобга ва шунингдек, ундаги алоҳида шеърларга оид библиографик маълумот йўқ.

3. Малмакон — Худоғроннинг биринчи марта таҳтдан тушганидан кейин, 1858—1862 йиллар орасыда ҳукмронлик қилган Қўқон хонларидан.

4. Шайдон, Ола маҳрам — Фарғона водийсидаги қишлоқларнинг номи.

5. Бу тўрт шеър («Кўсамен», «Ҳайрон қўсамен», «Паришон қўсамен», «Девонамен») найчи — санъаткор Исмоил ота тұғрисида әзилган.

Шоир Мұқимий бу санъаткор билан дўстона алоқада бўлиб, енгил қавил йўли билан унга бағишлаб юқоридаги шеърларини әзгап бўлса-да, лекин бу фактлар тагида аччиқ ҳақиқат ётади. Чиндан ҳам у замонларда шоир тасвир қилганидек, ҳалқ ичиндии етишиб чиққан талант әгалари — санъаткорлар оч-яланғоч яшашта ва тиланчилар билан умр кечиришга мажбур әди. Мұқимийнинг бу темага қайта-қайта мурожаат қилиб, кекса санъаткор ҳақида бир неча асарлар әзишнинг бошқа мұхимроқ сабаби ҳэм бор әди: ўз замонасилан раҳм-шафқат кўрмай фиғон қилиб ўрган демократ шоир Мұқимий ўз тақдирини, қисман, «девонаш» — тиланчи санъаткор тақдирела кўрар әди, у найчи — санъаткор тұғрисида әзар әкан, ўзи тұғрисида, шоир — санъаткор тұғрисида сўзлагандек, бўлар әди.

6. Бу юмор 1883 йилда китобат қилингани қўллэзма баёзда учрайди. (Бу баёз УзФА Шарқшунослик институтида 1821 номери остида сақланмоқда).

7. Бу мисрада Муқимий сўз ўйини ишлатаётир. «Сақар-сақа» сўзлари орқали ҳам сўлоғи чиқсан араванинг юришини бермоқчи. ҳам «мунда юриш дўзахдан ҳам смон» демоқчи. Сақар — дўзах демакдир.

8. *Нуҳ тўфони* — афсонага кўрай қадим замонларда бутун ер юзини сув босган (тўфон бўлган), бутун жонли мавжудот тўфон вақтида ҳалок бўлган. Фақат бу тўфонни илгаридан билгэн Нуҳ пайғамбар катта бир кема ясаб, ҳамма жониворлардан бир жуфт-бир жуфт олиб кемага тушган ва ҳалокатдан сақланиб қолган. Кемадаги жониворлардан ер юзида яна ҳаёт бошланган. Муқимиий муболага приёмидан фойдаланиб, ҳаддан ташқари авж олиб кетган лойгарчилликни мана шу Нуҳ тўфонига ўхшатади.

9. Байтнинг таржимаси: «Менинг вужудим бошдан-оёғигача қайғулардан, ғамлардан ҳоли эмас эди. Бунинг устига тангри миснга бу безгак дардини қаердан юборди?»

10. Байтнинг таржимаси: «Қувватимни бутун ғорат қилиб кетган эди, яна бугун ғалво билан етиб келди. Мен тушунмадим, безгакнинг бизда яна нима ҳақи бор экан?!»

11. Манбаларда кам учрайдиган бу юморнинг ягона нусхаси УзФА Шарқшунослик институтида сақланаётган 7521 номерли қўллэзмия «Девони Муқимиий»да (варақ 29 а,б) учрайди.

12. Шоир Нодим ҳижри ҳисоб билан 1341 йил, 10 рамазонда, мелодий ҳисоб билан 1923 йил 27 майда Наманганда вафот этган.

13. Юморнинг ягона нусхаси шоир Нодимнинг УзФА Шарқшунослик институтида 4179 номери остида сақланаётган мусавада дафтарида учрали.

14. Бу юморнинг ягона нусхаси Собир Абдулланинг шахсий кутубхонасида сақланаётган баёзда учради.

15. Бу характерли юморнинг Муқимиий қалами билан ёзилгач ягона нусхаси Собир Абдулланинг шахсий кутубхонасида сақланади. Алоҳида қоғозга чиройли настаълик билан ёзилган бу шеърнинг бир четига бошқа қалам билан «Марғилоплик Оҳуёнжон сассиқ бой» сўзлари ёзилган. Бу «сассиқ бой» ким бўлган, Муқимиининг унга қандай алоқаси бор эди? — каби масалаларни ҳал қилиб бўлмаганидек, «Кал қизиқ»ни ҳам ким эканлигиги аниқ айтиб бўлмайди.

16. Муқимиий 1899 йилнинг ёз ойларида Москвага жияти Р. Дўстматовга ёзган хатларидан бирида: «Ва яна назм» ёзувларингидан юборинг, деб жонсиз... бовужуди бир ёзув — назм

пашшаларнинг шаънига айтиб эрдук, Бешариғда кўп бўлур эркани, бу кечакида машқ бўлуб эди» дейди ва бу шеърни юборганини айтади. Бас, бундан маълум бўладикки, мазкур «Пашшалар» шеъри 1899 йилда ёзилган экан.

САЕҲАТНОМАГА ИЗОҲЛАР

1. Муқимий «Саёҳатнома»си ўз замонида катта шуҳрат ҳозонгандек ва кенг халқ ўртасига тарқалиб кетган. Муқимиийга тақлид қилиб, кўп шоирлар «Саёҳатнома»лар ёзгаплариdek, Муқимиий «Саёҳатнома»сининг халқ ўртасида турли туман вариантилари ҳам туғилган. Шундай қилиб, ўша давр адабиётидаги ўзининг алоҳида услуби ва хусусиятларига эга бўлган шеърий формадаги «Саёҳатнома» жашири шаклланган ва бу жанрга мансуб бўлган бой адабий материаллар майдонга келган.

2. Умар, Каҳҳор — Муқимиий даврида бутун Фарғона водий-сюда допг чиқарган Исфаранинг машҳур халқ ҳофизларида.

МАКТУБЛАРГА ИЗОҲЛАР

Шеърий мактубларга

1. Бу байтининг таржимаси: «Назм билан хат ёздим, лекин афуски, саломни қуруқдан-қуруқ минг хижолатлар билан сизга юбораман».

2. Хат 1867—88 йиллар орасида, Муқимиининг биринчи Томшент сафари даврида ёзилган. Хатининг энг муҳим адамияти шундаки, унда Муқимишпилг Фурқат, Завқий синигари машҳур демократ шоирларга бўлган самимий дўстона муносабати очиқ ифодаланган.

3. Бу мактуб 1887—1888 йилларда наманганлик Нодим хатида жавоб сифатида майдонга келган.

4. Маҳмудхўжа Қўқонга саёҳат билан келган вақтларда Муқимиий қўли қандайдир шикастга учраган эди. Мактубда Муқимиий қўли ҳақида сўзлаб, дўсти Маҳмудхўжани тинчитиб қўяди.

5. Макайхон, Макайлик — Муқимиий замонасида катта шуҳрат қозонгандек машҳур санъаткор талантли ашулачи. Унинг асли исми Муҳаммаджон бек, отасининг исми Қосимбой. Муҳаммаджон Қўқонта яқин «Макай» қишлоғидан бўлгани учун «макайлик» номи билан аталиб кетган.

6. Бу мактуб сўнгги вақтларда (1959) «Остроумовнинг шахсий фондли»дан топилди. «Остроумовнинг шахсий фондли» Узбекистон ССР Марказий Давлат архивининг тарихий фондлар бўлимида (фонд 1009) сақланмоқда.

7. Бу мактубнинг автографи Кўқон ўлкани ўрганиш музейда сақланмоқда.

8. Рўзимуҳаммад Дўстматов Москвадан тоғаси Муқимийга ўз сурати билан ўн уч сўм пул юборган эди. Бу тўғрида Муқими жиянига юборган прозаик хатларида ҳам сўзлайди,

Насрий мактубларга

Муқимиининг бизгача етиб келган бу насрий хатлари, уннаг ҳаёти ва ижодини ўрганишда, хусусан уннинг сўнгги давр ҳаётини ўрганишла мұтабар манба бўлгандарни учун китобга мавжуд хатларнинг ҳаммасини киритдик ва зарурият бўлмагав ўринда текстни қисқартирмасликка ҳаракат қилдик. Шу билян бирга Азимжон бойвачча исмли Муқими замондошининг Москвага — Р. Дўстматовга шоир ҳаёти ва аҳволи тўғрисида ёзгай мактубини ҳам илова қилдик.

1. Муқимиининг Маҳмудхўжа ва шоир Камийга (Мулла Каrimjonga) юборган ушбу мактуби 1889 йилнинг июнь ёки июль ойида ёзилган бўлиб чиқади.

Муқими ўз ижодининг сўнгги маҳсулотларидан намуна сифатида мактубга «Қани»? радифли 7 байтдан иборат бўлган лирик шеърини илова ҳам қилади.

2. Сайд Оқилхон — Сайд Оқилхон Тўрахон ўғли ҳозир ҳаёт бўлиб, 1868 йилда Тошкентда Бешбек даҳа, Муҳаммадалихон (Чақар) маҳалласида туғилган. Сайд Оқилхон эсдаликларига қараганда, у шоир Муқими билан тахминан, 22 ёшларда (1890 йилда) Қўқонга борганида тоғаси Сотиболди ҳазрат воситасида танишган ва шоир талантининг ихлосмандларидан бирни сифатида у билан алоқасини давом этдирган.

3. Ҳазрат — Сотиболди ҳазрат кўзла тутилади. Бу киши Муқимиининг Қўқондаги ихлосмандларидан, шоир истиқомат қилиб турган мадрасадаги ҳужрапи унга тақдим этган, замонасининг «кўзи очиқ», илғор фикрли одамларидан бири.

4. Ҳон акам — Абдулазизхон кўзда тутилади.

5. Сиддиқ қори — Муқимчӣ, шунингдек Фурқатининг яқин дўстларидан бири, Тошкентнинг Себзор даҳа, Тешик қопқа маҳалласидан, замонасининг илғор фикрли кишиси бўлган.

6. Шоир Камийнинг илтимосига кўра Муқими томонидан «жалий қалами» билан ёзиб юборилган лавҳа бизгача етиб келган. У Узб. ССР Ф. А. Шарқшунослик институтининг фондида (инва. 7628 — XII) сақланади. Ловҳа остига қўйилган тарихдач маълум бўлишича, у 1316 йил ҳижрийда, 1898—99 йил мело-

дийда ёзилтан. Бу тарих айни замонда мазкур мактуб тариха ҳам ҳисобланади.

7. Бу фарднинг таржимаси:

«Фигон ва иолаларимиз бор, лекин у ўз қулоқларимиз тагидан нарига бормайди.

Аслда ўз завқи-шавқларимизни бошқаларга етказиш мақсади бизда ҳеч бўлган эмас».

8. Хатнинг мазмунидан кўринишича, бу Муқимийнинг Москвадан олган хатга жавобан ёзган биринчи хатилицир. Хатда ой ва кун кўрсатилган «...ёзилди 12 ўқтабирда». Маълумки, шоирнинг жияни 1898 йил июнь, июль ойларида, ёзги кангул вақтида Москвадан Қўлонга келган ва август бошларида яна Москвага қайтган эди.

9. Мартнинг охирларида ёзилиб, майнинг ўрталарида «пўштага ташланган» бу хат 1899 йилда ёзилган бўлиши керак.

10. Бу уриндаги «...фақир ёзуви чофа ўлиб...» сўзлари дичқатга сазовор. «Чофа ўлуб» сўзи ҳозирги замон имлосидан бошқачароқ формада ёзилган бўлиб, «нашр этилиб» маъносини берувчи «чоп ўлиб» иборасидир.

11. Мактубда тарих ўринда кўрсатилган «апрель ойи» 1899 йилга тааллуқли бўлса керак.

12. Бундан илтириги хат кўзда тутилса керак, у ҳолда «июннинг аввали» эмас, «июннинг охири» деб ёзилса тўғрироқ бўлар эди.

Бу хатда Р. Дўстматовни қовун сайдилига чақирилишидан маълум бўладики, 1899 йили ёзилган экан (июль 1899).

13. Бу ердаги «рақима олтинчи июнда ёзилди» сўзлари 1899 йилга тааллуқли.

14. Муқимий бу ўринда шоир Нодим Наманганийни кўзда тутади.

15. Хат тарихига оид 23 октябрь 1899 йилга таалуқли бўлиши керак.

16. Хат 1899 йилнинг 17 декабрида (29 декабрда) ёзилган.

17. Тарих ўринда берилган «Ёзилди учинчи июнда» сўзлари 1900 йилга тааллуқли.

18. Мактубнинг умумий мазмунидан уни 1900 йил ёз ойларида ёзилганинги кўринади. Мазкур хат 20 июнда Р. Дўстматов ёзган хатга жавобидир.

19. Москваладан келган уч хатга жавоб берилмай, касаллик туфайли анча кечикиб, 24 ноябрда ёзилган бу мактуб 1900 йилга тааллуқлидир.

20. Бу хат ҳам 1900 йилга тааллуқли. Чунки, ўтган ноябрь ойида ёзилган хатда келаётган «рамазони шариф» тўғрисида гаш

бор эди, бу хат мазмунидан эса, у кириб келган «рамазони шарифнинг йигирманчисида» ёзилгани маълум бўлади. Шундай қилиб, хат тарихи 1900 йил декабрь ойи деб белгиланиши мумкин.

21. Мазмунидан демократ шоир Муқимийга чуқур ҳурмат сизилиб турган бу мактуб шоир замондошларидан қўқонлик мулла Азимжон томонидан 1900 йилнинг 30 декабрида ёзилган. Бу тарих хат охиридаги «бу руқъя ёзилди рамазони муборакнинг ўнинчисида» деган сўзлардан келиб чиқади. Чунки ўша йили (1900 йили) биринчи рамазон 2 декабря тўғри келган эди.

МАСНАВИЙЛАРГА ИЗОҲЛАР

1. Бу ердати «Хон акам»дан мурод Абдулазизхондир. Абдулазизхон Муқимиининг тошкентлик дўстларидан биридир.

2. Манбаларда учрамайдиган бу шеърнинг автографи Собир Абдулланинг шахсий кутубхонасида сақланади.

ЛУГАТ

А

Аббош — бебош, безори, саёқ, дайди.
Азкиә — закийлар, зийрак, ұшер, тез фады кишилар.
Айзан — яна, шунга ўхшаш.
Алоло — шовқин-сурон, ҳайқириқ.
Аъмо — күр.
Анбүх — талай, беңад.
Асас — кеча қоровули, туяги соқчи.
Аълам — билагон, эски вақтларда шариат билагони.
Арақ — тер.
Атолат — бир ишга күнгил қўйиш, мойиллик, майл қилиш.
Афзи — катта заңарли илон.
Ағзоғ — феъллар, феъли-авторлар, одат-қилиқлар.
Аҳли фунун — ҳунар аҳллари, билимдонлар.
Ақидат — эътиқод, ишонч, ихлос.

В

Баргашта — қайтган, юз ўғирған.
Бий — қора қурт.
Билотаваққұф — тұхтосиз.
Боз айламак — очмоқ (эшикни очмоқ), ёймоқ.
Ботин аъмо — зеҳисиз, уқувсиз.
Булъажаб — таажжуб, ажаб қоларлы.
Булбули шұрида — қайғули булбул, фарәд-ғиғонли булбул.
Бум — бойқуш.
Бүрхон — далил, ҳужжат.
Бухлукана — баҳиллик ва гина қилиш.
Бұлус — волостное управление негізде бошлиғи.

В

Вожун — вожгуннинг қисқартирилган шакли.
Вузу — диний йўл билан махсус юваниш.
Восиъ — кенг, катта, бағри кенг.

Г

Гавда хар — эшак гавдали.
Гаждум — чиён.
Гарониш — шаҳар бошлиғи, шаҳар ҳокими (городоначальник).
Гудоз — сўз биримасида зрувчи, куювчи.
Густоҳ — одобсиз, андишасиз, тортинимайдиган, ҳайиқмайдиган.

Д

Дабернас — русча — «доверность» сўзининг ўзбекча талаффизи.
Дахлу сарф — кирим-чиқим.
Дирам — танга,
Додар — ука.
Доддоҳ — адлу инсоф сўровчи, адолатни хоҳловчи; катта мансаб.
Дузди бадбурут — мўйлови шопдай ўғри.
Дурафтода — узоқлашган.
Дуғма — амалдор, чиповник. Чоризм ҳукмронлиги даврида жорий қилинган маъмурӣ мансабларнинг (юзбоши, мингбоши сингари) бири.

Ж

Жондор (жандарм) — жандарма, миршаб,
Жаъд — гажак, соч ҳалқаси.

З

Зордолу — ўрик.
Зину ложам — эгар-жабдуқ.
Зоиҳа — мазани, тамни билиш қувваси.

И

Ижтиnob — узоқлашиш, сақланиш, қочиш, чекиниш.
Иътило — баланд даражали бўлиш, мансабга кўтарилиш.
Инжило — жилва кўрсатиш, намоён бўлиш.
Инон — жилов, юган.
Интихаб — танлаш.
Истидъо — сўраш, ялиниб-ёлвориб сўраш.

Истихқоқ — бир нарсага ҳақли бўлиш.

Ишком — қорин.

Иҳзон — қайғурмоқ, хафаланмоқ.

Иҳтисоб — сўроққа тутиниш, тергаш.

К

Камокан — батамом, мукаммал, тўлиқ.

Кантуралар — конторалар.

Карруфар — мақтаничоқлих, ҳашамат.

Корд, кордча — пичоқ, қаламтарош.

Кордон — ишбилирман, тажрибакор, ишботя.

Коҳдон — сомонхона.

Қўй — қишлоқ, кўча.

Қўс — катта ногора.

Л

Лак — юз минг.

Лисон — тил.

Лажам — юган.

Лутфу дониш — яхшилик, марҳамат ва билим.

М

Мазоҳир — бир нарсанинг кўринадиган, зоҳир (пайдо) бўладиган жойи, ўрни.

Мазраъ — экин экиладиган жой, ёкинзор.

Макрамат — ҳурмат, шараф, иззат; саҳийлик, улуғлик.

Макшүф — оғилган, кашф этилган.

Малолат — малоллик, кўнгилга етган оғирлик.

Маол — буди-шуд, моҳият, мазмун.

Маоф — бўшаган (вазифаси), кечирилган, узрли ҳисобланган.

Маоф айламак — кечиримак, узрли ҳисобламак.

Музтар — мажбур бўлган, икор, ҳайронликда қолган.

Мағҳум бўлмоқ — фаҳмланмак, мазмунидан хабардор бўлмоқ.

Маҳжур — айрилиб қолган, узоқлашган; маҳрум.

Мийно — вино шишиси, шиша.

Магас — чибин, пашша.

Марду зан — эркак-хотин.

Мақол — сўз.

Мирасас — қоровул бошлиғи, соқчи.

Музоҳир — ёрдамчи, қўлловчи.

Мазҳар — бир нарсанинг пайдо бўлалигани ўрни;

Мунагғам — ғанийлик, бойлик, давлатмандлик.

Мунир — нур берувчи, ёрнитувчи.

Мункир — инкор қилинган, манъ қилинган. Кори мункир — манъ қилинган ңшлар.

Мұқалылд — тақлид қилувчи, бирөвга әргашувчи, азкиячи.

Мұнәм — инъем берувч, түйдирувч,

Мұтака — сұянчиқ, әрқа.

Мұфт — теки?.

Мұхтасар — қисқа қилиб айттылған, қисқартылған.

Мұқтада — иқтидо қилувчи, әргашуачи.

H

Нұхом — яширия.

Нұктадонлар — дополар, сұзник тушунувчилар, ақли етуклар.

Нұшқұт — шашхұрд, қолған-қутган.

O

Оам — қонук, тартыб. Аұл-Аýриқ.

Оши арас — иңчоқ түйи.

Ошыб — түпопон.

P

Пайдар — асосли, маңкам доимий, барқарор.

P

Рамида — ұрккан, құңыған.

Рәз — ұрқиши, құчиши, қочиши.

Раңуз — рамзлар, имо-ишора билан англатилған філтрлар.

Рақима — руқум, хат, мактуб.

Реву ранг — қиіллаю макр.

Рикоб — узанги.

Рұгардон — юз ұғирған, тескари турған.

C

Сахт — қаттиқ.

Соҳиби ағғон — фіғон әгаси.

Суд — фойда.

Сүф — сурп, матонинг бир тури.

T

Таблиғ — топшириш.

Таөфиқ — 1) мувофикланиш, уйғунлик,

2) ёрдам, мадад.

Тазаллум — нола, фарёд этиш.
Таррор — ўфри, кисавур.
Тафриқа — ажралиш, ажратиш; паришон бўлиш.
Таҳматан — Фирдавсий «Шаҳнома»сининг бош қаҳрамони Рус-
тамнинг лақаби, ботир, қаҳрамон.
Тош — километр сингари узунлик ўлчовия. Бир тош тахминан 8 ки-
лометр.
Тужжор — савдогарлар.
Тунд бод — совук, ёқимсиз, ёмон шамол.
Туршилик — аччиғилиқ.
Турфа — ажиб, қизиқ.
Түғро — белги, нишон, герб.

У

Ужб — такаббурлик, димоғдорлик.
Үёнмоқ — уялмоқ, андиша қилмоқ.
Устивор — маҳкам, асосли.

Ф

Фавт — ўлим, вафот этиш.
Фаррош — супурувчи, кўча супурадиган ходим.
Фарбек — семиз, йўғон.

Х

Хариш — қўтир.
Харта — халта, қопчиқ.
Хиссат — хасислик, очкўзлик, баҳиллик.
Хон — дастурхон,
Хурус — хўроз.

Ч

Час — русча «часть» сўзини ўзбекча талаффузи.

Ш

Шалларак — кўршапалак.

Қ

Қалами жалий — катта ҳарфлар ёзиладиган қалам.

Ҳ

Ҳамл — бир нарсани бир ердан иккичи ерга кўчиринш, олиб ўтиш.

МУНДАРИЖА

ҲАЖВИЁТ

Сатиралар

Танобчилар	5
Масковчи бой таърифида	8
Сайлов	11
Ахтаринг	12
Ҳапалак қишлоғи түғрисида	13
Дариғо мулкимиз	15
Дар мазамати замона	17
Ҳажви Виктор бой	18
Ҳажви Виктор	19
Воқиаи Виктор	20
Дар шикояти Лахтин	25
Воқиаи күр Ашурбой ҳожи	26
Түй	29
Век ил	34
Ҳажви Халифаи Минг тела	35
Турфа нодон баччағар	37
Дар мазамати қурбақа	38
Авалиё	39
Чойфуруш	40
Үргү	41
Тар мевалар	43
Ҳожи қадоқчи	45
Гап түғрисида гап	47
Лайлак	50
Асроркул	51
Дар мазамати сәгеки, әллікбөши номи ниҳода буданд	52
Бедарак кетдинг, Охуним!	54

Юморлар

Таърифи печ	56
Құсамен	57
Хайрон құсамен	58
Шарипшон құсамен	59
Девонамен	60

От	61
Ҳажви от	63
Бу отингиз	66
Отим	67
Дар сиғати ясби Тожи тилгрончи, ба тариқи ҳажв Муқимий туфтааст	68
Улоқчилар	69
Араванг	70
Аръба	71
Лой	72
Ҳайрон қилди лой	73
Дар мазамати исказ топар	74
Шикояти безгак	75
Беҳад ёмон безгак	76
Жўжам	77
Қийғирчилар	78
Фонус	79
Шамол	80
Бўқоқ	81
Кал қизиқ	83
Пашшалар	84

САЁХАТНОМА

Қўқончан Шодимардонга	87
Қўқончан Фарғонага	90
Қўқондан Исфараға	92
Исфара саёҳатидан	95

МАКТУБОТ

Шеърий мактублар

Ассалом	99
Миннатдорман	102
Жавоби руқъағи Нодим Наманғоний	104
Нұктадонлар ассалом	106
Салом, эй меҳрибонлар	108
Салом, эй ёру ошнолар	110
Бор эрди	112
Пайғоми манзума	114
Ул ҳусн султонига салом	115

Насрий мактублар

Маҳмудхўжа... ва ғойибона ошнамиз мулла Каримжон!	116
Биродари киромий мавлавий Камий!	118
Нури дийдамиз ва жигар гўшами: Рўзимуҳаммаджон!	120
Кўзларнинг нури ва мажруҳ сийналар сурори аъни Рўзиму- ҳаммаджон!	123
Кўзлар нури ва сийналар сурори аъни Рўзимуҳаммаджон!	125
Кўзларнинг нури ва сийналар сурори Рўзимуҳаммаджон!	127
Нурилабсори ва қуратулъаҳини Рўзимуҳаммаджон!	129
Нури чашм, иёдирил вужуди Рўзимуҳаммаджон!	131

Кўзлар нури ва сийналар сурори аъни жияним Рўзимуҳаммаджон!	133
Кўзларимизнинг нури ва сийналаримизнинг сурори аъни Рўзимуҳаммаджон	135
Нурилабсори Рўзимуҳаммаджон!	137
Нури чашимиз Рўзимуҳаммаджон!	139
Нобино кўзларнинг нури ва ғамтиң кўнгулларнинг сурори аъни Рўзимуҳаммаджон!	141
Жануби нури динда ва сурори сийнаи ғамдийда аъни Рўзимуҳаммаджон!	143
Кўзларнинг нури ва сийналарнинг сурори Рўзимуҳаммаджон!	145
Нурилабсоримиз аъни Рўзимуҳаммаджон!	147
Биродари муҳаббат тавъамон аъни Рўзимуҳаммаджон!	148

МАСНАВИЙЛАР

Хон акам	151
Тартибнома	153
Қор хат	155
Муқимий ижодий меросининг манбаълари	157
Изоҳлар	179
Луғат	192

На узбекском языке

Мукими

СОБРАНИЕ СОЧИНЕНИЙ В ДВУХ ТОМАХ

Том II

Гослитиздат УзССР — 1960 — Ташкент

Редактор М. Муамзода

Рассом К. Рудов

Расмлар редактори Г. Остапенко

Техн редактор Л. Ильина

Корректор Н. Ахрапова

Теритига берилла 19/V 1960 й. Боситига руҳсат
етилига 18/VII 1960 й. Фондаги 84X1 к 1/39.
Боғим 2, б. 25. Шартли шисма № 10, 25.
Нашр и № 4. Ичиреке жа, № 06122. Тифори
жин 25000. УзССР Дъират бадний адабийет нашр
райони, Тошкент. Навоий вучаси, №. Шарт
нома №. 77-57

УзССР Маданият министрияги Узглаввиджат-
нинг 1-босмахонаси. Ўзбекистон. Ҳамзат кў-
часи, 21 1940 й. Камил № 261. Баҳоси 7 с. 06 т.
1961 ийл 1 январдан баҳоси 71 т.

